



Bodleian Libraries

UNIVERSITY OF OXFORD

This book is part of the collection held by the Bodleian Libraries and scanned by Google, Inc. for the Google Books Library Project.


For more information see:

<http://www.bodleian.ox.ac.uk/dbooks>




This work is licensed under a Creative Commons Attribution-NonCommercial-ShareAlike 2.0 UK: England & Wales (CC BY-NC-SA 2.0) licence.

Fritz Reuter
2
Häuschen in Kumbelg.
III.



41-



Sämmtliche Werke

von

Friß Reuter.

Zweiter Band: Läusehen un Rimels. II. Theil.

Wismar, Rostock und Ludwigslust.
Druck und Verlag der Hinstorff'schen Hofbuchhandlung.
1872.

Läuschen un Rimefs.

Neue Folge.

Plattdeutsche Gedichte

heiteren Inhalts

in mecklenburgisch-vorpommerscher Mundart

von

Fritz Reuter.

De irft, de geiht,
Dit is de Zweit;
Will wünnen, dat de't of noch deiht.
Un wenn hei'l dauhn deiht, kann hei gahn,
Ist heww an em dat Minig dahn.
Wenn Einer dauhn deiht, wat hei deiht
Denn kann hei nich mihr dauhn, as hei deiht.

Neunte Auflage.

Wismar, Rostock und Ludwigslust.
Verlag der Hinstorff'schen Hofbuchhandlung.
1872.

38. d. 12.

Uebersetzung — auch in das Hochdeutsche — ist vorbehalten.

Seinem verehrten Freunde,

dem

Herrn Justizrath Schröder

zu

Creptow an der Collense,

übergibt dies Büchlein

**nicht bloß in Anerkennung sonstiger ausgezeichnete
Eigenschaften,**

sondern auch vorzugsweise

zur Kräftigung seiner gemüthlichen Laune

der Verfasser.



Vorrede.

Ein jeder Kegelschieber weiß, wie schwer es ist, auf freien Bahnen einen stets erfolgreichen Aufsatz und Wurf zu haben. Man findet freilich zuweilen auch in dieser Arena Heroen, die Wurf für Wurf auf Honneur pariren, die bald hoch, bald niedrig, bald links, bald rechts aufjehend, ihre Kugel dem jedesmaligen Regelstande anzupassen verstehen, in kühnem Zuge dahin brausen, Alles fortreißen, niederstürzen und selbst wenn die Umstände in Gestalt eines unzuverlässigen Regeljungen die Gasse des glücklichen Erfolges gar zu enge gestellt haben, durch ein haarsträubendes, geniales Schrauben die Ungunst auszugleichen verstehen. Das sind die Künstler, sie stehen auf der rechten Seite der Rechentafel hoch angeschrieben. — Aber es giebt auch Andere, schwächliche Naturen, die in sanften, romantischen Windungen die Bahn hinableiern — ein Wurf, wie der andere — sie haben stets einen gewissen Nagel im Auge, auf den setzen sie ihre Kugel und ihr Glück, bei hohler Bahn kommen sie gut in's Honneur; meistens aber mit einem sogenannten „Maulaffen“; ihre Kugel dujelt mit sentimentalem Kegelschlag in den Regeln umher, sie würden große Erfolge haben, wenn die Wackler für voll gerechnet würden. Sie verfolgen ihre Würfe mit allerlei Männchen und Mätzchen, treten andere Leute dabei auf die Zehen, sind unerbittliche Kritiker und verlangen von uns Anderen, wir sollen's ihnen nachthun. —

Wir Anderen nun endlich thun's ihnen aber nicht nach, wir werfen lustig darauf los, Pudel oder Neun; sollen wir einmal nachahmen, so laßt uns lieber die Ersteren nachahmen; wollen wir das nicht, nun so laßt uns die Zeche bezahlen; wir haben dann doch wenig-

stens unser Vergnügen gehabt. Ich für mein Theil habe gleich zuerst auf dieser Regelbahn einen billig guten Wurf geworfen, ich warf den ersten Theil von „Läuschen un Kimels“; habe darauf bald links, bald rechts aufgesetzt, bald stark, bald schwach geschoben; mancher Pudel ist mituntergelaufen; habe zwar einmal ein Honneur geschoben, war aber das „Herz“, und das zählt nicht auf der Rechentafel. — Nun will ich mal wieder meinen ersten Wurf annehmen: aber mir ist bange dabei; Jeder weiß, wie schwer dies ist, wenn man eine Zeit lang herum „geflackert“ hat, und bei meinem ersten Wurfe standen die Regel so schön, jetzt steht die rechte Gasse gar zu enge.

Zunge! Borderede grade! — Also, meine Herren, ein Pudel wird nicht gestraft!“ —

„„Das wird im Leben kein Honneur!““ sagt ein kritischer Leiermann hinter meinem Rücken. —

„Muß ich mir gefallen lassen.“

„„Wie viel im Ganzen?““ fragte der Herr bei der Rechentafel.

„Warten Sie bis zur Ostermesse.“

Neubrandenburg, den 18. October 1858.

Fritz Reuter.

Inhalt.

	Seite
1. De swarten Pocken	1
2. En gaud Geschäft	9
3. Dat nige Whist	15
4. De Börger's bi Regenweder	19
5. De Buren bi Regenweder	21
6. Dat wir bald wat word'n	23
7. En Mißverständniß	24
8. De Korten	26
9. De Jagdgeschichten	28
10. De Deckelweden	40
11. Wer is kläufer?	42
12. De Klingenflöpfer	47
13. De beiden Baden	49
14. Wo dat woll taugeiht?	52
15. En Beten anners	53
16. Wenn Siner deiht, wat hei deiht, Denn kann hei nich mihr dauhn, as hei deiht....	54
17. Täuw, Di will ick betahlen!	54
18. So nich wedder seggen!	56
19. Snider-Begnängen	59
20. Man nich verkopslagen!	61
21. Dat smeckt dor äwerst of nah!	62
22. Woran man einen pommerschen Buren kennen kann	65
23. Dat Best	83
24. Wat sich de Raustall vertellt	84
25. Oh, Föching Pesel, wat büßt Du för 'n Esel'	86
26. Wat wull de Kirl?	93
27. Dat kümmt mal anners	95
28. De Kalwerbrad	97
29. De Reknung ahn' Wirth	102
30. Dat sünd up Stun'ns sihr slichte Tiden	104
31. 'Ne schöne Gesellschaft	108
32. Uemfihrt	110
33. De gaude Will	111
34. De richtige Reknung	114
35. De nige Paletto	116
36. De schöne Spandillg	128

	Seite
37. Du drögst de Pann weg	132
38. Dat is 'e!	139
39. Respect vör'n Großherzog sinen Rock!	141
40. Wenn Einer wat ward	142
41. En snaksches Dirt	144
42. En Prozeß will hei nich hewwen	146
43. Wat ut en Scheper warden kann	153
44. In'n Brand lopen	162
45. Grugliche Geschicht	163
46. Verachtung der Welt	167
47. De Drom	170
48. 'Ne gaude Utred	172
49. Dat geht woll nich	174
50. En Schmuß	176
51. De Zulheit	182
52. Dat Bannen	190
53. Wat einen Spikbauwen hollen kann	197
54. Nemstän'n veräumern de Sak	202
55. 'Ne Geschicht von minen olleu Fründ N.in... ..	203
56. De Sokratische Method'	208
57. Schön Dank!	212
58. Wat All' in so'n Stadtrekning steiht	216
59. De Afsungst	228
60. En Rock möt dorbi äwrig sin	230
61. De Hauptsak	233
62. Wo is dat Für?	237
63. En lütt Verseihn	245
64. Hei is woll klauß up sine Bäuker, Doch Föching is en ganz Deil kläufer	253
65. So nich quälen	254
66. De richtige Grund	256
67. Dat ward All' slichter in de Welt	257
68. Up wat?	258
69. Noth- und Liebeswerke	259

1. De swarten Boden.

Wenn 'n Spitzbaum ut de Dör rut geiht,
Denn weit hei ganz genau Bescheid,
Wat den'nen fehlt, von den'n hei geiht;
Doch wenn en Dokter rute geiht,
Denn weit seindag' ¹⁾ hei nich Bescheid,
Wat sinen Kranken fehlen deiht.

Tau „Weit nich wo,“ dor wahnt Herr Holtermann,
De kreg mal in sin leiw Gesicht
En Anfall von de fleigend Sicht.
Dat knep ²⁾ un ret ³⁾ un packt em an,
Dat purrt ⁴⁾ un bohrt in 't Fleisch herümmer,

¹⁾ seindag', eigentlich: seine Tage, d. h. immer, jemals.
²⁾ knep — kniff. ³⁾ ret — riß. ⁴⁾ purren — in etwas herumstochern, herumstöhren, zum Zweck des Aufräumens und Umwandeln's; aber mit dem Nebenbegriff des Langsamen, Mühseligen.

Un wat för Druppen hei of slückt,
Un wat sin leiwe Fru of brukt,
Ze, dat würd slimm un ümmer slimmer.
Drei olle Wiver pusten ¹⁾ nu:
„Dor sprüngen twei Kirls woll äwer den Tun
De ein, de was blag un de anner was brun.“
Helpt Allens nich. „Na,“ seggt de Fru,
„Fik, lop nah unsen Dokter hen,
De kennt uns' Badern sine Sicht
Un kennt of sin Naturgeschicht.“ —
Fik kümmt taurügg: „De is nich in,
Hei ward woll up de Landstrat sin;
Doch wenn hei kem, denn jüll hei kamen.“ —
„Denn hal en annern, Fik, un lop!“
Ze ja, je ja! De Dokters alltaufamen,
De wiren ut, un Fiken drop ²⁾
Sülwst bi de nervenswacksten Damen
Un in de Wirthshüs', wo sei jüs doch kamen,
Nich einen von de Herrn Doktoren,
Sie wären alle ausgeföhren.
Blot den Cichurgus Jacob Kalw,
Den find't s' taulegt un slept em ran,

¹⁾ pusten — blasen. Im übrigen Sinne — stillen,
böthen. ²⁾ drop — traf.

Doch Jacob, de is of man halw,
Is dun, as Einer wesen kann,
Hei 's niederträchtig in den Storm
Un süht den Nikolaithorm
För 'ne steidelricht' t¹⁾ Kliftirspritz an. —
Sif ledd't²⁾ nu den Eichurgus 'rin,
Un as hei in de Stuw ward sin,
Dunn sammelt hei denn sin Gedanken
So gaud, as 't geiht; nimmt sif tausamen
Un geiht an 't Bedd un fröggt den Kranken:
Up wecke Ort hei dortau kamen. —
„Ick hemw 't so kregen³⁾“, seggt de Krauk. —
Nu sohrt em Jacob in 't Gesicht
Un fingerirt de Back entlang:
„Dat deiht woll weih?“ — De Krank, de schriggt⁴⁾.
„Dat wüßt ick, dat dat weih dauhn ded.“
Un tippt nu wider hen un her,
Ob dit em nich noch weiber ded? —
De Krank, de schriggt, dat't nich taum Utholl'n⁵⁾ wir. —
„Nich wohr?“ fröggt Jacob. „'E brennt as Fü'r.
Nu täuwen⁶⁾ S' man, Herr Holtermann,
Nu klopp ick mal hir haben an,

¹⁾ steidel — steil. ²⁾ ledd 't — leitet. ³⁾ kregen — ge-
kriegt. ⁴⁾ schriggt — schreiet. ⁵⁾ Utholl'n — Ausschalten.
⁶⁾ täuwen — warten.

Hir up den spitzen Backenknaen, ¹⁾
Wat S' denn woll för Gesicht maken?"
De Krank, de springt nu hell in Gn'n ²⁾
Un grippt nah Jacob sine Hän'n,
Un bröllt un schriggt un weihmert ³⁾ lud. —
„Nich wohr, dat holl der Deuwel ut?"
Fröggt Jacob Kalw. „Nich wohr, dat brennt?
Sei makten of en schön Gesicht.
Ja, Herr, dat is de fleigend Gicht,
Ick kenn s' gewiß, wenn s' Einer kennt." —
„„Na,““ fröggt de Fru, „„wat sünd vör Saken
Denn gaud dorför? Wat 's denn tau maken?““ —
„Tau maken? — Je,“ seggt Jacob Kalw,
„Taurst nem wir hir dese Salw,
Un ward'n em dat Gesicht insmeren,
De ward de bösen Dünst vertehren,
Un denn“ — un leggt den Finger an de Näs' —
„„Heww'n Sei kein Roborantium?“ —
De Fru, de steiht as in den Däſ':
„„Dat nich.““ — „„Willicht ein Mitigantium?“ —
„„Ne,““ seggt de Fru, „„dat ick nich wüßt.““ —
Je, seggt unſ' Jacob, etwas müßt

¹⁾ Knaen — Knochen. ²⁾ hell in Gn'n — plötzlich in die Höhe. ³⁾ weihmern — wehklagen.

Noch uter sine Salw gescheihn,
De Salw, de ded dat nich allein.
Ob sei kein Surkrut nich hett? —
Dat hett sei, ja! — „Denn nemen S't," seggt Jacob,
„Un slagen S't in 'ne rein Salwjett ¹⁾
Un legg'n S't den Kranken up den Kopp.“
Un geiht nu 'rut un seggt adjü. —
„„Fif,"" seggt de Fru, „„oh, lop em nah!
Ob ok 'ne Bratwurst müßt dorbi?"" —
Un Fif ²⁾ kümmt t'rügg: „Ja," säd hei, „ja!
Dat künn taum wenigsten nich schaden.“ —
Na, up Befehl von Jacob Kalw
Würd Holtermann nu ingesmert,
Un mit 'ne gnäterswarte ³⁾ Salw
Ein leiwes Antlig angethert,
Un as en Turban up den Kopp
Lagg de Salwjett mit Surkrut,
Un haben lagg de Bratwurst up,
Un unse gaud Herr Holtermann
Sach as en Muhrenkönig ut.
Un as hei dor so nüdlich sitten deiht,

¹⁾ Salwjett — Serviette. ²⁾ Fif — Sophie. ³⁾ gnäter.
— Diese Verstärkung von „schwarz“ kommt sonst in der Sprache nicht weiter vor. Wir ist die Bedeutung und Ableitung des Wortes unbekannt.

Dunn kloppt dor wer, dunn kloppt wer an,
Un as de Dör nu apen geiht,
Dunn künnt en Dokter rin. —
Wo heit doch noch de Mann?
Sin Nam ward doch nich Möller sin? —
De Nam is mi doch rein entfollen. —
De ward den Puls bedächtich hollen
Un fragt nah dit un fragt nah dat:
Wo 't nu woll sitt? Wo 't irsten satt?
Hei säuhlte sich woll hellsehen matt?
Un ob hei sich all säuhlte frischher?
Nah Allens fragt de Dokter —
Wo heit doch noch de Mann?
Dat 't mi doch nich besinnen kann!
Un seggt taulekt: „Herr Holtermann,
Chirurgus Kalw sagt: fliegend Gicht;
Ich aber sag', das ist es nicht,
Hier ist was anders indicirt:
Der Puls ist klein, die Haut ist trocken,
Die schwarze Farbe im Gesicht,
Das Auge röthlich inflammirt,
Ich sage leider: schwarze Pocken.“
Un röppt de Fru allein sich 'ran:
„Bestell'n S' dat Sarg man bi den Diicher. —
Un nu adjüs!“ seggt Dokter —

Wo heit doch noch de Mann?
Dat ick den Namen doch nich weit!
Mi is, as wenn hei Schröder heit. — —
„Ja, Bader,“ segt oll Nahwer ¹⁾ Gräun,
„Du büst entfahmten antauseihn,
Un Din Kalür ²⁾ geföllt mi nich:
Din Utseihn is jo fürchterlich!
Wenn dat de swarten Pocken sünd,
Denn maß Di man up wat gefaßt,
Ick heww sei einmal hadd as Kind,
Dat is en niderträcht'gen Gast,
Un is en Sunnendanz up Socken.“ —
De Fru, de schriggt, un Fif, de schriggt:
„Ne, ne, dit is kein fleigend Gicht!
Ne, ne, dit sünd de swarten Pocken!“ —
Un All'ns in 'n Hus', dat weihmert lud:
„Hei süht all ganz verännert ut,
Dit sünd de richt'gen swarten Pocken!“ —
Un an dat Hus up ap'ne ³⁾ Strat.
Dor lett wohllöblich Magistat
'Ne Tafel slagen mit 'ne Schrift:
„Uhhier ist schwarzes Pockengift!!!“

¹⁾ Nahwer — Nachbar. ²⁾ Kalür — couleur. ³⁾ ap'ne
— offene.

Wir lassen Jedermann gebieten,
Vor schwarzen Pocken sich zu hüten,
Es soll sich keiner unterstehn,
In dieses Haus hinein zu geh'n.
Wer dennoch aber Pocken kriegt,
Der wird vom hies'gen Stadtgericht
Als ihr Verbreiter angesehen.
Wonach ein Jeder sich zu richten hat." —
Un Urt un Datum. — „Hies'ger Magistrat." — —
Dunn kümmt de Dokter Michel an,
Husarzt bi Herren Holtermann,
Hei hadd mal wedder switifirt
Un up de Landstrat rümflankirt:
„Mein Söhning," seggt hei tau den Kranken,
„Sei känen Ehren Schöpfer danken,
Mit swarte Pocken is dat nickß;
Eichurguß Kalw
Hett stats mit Salw
Sei angethert mit Stäwelwichß."

2. En gaud Geschäft.

Tau Grimmen was mal en Burmeister,
De was sühr streng un sühr gerecht;
Un 't was tau Grimmen of en Preister,
De hett sich sühr dorwedder ¹⁾ leggt,
Wenn up den Sünndag wat geschach,
Un wenn hei men in Arbeit sach, ²⁾
Wull hei 't abslutemang nich liden. —
Na, dit was in de schwed'schen Tiden,
Nu mag 't woll anners worden sin. —
Na, einmal was 't en slimmen Mußt, ³⁾
De Grimm'n'schen seten deip herin,
Bon 'n Hewen ⁴⁾ ded 't mit Mollen ⁵⁾ geiten,
Un all de Hawer, Gasten ⁶⁾, Weiten
Stünn up dat Feld un stünn un stünn; ⁷⁾
Kein Deuwel freg en Fäuder rin.
Of den'n Burmeister güng dat leg, ⁸⁾
Denn hei of drew de Ackeri
Un hadd 'ne grote Kummeli
Bon Kurn up 't Feld, un 't würd nich drög, ⁹⁾
Dat Kurn fung an all uttauwassen,

¹⁾ dorwedder — dawider. ²⁾ sach — sah. ³⁾ Mußt — Ernte. ⁴⁾ Hewen — Himmel. ⁵⁾ Mollen — Mulden. ⁶⁾ Gasten — Gerste. ⁷⁾ stünn — stand. ⁸⁾ leg — schlecht. ⁹⁾ drög — trocken.

Dunn müßt 't sich einmal just so passen,
Dat 't Sünndags intauführen was.
„Na,“ seggt de Herr Burmeister denn,
„Jehann, spann an un führ man hen! —
Wenn ich mein Korn heut holen laß,
So wird's der Pastor woll nich wehren;
Und sollt er's thun —
Je denn — je nun —
Ich würd' mich heute nicht dran kehren.“ — —
Na, as Jehann de Strat hendal
Nu rute führt, dunn geht 't denn los:
„Corl Smidt, Franz Schult, Jehann Westphal!
So spaud Zug doch, fik't dor mal bloß!
Unj' Herr Burmeister führt hüt in;
Un wat de Herr Burmeister kann,
Dat kän wi ok; — spann an, Jehann!
Un spaud Di doch un maß ok swinn!
Du nimmst den Dingel up de Spitz,
Un oll brun Tanten nimmt sich Fritz —
Wi führen hüt mit duuwelt Gang —
Un Du, Corlin, un Fiken Schaden,
Zi maßt Zug prat, Zi sält hüt laden;
Bistaken deiht Corl Kederank,
Un Snursch un Lüchtsch un Rife Decken,
De sälen rinner in dat Fack,

Un leggen fall oll Bader Tack,
Un Zochen fall den Rötter ¹⁾ trecken, ²⁾
Hir is de Fork, ³⁾ hir is de Binner ⁴⁾!
Saum Dunner, rögt Zug doch geswinner!
Der Düwel hett so 'n Nälén ⁵⁾ seihn!
Na, täumt! Ich ware schön los Zug böhren!
Makt doch de Beinen bet ⁶⁾ vonein!
Gotts Dunner! — Na, ich will nich schwören,
De Eiden sünd dor jitzt nich nah —
Dit Nälén is denn doch tau arg!
Un hürt Zi! ümmer von de Barg!
De Grün'n de drögen nahsten ⁷⁾ nah." —
Un rumpel di pumpel di pumpel di pass,
So rastert ⁸⁾ dat Fuhrwarf de Strat nu heraf,
Un Bader, de löppt
Un Bader, de röppt
De Strat nu hendal
Nah Knecht un nah Mäten:

¹⁾ „Rötter“ wird eine kleine von Menschen gezogene Hungerharke genannt. ²⁾ trecken — ziehen. ³⁾ Fork — Heugabel. ⁴⁾ „Binner“ oder auch vollständiger „Austbinner“ ist der lange Strick, mit welchem der Baum über dem Getreidefelder fest geschnürt wird — Erntebinder. ⁵⁾ Nälén — Bözger, Zaudern. ⁶⁾ bet — bis; dies Wort wird aber in weiterer Bedeutung, als im Hochdeutschen gebraucht. Hier so viel als mehr, weiter. ⁷⁾ nahsten — nachher. ⁸⁾ rastern — raffeln.

„So hollt doch en Beten!
So hollt doch en mal;
Zi hewwt jo de Hauptjak, den Wej'bom ¹⁾ vergeten.“ —
So geiht dat fast in jeden Hus';
Ganz Grimmig is in Zi un Hast;
Un spaud Di, dat Du farig ²⁾ wardst!
Dat geiht mi hüt doch vel tau duj' ³⁾!
Ziw Föder möten hüt noch 'rin.
Un firing Corl! un Dürting swinn!
Un spaudt Zug doch, Corlin, Kristin!
Un unsern Herrn Burmeister sin,
De hett nu all en Fäuder 'rin.“
So geiht dat ümmer in de Straten,
Un ümmer heit dat: „De Burmeister,
De hett tauirst insühren laten.“
Un All'ns is froh, un blot den Preister
Hett doch de Sak ganz hellisch verdraten⁴⁾.
De murt un brummt in 'n Hus' herüm:
„„Wenn selbst das Oberhaupt der Stadt
Nicht Scheu vor den Gesetzen hat,
Dann ist das schlimm! sehr schlimm! sehr schlimm!“

¹⁾ „Wej'bom“ ist der Baum, der über dem Fuder liegt.
²⁾ farig — fertig. ³⁾ „duj“ oder „dujemang“, vom französischen „douce“ bedeutet hier „langsam.“ ⁴⁾ verdraten — verdrossen.

Sein Thun ist wahrhaft ja barbarisch.
Doch wart', Patron, Du sollst dafür
Gestraft auch sein, ich schwör' es Dir,
Ganz exemplarisch, plarisch, plarijch!"

Den annern Dag is denn Termin,
Un unse Herr Burmeister seggt:
„Herr Rathsherr, 't kann nich anners sin,
Unj' Herr Pastur is in sin Recht.“

Un röppt den Kniper rin un fröggt,
Wer gistern Rahmiddag hett führt;
„„Se,““ seggt de, „„Herr, hir haben¹⁾ wir't
Corl Schult un Möller, Schaufter Smidt
Un Acker'smann Michel un Witt,
Un un'n, dor führten f' Altaufamen.““ —
„Denn lat Sei f' All mal ruppe kamen.“ —
Sei kamen denn, un de Burmeister
De seggt tau ehr: Woans de Preister
Dat bi em hadd tau Anzeig' bröcht²⁾,
Dat f' All den Sünndag gistern braken³⁾;
Un de Herr Paster, de hadd Recht.
„Wo Dunner! Wat sünd dat vör Saken?“
Röppt Akerbörger Jochen Smoof,
„Sei, Herr Burmeister, führten of!“

¹⁾ haben — oben. ²⁾ bröcht — gebracht. ³⁾ braken — gebrochen.

„„Und als der Erste!““ röppt de Preister,
„Das weiß ich wohl!“ seggt de Burmeister.
„Ich fuhr zuerst und d'rum bezahle
Ich heute auch zuerst mein Geld. —
Seiht hir, hir liggen min fiv Daler.
So, Kinnings, nu man 'ran un tellt ¹⁾
Ein Jeder hir man richtig gegen,
Denn hett de Sak ehr Endschaft kregen ²⁾.“ —
Wat helpt dat All, sei möten 'ran
Un tell'n ehr Geld hen Mann för Mann.
„„Wo?““ fröggt de Preister, „„bleibt das Geld?““ —
„Das Geld,“ seggt de Burmeister, „fällt
In unsre städtische Sportelkaffe.“ —
„„Un wo bleibt's dann?““ fröggt em de Preister. —
„Se, Herr Pastor,“ seggt de Burmeister,
Un hellisch ³⁾ fidel un häglich ⁴⁾ was 'e,
„Denn flüt't ⁵⁾ in mine Tasch herin,
Wil ick up Sporteln wesen ⁶⁾ bün.“

¹⁾ tellt — zählt. ²⁾ kregen — gekriegt. ³⁾ hellisch —
höllisch; hier eine bloße Verstärkung. ⁴⁾ häglich von hägen
— freuen. ⁵⁾ flüt't — fließt. ⁶⁾ wesen — gewiesen.

3. Dat nige Whist.

Wep wedd Fläg' ¹⁾ spelen sei 'ne Ort von Whist,
De eigentlich ein Jeder spelen müßt,
De wat von des' Ort Spill versteiht,
Wil des' Ort hellischen lustig geiht.
Dit Spill, dat spelen ehre acht:
Bir dragen 't Spill ganz ornlich vör,
Bir Anner fitten achter ehr
Un gewen up de Fehler Acht.
Des' lekten hewwen lange Pipen,
Un wenn de Spelers sich vergripen,
Denn wijen s' mit de Pipenspiß:
„De blanke Bur ward Di nick's nütz,
Ick würd den blanken Buren spelen.“
Un denn: „Holt doch, dat süll uns fehlen!
Wo ward'n wi denn sin Forschen slahn?“
Un wedder denn: „So lat doch gahn!
Wat hett uns Ruten-Säben dahn?“
Un: „Ne, den nich! Wi möten jo bedeinen.“
Un: „Ih bewohr! Na, dat wir nüdlich!
Wo so denn Trumps? Sei heww'n jo keinen.“
Un of de Spelers alle vir,
De reden mit enanner düdlich.

¹⁾ Fläg', Plural von Flag — Stelle, Ort.

Ein Jeder hett so sin Manir,
De kennt sin Mann denn ganz genau
Un snitt sin Utspill dornah tau,
Un denn, — natürlich — wenn s' sich nich verstahn,
Denn ward dat Spill en Beten unnerbrafen
Un ward denn richtig dörch irst spraken
Un kann denn nahsten wider gahn.
Blot mit Cajenne, Grang un Null,
Dor ward dat Spill en beten dull,
Denn dat ward mit Fautpedden ¹⁾ spält,
Un wenn dor ein denn Richtigen verfehlt
Un den Verfahrten pedden deiht,
Un peddt tau dull
Un sich nich up den Tritt versteiht,
Un peddt stats Null
En slichten Grang, un wenn he
En Lifdurn ²⁾ peddt gor stats Cajenne,
Geiht 't unner 'n Disch gefährlich her,
Sei stöten sich de Krüz un Quer;
Un ich bün nich recht girn dorbi,
Denn 't Ganze ward Schikaneri.
Doch dese Ort kümmt selten vör,
Wil dat dat Fautpedd'n un dat Tahren ³⁾

¹⁾ Fautpedden — Fußtreten. ²⁾ Lifdurn — Hühnerauge.

³⁾ Tahren — Hinundherziehen, Zerren, daher auch — Necken, Foppen.

Erst möt besonders utmaakt warden. —
Na, einmal kamm ick nah en Urte —
De Stadt liggt dicht an de Tollenj' —
Dor spelt ick desen Whist denn mit.
Min Mann, dat was oll Möller Curd,
Min Achtermann was Bäcker Mens',
Un de Burmeister un oll Smidt,
De wiren Beid' uns' Gegenpart.
Na, as nu rümmer gewen ward,
Dunn seggt oll Smidt: „Na, so as süs.“¹⁾
Un as nu All'ns in Ordnung is,
Dunn seggt oll Curd: „Ick kann 't den Herrn
Nah mine Kort gaud äwerlaten,“
Un ward mi up de Tehen²⁾ pedden.
Ick fik nu rinn in mine Kort,³⁾
Un finn dor söß von eine Ort,
Un jegg denn nu: „Na, ick maek Pif.“ —
„„Holt!““ röppt min Achtermann tauglik,
„„Wat Pif? Sei will jo Grang ab'lut.
Wenn Sei 't Herr Curd gaud äwerlett,
Denn wißt hei Sei, dat hei wat hett. —
Wi spelen Grang; nu man herut!““
Dat durt nich lang, dunn bünn ick an,

1) süs — sonst. - 2) Tehen — Zehen. 3) Kort — Karte.
Läuschen un Rimmel II.

Ich spel Pif Dam un frig den Stich.
„Man wider,“ seggt min Aed', Herr Curd.
Ich spel nu Kreuz, hei kickt mi an:
„Herr,“ seggt hei, „dat verstah ich nich,
Ich segg: man wider, wider furt!
Un Sei, Sei spälen mi Kreuz-Säben?“
„Ja,“ seggt min Achtermann, „Sei möten
En Beten beter Achtung gewen
Un up dat hören, wat hei will.“
Dat nächstemal kümmt Trumpf in 't Spill.
Oll Curd, de ward mi eklich stöten,
Un seggt dortau: „Na man herut!“
Un ich spel Ruten-König ut.
De König, de behöllt den Stich;
Un Curd, de seggt: „Verstahn Sei nich?
Ich segg tau Sei: Nu man herut!“ —
„Woll,“ segg ich, „ich verstah Sei — ja!“
Un spel de Dam in Ruten nah.
Dunn smitt oll Curd de Kortten hen
Un springt vör Bosheit hell in En'n
Un röppt dortau in vulle Wuth:
„Sei spelen jußt so as en Snider,
Mit Sei spel jo der Deuwel wider!
All dreimal segg ich: „Man herut!“
Un spelt doch keinen Trumpf nich ut.“

4. De Börgerß bi Regenweder.

In Fredland was en ollen Paster, Namens Meier,
Dat was en ollen Mann, gottsfürchtiglich,
Un noch en annern Paster, Namens Dreier,
De was of fram; worüm denn nich? —
Nu kam in 'n Muß denn mal 'ne Tid,
Dat dat drei Wochen fort in eine Swit
Dagdäglich von den Hewen got.
Dat was denn nu 'ne grote Noth.
De Börgerßchaft, de kamm taußamen,
Um Rath tau holl'n, wat dorbi wir tau maken.
Dor würd' denn hen un wedder spraken,
Bet s' endlich äwerein jünd kamen,
Sei wull'n den Preister beden laten.
So wid was 't gaud. Dit was nu woll besluten.
De Frag was äwerst nu: Wen von de Beiden?
De Erst jäd: „Dreier!“ Un of den Zweiten
Schint Dreier as de Best; un „Dreier, Dreier, Dreier!“
Güing 't dörch de ganze Börgerßchaft;
Man blot oll Meister Näm' jäd: „Meier!“
Dat hülþ em nich, sijn Stimm was unnerlegen. —
Den annern Sünndag predigt nu mit grote Kraft
De Paster Dreier gegen Regen;

Ze, hadd 't irst regent, regent 't nu irst recht!
De Regen föll in Gäten ¹⁾ nedder. —
As in de negste Woch' dunn wedder
De Börgerſchaft tauſamen is, ſeggt
Stadtſpreker Päpf': „Na hört, mi dücht,
Dor uns dat mißglückt is mit Paſter Dreiern,
So nem wi nu mal Paſter Meiern,
Mit deſen glückt uns dat villicht.“
Du Paſter Meier bedt of, wat hei künn,
Un as hei noch in 't beſte Beden ſtünn,
Dunn tickt de Sünne all in de Finſterruten, ²⁾
Un 't beſte Weder ſchint dor buten. —
As Meiſter Räm' nu ut de Kirch 'rutgeiht,
Kloppt Päpfen up de Schuller hei un ſeggt:
„Na, Rahwer, heww ick nu nich Recht?
Heww ick nich ſeggt, wenn Meier beden deiht —
Un wenn dat of mit Emmern ³⁾ göt —
Unſ' Herrgott mag nu willen oder nich, hei möt!“

¹⁾ Gäten — Güssen. ²⁾ Finſterruten — Fenſterſcheiben.
³⁾ Emmern — Eimern.

5. De Buren bi Regenweder.

„Brrr!“ seggt de Schult Kampehl, „wat is 't för
Weder!“

As hei herin tredd in den Kraug, ¹⁾

„Dat is för 'n Hund nich gaud genaug!

Na, sünd Zi denn nu hir, ein Feder?“

„„Ick glöw binah. Blot Jochen Delbarg fehlt.““ —

„Wo de nu woll herümmer nält?

Dat is 'ne olle Ruff ²⁾ sin Lewsdag west

Un bliwot of so! Wo de woll rümmer däst?

Na, lat't em rüm nah 'n Deuwel lopen! — —

Hürt, Kinnings, ick heww Zug tauhopen

Mal kamen laten, dat w' uns mal beraden,

Wat bi so 'n Weder is tau dauhn.

De Regen will sich gor nich stau'n

Un deiht uns grugelichen ³⁾ Schaden.

Wi möt dortau wat dauhn indeß.

Unf' Rogg is rin, doch all unf' Weit

Un Hawer noch in Hocken steiht,

Dat ward jo alltausam tau Meß.“ ⁴⁾ —

¹⁾ Kraug — Krug, Wirthshaus. ²⁾ „Ruff“ ist die Bezeichnung für einen Menschen, der nie zu rechter Zeit fertig wird. ³⁾ grugelich — gräulich. ⁴⁾ Meß — Mist.

„„Dor heft Du Recht!““ seggt Jochen Brümmer,
„„Dat ward tau Meß, dat säd id' ümmer.““ —
„Ja,“ seggt oll Bolt, „wenn 't nu nich rinne kümmt,
Denn ward 't tau Meß, dat is bestimmt.“ —
„„De Sak,““ seggt nu de Schult, „„lett mi nich rauhn;
Dor möt wi doch wat gegen dauhn,
Dat regent jo in Einen furt;
Du, Badder Boß, red Du doch mal en Wurt.““ —
„Je,“ seggt oll Boß, „dat is jo, as dat is!
Dat 't regen deiht, dat is nu mal gewiß.“ —
„„Ja,““ seggt oll Funk, „„un regen deiht 't.
Wo dat noch dick an 'n Hewen steiht!““
„Je,“ seggt de Schult, „wat mak wi denn dorbi?
Du, Badder Krull, red Du mal fri.“ —
„„Wer weit't?““ seggt Krull. — „Wer weit't,“ seggt Bolt,
„„Un dorbi is 't entfamtent kolt
Un grusig,““ ¹⁾ seggt oll Badder Havemann
Un treckt Fusthanschen ²⁾ in de Stuw' sid' an. —
„Na,“ seggt de Schult, „denn will 'd' Zug mal wat seggen:
Des' Woch' willn wi 't noch äwerleggen,
Bet negsten Sünndag will'n w' noch luren,
Un füll denn noch de Regen duren,

¹⁾ grusig — schaurig. ²⁾ Fusthanschen — Fausthandschuhe.

Denn will' wi hir tausam uns wedder finnen,
Wat bi den Regen wi beginnen.
Un hört dat denn nich up, denn minetwegen!
Denn lat wi 't hen nah 'n Deuwel regen!"

6. Dat wir bald wat worr'n.

„Gün Morgen, Herr! Gün Mornn, Herr Rath!"
So kümmt oll Schult un Smidt tau Dör herinner.
„Na," seggt de Rath Berlin, „wat bring' Zi, Kinner?"
„Je, Herr, wi kamen twors en Beten lat, ¹⁾
Indeffen let sich 't doch nich ihre ²⁾ maken,
Denn mit Gefangn'n! — Dat sünd so 'n Saken;
Dat tägert ümmer gor tau lang.'" —
„Na, Kinner, seggt: wat willt Zi mi?" —
„Jh, Herr, wi bring'n Sei den Gefangn'n,
Den Häupter ³⁾ von de Röweri, ⁴⁾
De dunn tau Lübbersdörp passirt.'" —
„Dat is jo schön! Dat is jo prächtig, Kinner!
Denn bringt den Kirl man glif herinner;

¹⁾ lat — spät. ²⁾ ihre — eher, früher. ³⁾ „Häupter“ wird nur in einer Bedeutung gebraucht, nämlich für „das Haupt“ beim Anstiften irgend eines Unheils. ⁴⁾ Röweri — Räuberei.

Nu hemm'n 'w de Spißbaum'n alltauhopen." "

„Je, Herr!“ seggt Schult, „unf' is uns man schappirt,
Wör 'n beten is hei weg uns lopen.“

7. En Mißverständniß.

Ick hemm en Fründ, en lütten, ollen,
De höllt in allen Dingen dicht,
Dat Dichten blot, dat kunn hei nich recht hollen,
Un wenn hei 't mit dat Dichten friggt,
Denn bruf't hei äwer, as wenn so 'n
Theeketel äwerfaken deiht,
Bet Allens unner Water steiht. — —
Na, ick was mal mit desen ollen Sweden
In eine grot Gesellschaft beden
Bi minen Fründ, den riken Gaudsbesitzer,
Bekannt dörch sine slichten Wiße.
Dat Glück, dat wull, dat ick mit unsern Dichter
Bi 't Abenbrod tausamen satt;
Un wohrt nich lang', dunn maßt hei so 'n Gesicht,
As „Paß mal up, nu kümmt 'e wat!“

Sei keß so stiw rup nah den Bähn ¹⁾
Un brummte Nimels mang de Zähn ²⁾
Un tippte mi de Fingern up den Tisch,
Drümk ut Berseihn ut fines Rahwers Glas,
Kolt würd sin Brad ³⁾ un kolt sin Fisch;
Kort, Ein kunn seihn, dat hei in 't Dichten was.
Mit einmal äwer sprung hei up, —
Sei hett en slicht behöllern Kopp, ⁴⁾
Un fürcht't dat hei behacken blew,
Wenn hei sin Bers' nich nedder ⁵⁾ schrew —
Un lep herute ut de Dör
Un rönnt dor buten hen un her,
Un kafelt ⁶⁾ rüm un hadd 't so hill, ⁷⁾
Grad as en Haun, wenn 't leggen will.
Saum Glücken süht de Stuwendirn
Em dor herümmier patrullir'n;
Sei fröggt, wat em gefällig wir.
„Ach Gott doch, Kind, sput Dich un mach,
Zeig mir doch ein besonderes Gemach,
Und bring' ein Licht und auch Papier.“ —
Na, Guste, na, de frisch tau Höcht

¹⁾ Bähn — Boden. ²⁾ Zähn — Zähne. ³⁾ Brad — Braten. ⁴⁾ slicht behöllern Kopp — ein Kopf, der schlecht etwas behält, dem das Gedächtniß fehlt. ⁵⁾ nedder — nieder. ⁶⁾ kafeln — gackern. ⁷⁾ hill — eilig.

Un deckt de Hand siß äw're Dgen
Un kückt verschämt un lacht un seggt:
„Na täuwen S' man, id' raup ¹⁾ Sei Zochen.“ —
Un Zochen kümmt un winkt den ollen Fründ:
„„Oh, kamen S' hir man mit entlang!““
Un bringt em dörch en langen Gang,
Un as sei den tau En'n sünd,
Dunn slütt ²⁾ hei up 'ne lütte Dör:
„Hir, Herr, hir setten S' siß man her!“
Un drückt em in de Hand Poppir un Licht;
Weg was dunn sin, tau En'n is min Gedicht.

8. De Korten.

Baron von Sprudelwitz, de hängt ³⁾
Siß sine gelen ⁴⁾ Hanschen an,
Un achter em steiht sin Zehann,
Dat hei den Pelz em äwer hängt.
„Abfcheulich,“ seggt de Herr Baron tau siß,

¹⁾ raup — rufe. ²⁾ slütt — schließt. ³⁾ hängt — zwingt.
⁴⁾ gel — gelb.

„Abſcheulich heut preſſirt, auf gage!
Noblesse oblige! — Wi fürchterlich
Setzt heut mich dieſes Wort en rage!
Ja, wünſchte, wahrlich, ja! — auf taille —
Ich hörte heute zur canaille
Und brauch't' Viſiten nicht zu ſchneiden
Und könnt' Pepita ſehn, superbe!
Oh, grauſam Schickſal, bitter, herbe,
Wie häuſt Du auf mein armes Haupt die Leiden!
Doch halt mal, ja! So könnt' es paſſen:
Die Karten bloß abgeben laſſen
An jeder Thür, und dann, und dann . . . !"
An dreiht ſich üm un ſeggt: „Johann,
Vorfahren! Chriſtoph, der ſoll warten!
Und Du die Karten — weißt Du? — Karten!"
„Ja,“ ſeggt Johann, „de weit ich, Herr Baron,
Sei liegen linkschen in dat Schapp.“¹⁾ — —
„Ah bon! — Da iſt ja Chriſtoph ſchon! —
Nun Chriſtoph, immer ſchlanken Trapp!
Und Du, Johann, nun raſch hinab!
Nicht lange fragen, ob zu Haus? —
Gleich wieder 'raus!
Giebſt immer bloß 'ne Karte ab!"

¹⁾ Schapp — Schrank.

So jagen Sei nu dörch Swerin
Un ward'n dor bald mit farig sin.
Jehann sitt ümmer up den Schupp,
Nu rasch herun, nu fix herup! —
Na, ein Besäuf¹⁾ de fehlt noch man,
Denn sünd sei dörch mit ehre Turen.
De Herr Baron, de fröggt: „Johann!
Du hast doch wohl 'ne Karte noch?“ —
„Ja,“ seggt Jehann, „Herr, Rutenburen.“²⁾

9. De Jagdgeschichten.

Drei olle Gesellen von Jägerort,
De seten mal trulich tausamen,
Un 't hett of gor so lang nich wohrt,
Sünd s' in 't Bertellen kamen;
Sei seten tausamen vör 't Abenloß,³⁾
Bertellten sich olle Geschichten;
In 't Rühr,⁴⁾ dor stunn en Pöttken Kroß,
De Lippen mal antaufüchten.

¹⁾ Besäuf — Besuch. ²⁾ Rutenbur — Carreau-Bube.
³⁾ Abenloß — Ofenloch. ⁴⁾ Rühr — Röhre.

De Keinflamm schot bald up, bald dal
Un smet ¹⁾ so 'ne flackernde Lichter
Un lücht mit ehren roden Stral
Herin in de grisen Gesichtter.

Dunn seggt de ein, oll Rahfaut was 't:
„Up Stun'ns ²⁾ is 't niderträchdig;
En Jeder glöwt man, wat em paßt,
Dat Anner is em verdächtig.“

„„Ja,““ seggt oll Boß, „„nu glöwt mihr Kein;
Wenn wi von Jagd berichten,
Denn stimmen s' all glif äwerein:
Oh, wo! 't sünd Jagdgeschichten!““

„Ja,“ seggt oll Rohd, „un Jeder deiht,
As wir'n dat luter Lügen;
Un Jagdgeschichten nennen sei 't,
Wat wi mit Dgen jegen.“

„„Saum Bispill man,““ seggt Rahfaut, „„will
man seggen,
Wenn id 'ne wohr Geschicht bericht,
Dor ward sif Männigein dorwedder leggen
Un segg'n: Dat is 'ne Jagdgeschicht;
Un de Geschicht is würklich wohr. —

¹⁾ smet — schmiß. ²⁾ Up Stun'ns — jetzt. — Eigentlich „auf dieser Stunde“.

Ich hadd mal vör en halw Stig' Johr
En Häunerhund, was Pluto nennt —
Na, Badder Boß, Du heft em kennt.
'Ne staatsche¹⁾ Fahn, en Beten bunt,
Doch schadt em nich, was en kaptalen Hund,
Stammt noch von Dahlig sine Raß,
Mit denn'n had 'ck mal en netten Spaß:
De Hund was hellich up 't Apportir'n,
Un ick un Dahlig seten mal tausamen,
Dunn müßt tausfällig grad de Stubendirn
Saum Füermaken rinne kamen;
Sei hadd 'ne Schüpp²⁾ vull gläugnig³⁾ Kahlen,
Un de oll Schüpp was woll tau vull,
Genaug, wat Tügs⁴⁾ dat föll hendalen.
Na, min oll Badder Dahlig schull⁵⁾
Un jeggt: „Bring' fir ne Tang⁶⁾ herin!“
„„Ich ne,““ jegg ick, „„lat sin! lat sin!
Min Pluto kann s' jo ranne halen.““
Un: „„Pluto! Hir! Da! Faß! Apport!““ —
De Hund of glif d'rup in, un — fort! —
Sei apportirt uns all de Kahlen.““ — —
„Se, Badder,“ jeggt oll Boß. — „„Se, Badder,““ jeggt
oll Rohd, —

¹⁾ staatsich — stattdich. ²⁾ Schüpp — Schaufel. ³⁾ gläugnig — glühend. ⁴⁾ wat Tügs — etwas von dem Zeuge. ⁵⁾ schull — schalt. ⁶⁾ Tang' — Zange.

„De Sak“ seggt Boß. — „„De Sak““

seggt Rohd,

„„Min Glowen is jüs of woll tämlich, ¹⁾

Indessen doch““ — „Dat glöw Zi nich? —

Meint Zi, min Pluto wir so dämlich,

As hei de Kahlen ranne bröcht,

Dat hei dat Fü'r namm in de Snut? ²⁾

Hei böhrt ³⁾ tauirft den Achterbein tau Höcht

Un did sid irft de Kahlen ut.“

„„Ja, dat hett denn en annern Grund,““

Seggt Boß. — „Ja,“ seggt oll Rohd,

„Hei maft sid irft de Sak commod.

Ja dat, dat glöw id von den Hund.“

„„Ja, Badder,““ seggt oll Förster Rohd,

„„Wat wohr is, möt wohr bliwen,

So 'n Hund sin Klauheit is so grot,

Dor kann Ein Bäuker von schriwen.““

„Ja,“ seggt oll Boß, „dat is bekannt,

Weck ⁴⁾ von de ollen Tölen, ⁵⁾

De deiht taum Minschen blot de Hand

Un Sprak un Utsicht fehlen.“

¹⁾ tämlich — ziemlich. ²⁾ Snut — Schnauze. ³⁾ böhrt — hob. ⁴⁾ Weck — Einige. ⁵⁾ „Töl“ vulgär für Hund.

„„Ja,““ seggt oll Rohd un langt in 't Rühr,
„„Un dat f' den Krock nich mägen,
Süs füll'n wi f' nich von uns' Kalür
Tau unnerscheiden dägen.““¹⁾

„„Saum Bispill man,“ seggt Boff, „ick hadd mal einen,
Güing as de annern up vier Beinen,
Doch satt dor woll wat anners in,
Denn wenn de Hund vör Häuner stünn,
Denn künnt Zi segg'n: „Allong! Avang!“
Min Caro fihrt sich gor nich dran,
Zi künnt en locken, künnt en fleuten,
Zi künnt en slahn, Zi künnt en scheiten;
Hei dreiht sich üm un fet Zug an,
Schüddt²⁾ mit den Kopp un swenkt de Fahn
Un blew denn stiw un stramm bestahn.³⁾
Un üm den Hund müßt ick so hundsvoottsich kamen!
De Förster Slang' hadd mal so 'n Semeristen,⁴⁾
Den hadd hei up de Jagd mitnamen;
Na, de oll dämlich Bengel müßt en
Vör 'n Boff anseihn un — denkt Zug! — shot
Den Hund vör mine Dgen dod.“
„„Pfui, dat was jo entjam!““ seggt Rohd. —

¹⁾ dägen — taugen. ²⁾ schüddt — schüttelt. ³⁾ blew
bestahn — blieb stehen. ⁴⁾ Semerist — Seminarist.

„Wirst Du 't nich,““ seggt Rahsfaut, „ich fäd: hei lügg,
Dit is denn woll so 'n Jagdgeschicht.““ —

„Na, wenn 'd Jug äwerst seggen daub,
Wo 't mit de Saß gung richtig tau,
Denn ward Zi glöwen, wat ich spraken. —

As Caro müßt so hundsvoßtich starben,
Dunn let 'd sin Fell mi nahsten garben
Un let dorut 'ne West mi maken;

De hadd ich an; de West, de stünn,
As ich wull in de Lüften rin:

De West, de stünn jo vör de Häuner,
Un ich stünn mit.

Na, glöw Zi dit?

Nu red mal Einer!“

„Ja,““ seggt oll Rohd, „ja, dat kann sin,
Denn stünnst nich Du, de West, de stünn.““

„Caro'n sin Fell!“ seggt Rahsfaut. — „So?
Denn makst nich Du, denn makst de West tiboh!
Nu, dat Du 't uns vertellt utführlich,
Nu is de Saß jo ganz natürlich.“

Sei redten d'rätwer nu hen un her;
Stats süß von Dannen un von Bäumen ¹⁾

¹⁾ Bäumen — Buchen.

So redten i' jezt von ungefähr
Von nick's as Bannen un Späuken. ¹⁾

Du Boß vertellt 'ne Späufgeschicht,
Du Rahfaut weit 'i noch beter,
Du Rohd stüt't sin vergriht ²⁾ Gesicht,
Recht as en Spitzbaum let 'e, ³⁾

Un richt't sich up un seggt tau en:
„Will Zug en Stück vertellen,
Un wenn de Sak nich wohr is, denn
Sält Zi mi Lägner schellen.

Den lezten Frühjohr vör drei Johren
Dunn güng ich mal herin nah Wohren.
Wull Pulver halen, min was all.
Bi Zeunern freg 'ich en denn of ball,
Un as dat an tau düstern ⁴⁾ fung,
Namm ich min Flint un Tasch un gung.
Dat was jon'n richtig Sneppenweder ⁵⁾
En Beten grufig un nich folt,
Un nich en lüttes Spirken ⁶⁾ Wind.
Nu beww ich an de Mod' menleder, ⁷⁾

¹⁾ Späuken — Spuken. ²⁾ „vergricht“ bedeutet fast das Hochdeutsche „verschmizt“, hat aber noch einen Beigeschmack von „hämissch“. ³⁾ let 'e — ließ er; sah er aus. ⁴⁾ düstern — dunkeln. ⁵⁾ Sneppenweder — Schnepfenwetter. ⁶⁾ Spirken — Bischen. ⁷⁾ menleder — mein Lebtag.

Dat wenn ick kam dörch Busch un Holt,
Gah 'ck ni nich mit 'ne leddig ¹⁾ Flint.
Ditmal hadd 't noch en annern Grund:
Mi was dat kamen in de Kund,
Dat in Herren von Aprillen sin Revir
En wunnerschönen Rehbuß stünn,
Un wenn 't of in de Schontid wir,
Un wenn 't of grad' nich min ded sin,
'I kunn of den Hals jo just nich kosten.
Na, min oll Flint, de streu'te sühr,
Ick nem denn nu en gaud Deil Posten
Un of 'ne Handvull Numm'ro Null
Un lad 't oll Ding bet haben vull,
Un stell mi in den Holt nu an.
Ick stah, bet 'ck nich mihr seihen kann,
Un smirck ²⁾ den Hund un will all gahn,
Mit einmal bruf't dat dörch dei Fichten,
De Dannen knacken, Telgen ³⁾ slahn,
Un dörch den Holt, dor flücht en Lüchten,
Dat was as Swewel antauseihn,
Hoch in de Luft, dor kraken Kreihn, ⁴⁾

¹⁾ leddig -- ledig, leer. ²⁾ „smircken“ ist der halbschnal-
zende Ton, den man zum Locken der Hunde gebraucht.
³⁾ Telgen — Nester. ⁴⁾ Kreihn — Krähen.

Min Hund, de gänjt¹⁾ un krüppt²⁾ mi mang de Bein,
De Stormwind packt mi von de Sid
Un smitt mi an 'ne elle Wid,
Un in min Angst, dor fat ick j' üm.
„Gün Abend,“ seggt 'ne knarig³⁾ Stimm,
„Holl Di man wiß,⁴⁾ Gevatter Rohd,
Holl Di an mi, denn deiht Di 't nickß.“ —
Ick kif tau Höcht, — en Kirl nah nigste Mod',
In brunen Livroß un 'ne nankängsch Bür,
Den hemw ick stats de Wid ümfat't.
Na, ick versir⁵⁾ mi denn un lat
Den Kirl nu los, as höll 'ck⁶⁾ 'ne Adder,⁷⁾
Un frag em denn: „Wo jo ans: Badder?
Ick bün Großherzogliche Förster.“
„Dat weit ick woll,“ seggt hei, „min Bester,
Un einen rechten dägten⁸⁾ büßt.“ —
Na, as ick mi taum Gehen rüst,
Dunn geiht de Zackermenter mit,
Un as hei nu so bi mi geiht,
Dunn seih ick, dat hei lahmen⁹⁾ deiht,
Un dat em hinnen up de Midd

¹⁾ gänjen — winseln. ²⁾ krüppt — kriecht. ³⁾ knarig
— knarrend. ⁴⁾ wiß — fest. ⁵⁾ versiren — erschrecken.
⁶⁾ höll 'ck — hielte ich. ⁷⁾ Adder — Otter. ⁸⁾ dägt —
tüchtig. ⁹⁾ lahmen — hinken.

Bon 't Liew so 'n Bimmelbammel sitt.
Na, mi würd snurric denn tau Maud';
Hei redt mit mi, un dat is gaud,
Ick antwurt dorup nich Swart noch Witt,
Na, endlich seggt hei: „Vadder Rohd,
Wat hängt Di dor so lang un grot
Den Puckel dal, wat is denn dat?“ —
Un wil mi dat nu fetteln¹⁾ ward,
Segg ick: „„Dat is min Tobackspip.““
„Ih,“ seggt hei, „lat mi 'n Beting smöken.“²⁾ —
„„Ja woll!““ Un denk: Nu büst du rip.³⁾ —
Na, hei ward nu den Flintenlop
Sick fluggs of mang de Zähnen steken,
Un ick bün denn of nich tau ful
Un treck den Drücker unnen af,
Un — Paff!
Fohrt em de ganze Schuß in 't Mul.
Süh so, denk ick, süh so! Nu liggt 'e.
Je ja! Je ja! Hei sned en por Gesicht,
Schüdd sick en Beten hen un her
Un säd dunn blot:
„Scharpen Toback, Gevatter Rohd.“
Dunn wüßt ick, wer hei wesen ded. — —

¹⁾ fetteln — figeln. ²⁾ smöken — schmauchen. ³⁾ rip
— reif.

„„Na,““ fröggt oll Bofß, „„wer was de Gast?““ —

„Musch Urian, de Düwel was 't.“ —

Dunn stahn de beiden Annern up

Un schüdden mit den grisen Kopp:

„„Ne, Badder, ne, Du lüggst uns doch tau sihr,

Ne, an den Düwel glöw wi nu nich mihr.““ —

„Dat glöw Zi nich?“ — „„Ne, Badder Rohd!

Du lüggst uns rein üm den Credit.

Bör Dissen¹⁾ was de Düwel Mod',

Ku lew wi in 'ne anner Tid.““ —

„Se, unj' Herr Paster hett 't doch glöwt.“ —

„„Ja, Badder, dat 's of sin Geschäjt,

De Mann, de sall dor of von lewen,

De kann dat of un möt dat glöwen.““ —

Un nemen still ehr Tasch un Flint:

„„Ne, Badder, ne, dat is woll nickß.

De brune Kledrock un de nankängsch Bux

Un denn de Düwel! — Dat 's woll Wind.

Wer so wat seggen deiht, de lüggt;

Dit is 'ne richt'ge Jagdgeschicht.““

¹⁾ vör Dissen — vor Diejem; in früherer Zeit.

10. De Deckelweden.¹⁾

Herr Kreihenbohm up Holtenhagen,
De röppt sich Corl Smidten 'ran
Un seggt: „Corl, in de negsten Dagen,
Denn fang wi an tau decken an,
Weitst Du woll nich kein Deckelweden?“
Corl was bekannt bi All un Jeden
As so 'ne Ort vor Holtsheni;
Hei arbeit't woll, doch je nah dem
Bedrew hei en Geschäft dorbi
Mit Hafentrümmel,²⁾ Ledderböm,³⁾
Mit Bandstöck un mit Bohnenschächt,⁴⁾
Un würd'n in Frühjohr Arwten⁵⁾ leggt,
Denn künn de Utsat nich gelingen,
Corl mößt de Arwtstrük⁶⁾ dortau bringen. —
„„Se,““ seggt hei, „„Herr, von Deckelweden,
Dor is hir 'rüm nich vel tau reden,
Up Ehren Fell'n⁷⁾, dor stahn jo kein.““ —

¹⁾ „Deckelweden“ sind Weidenschößlinge, die zum Decken und Befestigen der Strohdächer gebraucht werden. ²⁾ Hafentrümmel ist ein krummes starkes Holz, der Haupttheil des eigentlichen mecklenburgischen Pfluginstrumentes, des Hafens, gewöhnlich von Birkenholz. ³⁾ Ledderböm — Leiterbäume. ⁴⁾ Bohnenschächt — Bohnenstange. ⁵⁾ Arwten — Erbsen. ⁶⁾ Arwtstrük — Sträucher zum Bestecken der Gartenerbsen. ⁷⁾ Ehren Fell'n — Ihrem Felde.

„Dat weit ick,“ seggt Herr Kreihenbom,
„Doch heww ick nilich fluggs weck¹⁾ jeihn
Lau Golchen, längs den Wijensom²⁾ —
Du weitst woll bi den Oberföster —
Doch, Corl, hörst Du, ick segg dat man. —
Wat gell'n uns frömde Weden an!
Ick gew för 't Dufend Di jös Gröjchen.
Un 's Winters kannst Du bi mi döjchen.³⁾
Na, jei doch mal so 'n beten rüm.“ —
„Je,“ seggt Corl Smidt, „dat is woll slimm.“
Un geht. Indeß den annern Morgen
Ward hei en Dufend ran besorgen.
Na, schön! Herr Kreihenbom de seggt:
„Nimm man Din Wedenbund un legg 't
Herinne in dat Wagenschur,
Un hörst Du, Corl, dat 't Keiner jüht!“ —
So geht dat nu 'ne ganze Tid.
All Morgens dröggt herin in 't Dur
Unj' Corl en frisches Bund un stellt
Dat rinne in dat Wagenschur;
All Morgens friggst hei of sin Geld.

¹⁾ fluggs weck — deren viele. Fluggs wird nicht blos als Veritärkung bei Schnelligkeit, sondern auch bei der Menge gebraucht. ²⁾ Wijensom — Wiesenjaum. ³⁾ döjchen — drejchen.

Nu is dat naug! ¹⁾ Nu kån wi decken,
Nu heww'n wi Weden naug taum Binnen.
Je ja! Je ja! — In allen Ecken
Is blot ein einzigst Bund tau finnen.
„Wo, Dunnerwetter! Na, is dit en
Entfahnten Streich! Na raupt mal Corl Smidten!“
Na, Corl, de kümmt. „Wo sünd de annern Bün'n?
Dor is jo blot ein Bund tau finnen!“
„„Je, Herring,““ ²⁾ lacht Corl Smidt un seggt:
„„Dat Gin heww 'd ümmer wedder bröcht.
Ob id' f' den Oberföster nem
Oder Sei, dat dücht mi ganz egal;
Denn stehlen möst id' f' doch einmal,
Un dit was mi so schön bequem.““

11. Wer is kläuter? ³⁾

Wi hadden hir tau Lan'n en Preister,
Dat was en sivr olt snurrig Mann,
Doch in sin Predigt was hei Meister,

¹⁾ naug — genug. ²⁾ Herring, Diminutiv von „Herr.“
³⁾ kläuter — flüger.

Hei predigt so, dat Jedermann
Sick licht dorut vernehmen kunn;
Un — wat sin Text of grad müggt sin —
Hei wüßt sin Thema so tau dreihn,
Dat hei kam rinne in de Sadel,
Von wo ut hei sin leiw Gemein
Mit spize Würd' un driften Tadel
So recht tau Wader riden kunn. — —
Na, einmal würd sin Text denn sin,
Wo unj' Herr Christus äwer 't Water führt,
Un wo de Storm den See uprührt.
Dit deilt hei sick nu nüdlich in:
De irste Deil was: „Gott im Sturm,“
De tweede was: „Der Mensch im Sturm,“
De drüdd: „Der Mensch des Morgens nach dem Sturm.“
So kamm hei denn up 't Brammwindrinken
Un von den Brammwin ¹⁾ up de Deiweri
Un würd denn sin Gemein — Verstehst mir? Wie? —
Gehörig mit den Lunpahl ²⁾ winken.
Sei hadden em sin Wisch uthött, ³⁾
Un 't würd ehr utenanner set't,
Dat nich allein des Nachts Inbrefen
Un heimlich Mujen Stehlen wir;

¹⁾ Brammwin — Branntwein. ²⁾ Lunpahl — Zaunpahl.
³⁾ Wisch uthött — Wieje ausgehütet.

„Nein, meine Freunde,“ würd hei spreken,
„'S ist Diebstahl auch, wenn Einer mir
Die Weese, ohn' es zu vergüten,
Mit seinen Pferden läßt aushüten.“ —
Na, dat is gaud! De Predigt is nu ut,
De Lüüd' gahn ut de Kirch herut,
Un de Herr Paster sitt recht schön
In 'n Lehnstaul in sin Stuw', dunn kloppt dor wen.
„Herein!“ — 'Kin kümmt de Schult un säben Buren:
„„Wi kamen tau den Herrn Pasturen,
De Predigt was uns doch tau hart. —
Na, red nu Du mal, Badder Swart!““ —
„Ja, Herr Pastur,“ seggt Swart, „Sei säden,
Dat wi Ehr Wisch uthäuden deden.
Dat 's nich andem, dat 's woll nich so. —
Na, nu red Du mal, Kamelow!“
„„Ja,““ seggt denn Kam'low, „„nich de Mähren,
De Gäuf', ¹⁾ Herr Paster, jünd dat west; ²⁾
De Tun is nich de allerbest,
Un de oll zackermetschen Gäuf' —
Na, nu red Du mal, Badder Heyj'!““
„Ja, Herr,“ seggt Heyj', „dat jünd de Gäuf'!“
„„Dat jünd de Gäuf',““ segg'n i' alltaufamen,

¹⁾ Gäuf' — Gänse. ²⁾ west — gewesen.

„De sünd in Ehre Wijch rin kamen,
De krupen¹⁾ allentwegen dör, ²⁾
Un, Herr, dor kän wi ok nich vör.““
„Je,“ seggt de Paster, „dat sünd all so 'n Saken;
Indessen jekt is nicks dorbi tau maken.“ —
De Buren segg'n „Adjüs!“ un gahn,
Doch buten ³⁾ bliwen sei bestahn
Un stöten sich enanner an:
„„Hei 's füs so 'n ollen klauken Mann,
Un lett sich hüt doch so beluren!““
„Ja, Kinnings,“ seggt de Schult, „wi Buren,
Wi sünd denn doch en ganz Deil kläuter;
Hei is woll klauk up sine Bäuter,
Indessen doch — „„Ja,““ lacht oll Heys',
„„Hei glöwt wohrhastig, 't sünd de Gäuf!““ —
Denn negsten Sünndag stunn de Herr Pastur
In finen swarten Rockelur ⁴⁾
Up sine Kanzel wedder dor;
Doch was 't, as wenn em sin Tolor ⁵⁾
En beten dick un vüllig ⁶⁾ satt,
Als hadd hei in den Bussen wat!
Hüt kanzelt denn mal uns' oll Paster!

¹⁾ krupen — kriechen. ²⁾ dör, für dörch — durch. ³⁾ buten — draußen. ⁴⁾ Rockelur — roquelaure. ⁵⁾ Tolor — Talar. ⁶⁾ vüllig — vollständig; hier „bauschtig“.

„Das Lügen,“ seggt hei, „ist ein Laster.
Wir strafen es mit Recht an Kindern
Und geben ihnen derb die Ruthe.
Was thun wir aber alten Sündern,
Die, überlegt, mit kaltem Blute
Uns in das Angesicht belügen?
Die könn'n die Ruthe nicht mehr kriegen,
Und Strafe muß doch sein! — In solchen Fällen
Muß man den Lügner an den Pranger stellen.
Schult,“ seggt hei, „Swart un Kamelow un Heyf'
Un denn Zi annern Bir, Zi sädt:
Bon Pird wir in min Wisch kein Red';
Herr Paster, ne! — dat sünd unj' Gäuf'.
As freche Lägner stahst Zi dor!“
Un langt herin in den Tolor
Un halt wat rut un smitt taum Schreck
Bon unj' veninschen ¹⁾ dummen Buren
Pirdappel ²⁾ ehr an ehre lange Uhren;
„Ich frag' Euch, ist dies Gänsefedreck?“
Un ward sin Bauß tausamen slahn
Un ut de Kirch herute gahn.
Un buten up den Kirchhof stahn

¹⁾ veninsch von venenum, Gift, wird aber meist für „falsch, lügnerisch, heimtückisch“ gebraucht. ²⁾ Pirdappel — Pferdeäpfel.

Tausamen wedder unsre Buren
Un fragen sich de langen Uhren
Un holl'n so 'n rundes Ding in Hän'n
Un dreihn un wen'n
Un dauhn dat linksch un rechtsch betrachten,
Bet Schultenvadder endlich seggt:
„„Hei is doch kläuffer, as wi dachten!
Ja, de Herr Paster, de hett Recht:
De Eier hett fein Gaus nich leggt.““

12. De Klingenflöpper.

Dau Grabow giwot 't ne Ort von Stuten,¹⁾
De warden „Klingenflöpper“ heiten.
De Dinger sünd nu twors von Weiten,
Indessen von dat slichtste Mehl,
Un vör en Schilling giwot dat vel.
Dat heit, ick mein, dat ga ww mal vel,
Ick red noch von de frühern Tiden,
Nu will 't of nich mihr wat bedüden;
Nu waren 't of woll Backber'n²⁾ sin. —

1) Stuten — Semmel. 2) Backber'n — gebackene Birnen.

Ut Muchow kamm mal Krischan Höpper
Nah Grabow 's Sünndagsmorgens 'rin;
Hei geiht herin nah Bäcker Lüchten:
„Oh, gewen S' mi en Klingenflöpper.“
Leggt finen Schilling hen un friggt en.
Hei ett; de e i n, de düst noch nich; ¹⁾
Em hungert noch; hei föddert sich
Noch ein so 'n Ding; leggt, wat hei kost,
Den Bäcker hen un sleiht ²⁾ of den tau Bost. ³⁾
Nu geiht hei denn, doch fählt hei, dat
Hei von de twei is noch nich satt,
Un geiht herin nah Bäcker Hagen
Un as hei dor noch einen bi sich slagen,
Dunn fählt hei Raub in sinen Magen. —
Hei geiht nu rut. — Wer kümmt dor an?
Kif mal? Dll Binnern sin Zehann! —
„Gunn Dag, Zehann!“ — „„Gunn Dag of, Höpper!““
„Wo wist Du hen?“ — „„Nah Bäcker Lüchten
Un halen mi en Klingenflöpper.““
„Dortau rad' id' Di nich, Zehann.
Entfahnte lütte Dinger friggt en ⁴⁾
Bi den. Kumm hir nah Hagen 'ran.
Dll Hagen law ⁵⁾ id' all min Dag'.

¹⁾ düst noch nich — langt noch nicht aus. ²⁾ sleit — schlägt. ³⁾ Bost — Brust. ⁴⁾ en — man. ⁵⁾ law — lobe.

Bi Luchten würd ick von twei nich satt,
Doch kreg ick Raub glif in de Mag',
As 'ck nahst bi Hagen einen att."

13. De beiden Baden.¹⁾

As de Franzosen bi uns wiren,
Dunn müßt't in Let'row mal passiren,
Dat de wohllöblich Magistrat
En Breif wull schicken nah Malchin
An Hofrath Lüderjen; un Bad'
Ded in gewöhnlichen Fällen
Dü Schauster Jehann Haken sin.
De Kniper²⁾ fall den Schauster nu bestellen.
„Je," seggt de Fru, „hei is nich in,
Ward woll en beten nahwern³⁾ sin,
Doch kümmt hei säker mitdewil." —
„Je," seggt de Kniper, „dit hett JI,
Hei möt sich spauden un fall denn
Glif nah Malchin nah Hofrath Lüderjen,"
Un geiht un ward en Annern halen. —
Dü Haken kümmt tau Hus; sin Fru, de seggt:

¹⁾ Baden — Boten. ²⁾ Kniper — Polizeidiener.

³⁾ nahwern — auf der Nachbarschaft Besuche machen.

„Nu maß Di fix man up de Salen,
De Kniper, de was eben hir,
Sallst nah Malchin, nah Hofrath Lüdersen.“ —
„„Na, hett hei keinen Breif nich bröcht?““ —
„Ne, keinen Breif un kein Poppir;
Hei säd man blot: Du süllst dor hen.“ —
„„Ha, ha!““ seggt hei, „„id' weit Bescheid;
Dit's wedder so'ne Heimlichkeit.
De Magistrat, de trut sich nich,
Ut Furcht vör dat Franzosentüg,
Wat Schriftlichs von sich mi tau gewen.““ —
Un nimmt den Haut un Stod' un geiht. — —
Du Hofrath Lüders, de sitt eben
Mit drei französische Dffezir
Un ett, dunn kümmt oll Haken rin:
„Gün Dag ok, Herr! — Id' bün nu hir.“ —
„„Na,““ seggt de Hofrath, „„dat's mi leiw,
Denn gewen S' mi man Ehren Breif.““ —
„Je,“ seggt de Du, un lücht verlegen,
„En Schriwen, Herr, heww id' nich kregen.“ —
Du Hofrath Lüders was en piff'gen Racker:
Entweder, denkt hei, hett de olle Stacker 1)

1) Stacker, schwer zu übersehen. Es liegt in dieser Bezeichnung einer ältlichen Person der Nebenbegriff des stümpferhaften Ganges, des Abgebrauchten.

Den Breif verluren, oder jüs
Gewwt hei mi blot dat Schriwen nich,
Wil def' Gesellschaft bi mi is. —
Na, hei parlirt denn nu, entschuldigt sich
Un geht mit unjern Haken weg;
Un as sei nu alleine jünd,
Seggt hei: „Wo is de Breif, oll Fründ?
Un wat Du seggen fallst, dat segg;
Hir jünd w' allein, hir hört uns kein Franzos.“ —
„En Breif, Herr Hofrath, heww ick nich.“ —
„J.“ seggt de Hofrath, „dat is doch curjos,
Na, denn segg mündlich, wat Du fallst.“ —
„„Of Mündlichs weit ick nicks, de Sak hadd Hast;
De Kniper säd, ick jüll hir räwer gahn,
Un dat, Herr Hofrath, heww ick dahn.““ —
De Hofrath schüddt den Kopp un wunnert sich;
„Doch holt mal,“ seggt hei, „ick heww grad
En Breif an Dinen Magistrat,
Den nimm em mit. — Verlir of nich!“ —
Oll Haken geht nah Tet'row t'rügg;
Doch knapp¹⁾ is hei herute ut de Stadt,
Dunn kümmt sin Badder Kräuger an,
Eihr ilig, as hei seihen kann,

¹⁾ knapp steht für kaum.

„Wo willst Du hen?“ — „Ja? — nah Malchin.
Unj' Kniper ded hüt bi mi sin,
Ja süll en Breiw nah Lüdersen hendrügen.“ —
„Jh, dat lat nu man unnerwegen,
Dor brukst nich hen,“ seggt Schauster Haken,
„Dat heft Du nu nich nödig mihr,
Ja heww all eben mit em spraken,“ —
Un halt den Breif herut — „sin Antwurt is all hir!“

14. Wo dat woll taugeiht?

„**W**at steihst Du dor un kiffst Du dor
Un kleist Di mit de Hand in't Hor?“
Fröggt Jochen Burr Jehann Verdöhlen.
„Je, Brauder!“ seggt Jehann, „mi fehlen
An den verfluchten Torf an fösttig Saden,
So was dat giftern grad, as ick
Dill Swarten finen af heww laden.
Dor fehlt an't Dufend of an fösttig Stück.“
„Jh, dat kann jo doch woll passiren.“
„Jh, doran würd 'ck mi of nich fihren,
Doch Brauder,“ seggt Jehann, „süh, wat mi wunnert —
Hei fehlt just ümmer an dat lekte Hunnert.“

15. En Beten annerß.

„**W**a, Jochen, jegg, wo is dat nu mit Di?
Kannst mit denn Leutnant Di nu all verdragen?“

„Ih ja, dat geht; dat Grävst, ¹⁾ dat is vörbi,
Doch alle Dag' des Morrens früh
Geww'n w' uns noch ümmer bi den Kragen,
Un slahn uns heid' de Zacken vull.““

„Du Dinen Herrn? Dat wir doch dull!
Wardst em de Zack doch vull nich slagen?“

„Un düchtig, Brauder, jegg ick Di!
Doch ein lütt Unnerscheid de is dorbi:
Zack buller ²⁾ em de Zack man ut,
Wenn hei nich drin is, wenn hei 'rut.
Doch min Herr Leutnant, de sleit tau,
Wenn ick 'e ³⁾ noch insitten dauh.““

¹⁾ Grävst — Gröbste, Schlimmste. ²⁾ bullern wird namentlich in Verbindung mit Zacke statt klopfen gebraucht.

³⁾ „e“ steht für „da“. Sonst vorzüglich für „hei“ — er.

16. Wenn Einer deiht, wat hei deiht, denn
kann hei nich mir dauhn, as hei deiht.

„Na, Corl, wo is Di dat denn gahn?“ —

„„Sh, Herr, dat gung jo doch noch so.““ —

„Na, heft Di düchtig rümmer slahn!“ —

„„Ja, Herr, taulest bi Waterloo.““ —

„Dor heft Di denn woll eklich fecht't?“ —

„„Ja, ümmer druf! as Blüchert seggt.““ —

„Wo was dat denn? Vertell doch blos!“

„„Je Herr, ick güng 'e stiw up los,

Un as ick irst so recht in Grimm,

Dunn haut' ick rechtich un links herüm,

Un, Herr, den Einen haute ick — den Einen!

Den'n haut' ick beide Beinen af.““ —

„De Beinen? — Wo? Woso, de Beinen?

Worum haut'st em den Kopp nich 'raf?“ —

„„Je, Herr, de Kopp, de was all af.““

17. Täuw, Di will ick betahlen.

„Gün Morgen, Badder! Segg mi doch mal,

Dor kümmt de Uvkat Besendahl

Hüt morgen wedder nah mi hen:

Bon jour! bon jour, mein lieber Schwenn!
Un kickt mi an so frech un stur ¹⁾
Un sett sich denn taum Frühstück dal.
Ich ded't so vel bi mi all äwerleggen:
Wat meint de Kirl mit sin „bon jour“?
Wat will hei mit „bon jour“ woll seggen?“
„„Du dumme Deuwel!““ seggt sin Nahwer Glandt,
„„Bon jour, dat is Di nich bekannt? —
Dat is dat niderträchtigst Wurd,
Wat Ein den Annern seggen kann.
Un Du steihst dor un hörst dat ruhig an
Un büßt ²⁾ em noch „Schön Dank“ in allen Gänden
Un lettst Di von den Kirl dat beiden?““
„Den Kirl, den soll de Deuwel halen!“
Seggt Swenn. „Täum, Di will ich betahlen!
Du kumm mi wedder, Du verfluchte Strick!
Ich hau Di mit de Fust in't Gnick!“
„Ne, Badder, ne! Man jo kein Slägeri,
Un jo nich mit Abkaten, rad ich Di.
Ne! — wenn de Kirl mal wedder tau Di kummt
Un sich dat wedder rute nimmt
Un will Di mit „bon jour“ tractiren,
Denn kumm Du wedder em verquer,

¹⁾ stur — groß, stattlich; daher wie hier: stolz, übermüthig. ²⁾ büßt — bietest.

Un gor kein anner Wurt deihst Du verliren,
Du jeggst tau em blot „serviteur!“
Un wider redst Du nich en Happen, ¹⁾
Denn hett hei sinen richt'gen Tappen.“ ²⁾ —
„Na täuw!“ seggt Swenn, „Du Kacker, täuw! id lur
Man blot jitzt up Din oll „bon jour“;
Kumm Du mi blot man wedder her,
Du niderträchlige, entschamte serviteur!“ —
Den annern Morgen kümmt nu de Afsat: —
Da Swenn steiht äwerst of all p'rat —
„Bon joar, bon jour! mein lieber Meister Schwenn.“
„„Bon jour, bon jour? Wat meint hei den n?
Hei serviteur! — Ja fik mi an! —
Un noch mal serviteur! — Ja kumm man 'ran!
Jck heww Di lang naug in den Magen,
Nu kannst Du gahn un mi verflagen!““

18. So nich wedder seggen!

„Herr,“ seggt Corl Smitt tau Koppmann Buttermannen,
„Dat weit de Deuwel, hir in Wolgast kann en
Doch nahrens ³⁾ gauden Hiring frigen.“

¹⁾ Happen — Bissen. ²⁾ Tappen — Zapsen. In dieser Redensart bedeutet es jedoch kein richtig Theil. ³⁾ nahrens — nirgends.

„Ihwo,“ jeggt Buttermann, „dat wir jo doch gefährlich!
En gauden Hiring frilich is man spärlich,
Indessen bruk id in den Keller man tau stigen,
Denn kannst 'ne Ort tau seihen krigen,
'Ne Ort! — Na, Corl, Du weißt Bescheid! —
Id jegg Di, as en Nattkarn ¹⁾ säut, ²⁾
Un äwern Puckel — na — jo breit
Ich sag' Dich, Junge, as mein Daumen,
Un binnen nix as luter Flaumen.
Des' Ort, de in den Laden steiht,
De is jo jo, de möt mit dörchpassiren,
De kann 'd Di nich rekommandiren,
Wil dat sei nich recht laken deiht.“
De Kopmann geht den Hiring rup tau halen; —
Doch Corlen is nich um den Smack,
Em is dat blot um dat Betahlen;
Sei köfft ³⁾ ahn Geld sid also fix en Pack
Heruter ut de Lunn, de in den Laden stünn,
Un steckt sei in de Tassch herin. —
De Kopmann kümmt un bringt den Hiring mit. —
„Je,“ jeggt Corl Smitt, „Herr Buttermann,
De Hiring süht mi doch jo recht nich an,
De Hiring is en beten lütt,

1) Nattkarn — Nußkern. 2) säut — süß. 3) köfft — kauft.

Indessen, wenn Sei 't mi verlöwen,
Denn nem 'ck mi einen mit, blot üm tau pröwen." ¹⁾
„Dat dauh Du, Corl, dat dauh Du man,
Un denn kumm wedder!“ seggt Herr Buttermann. —
Un Corl, de geht! Knapp is hei ut de Dör,
Dunn krüppt 'ne olle Fru hervor:
„Herr Buttermann, ick kann dat nich verswigen,
As Sei in'n Keller deden runner stigen,
Dunn langt de Spitzbaum in de Tunn herin,
Un namm, so vel hei faten kunn,
Un dormit in de Tasch herin.
En gaudes Duzend namm hei säkerlich.
Ick bidd Sei, Herr, verraden S' mi of nich,
Segg'n Sei't em jo bileiw ²⁾ nich wedder!“ —
„„Ih, wo! kein Angst!““ seggt Buttermann
Un löppt herut, ob hei'n noch seihen kann: —
Dor geht hei noch de Strat hennedder!
„„Du Corl! — Corl Smitt! — oh, hör' doch mal! —
Blot up en Wurt!““ — Corl kümmt de Strat hendal.
„„Ih, kumm doch rinne in den Laden!
Ick wull Di blot doch mal eins fragen;
Segg, kannst Du morgen nich en Faden ³⁾
Blank Bäukenholt ⁴⁾ intwei mi slagen?““ —

¹⁾ pröwen — probiren. ²⁾ bileiw — bei Leibe. ³⁾ Faden
— Klasten. ⁴⁾ Blank Bäukenholt — Buchenstammholz.

„Dat künn ick sacht, ¹⁾ Herr Buttermann.“ —
Un Buttermann, de fött ²⁾ em an,
Halt em den Hiring ut de Tasch herut:
„Carnallje Du, Spitzbauwenbrut!
Ut wecke Tunn nammst Du den Hiring rut?
Glik packst den Hiring wedder rin! —
Na, ward dat wat? Nu spaud Di! Swinn!
Süs kam 'ck Di hir noch up dat Ledder!“ ³⁾ --
Corl packt den Hiring in, so as hei leggen,
Un kümmt tautrulich nah den Kopmann ran;
„Nu segg'n Sei doch of nicks, Herr Buttermann?“ —
„J, wo ward ick! Jck segg nicks wedder!“
Un schwabb! — un — schwabb! — friggt Corl eins
an den Hals heran:
„Na, Corl, Du seggst doch of nicks wedder?“
„Jh, wo ward ick, Herr Buttermann!“

19. Snider-Begnäugen.

Dor was mol eins en lütten Mann,
Hadd Hosjen an,
Hadd kunterbunte Hosjen an.

¹⁾ sacht — wohl; recht gut. ²⁾ fött — faßt. ³⁾ Ledder
— Leder.

En sipprig ¹⁾ Rökkichen un so wider,
Un was von Professichon en Snider,
Un sporsam was hei hellichen.

De seggt tau sinen Zungen: „Hal
Uns doch einmal
Den Hiringsichwanz von'n Bän hendal
För mi en Finzel, Di en Finzel ²⁾
Un mine Fru hal of en Finzel,
Un 'n Finzel, den lat liggen.“

De drei, de sitten üm den Disch;
De Jung' will frisch
Inhauen up sin Finzel Fisch,
Dunn ritt de Meister mit de Gabel
De Hälft em weg vör sinen Snabel:
„I künn up de Nacht Di schaden!

Du frettst Di ganz ut Rick un Schick,
Du wardst tau dick.“ —

Fru Meistern nimmt dat anner Stück:
„Du frettst Di noch ut Rand un Band,
Bringst Hungersnoth noch in dat Land.
Wi will'n kein Fettswin mästen.“

¹⁾ sipprig; läßt sich nur umschreiben. „En sipprige Kirl“
ist ein Mensch von unangenehm tändelnder, hüpfender Be-
weglichkeit; „en sipprige Kock“ ist ein solcher, der diese Be-
weglichkeit zuläßt und begünstigt. ²⁾ Finzel — Schnitzel.

De Jung steiht trurig up un schümwot ¹⁾
Mit eine Tüft ²⁾
Nah'n Bän herup un sitt un riwot ³⁾
An't Schapp, wo noch de Fingel steiht,
Mit sine Tüft: „Wer weit? Wer weit?
Sei künn doch dornah smecken.“

20. Man nich verkopslagen. ⁴⁾

Tau Kopmann Schulden tau Swerin
Kümmt mal 'ne olle Fru herin,
Wilt bomwull'n Halslin'n ⁵⁾ fall dat sin.
„Ganz woll,“ seggt Schult, „un denn wo vel?“
„„Oh,““ seggt de Dilsch, „„man blot 'ne Ehl.““
„Na,“ seggt denn Schult, „wil Du dat büst;
Ick heww taufällig hir noch jüst
En lütten Nest von annertthalwen,
Den will 'ck Di för vir Schilling laten.“ —
„„Ne,““ seggt de Dilsch, „„dat is tau vel;
Ick heww för eine ganze Ehl

¹⁾ schümwot — schiebt. ²⁾ Tüft — Kartoffel. ³⁾ riwot —
reibt. ⁴⁾ verkopslagen — schlechten Kauf thun. ⁵⁾ Witt
bomwull'n Halslin'n — Shirting.

Bi unfern nigen Kopmann Platen
Fiw Schilling gewen."" — „Je," seggt denn Schult,
„Wat sei denn grot noch anners wull,
Sei wull de annert halwen Ehl
Ehr jo gor för vir Schilling laten."
„Ne," seggt de Dllsch, „dat's äwerdrewen, 1)
Dat's för dat Tüg doch vel tau vel!
Mihr as drei Schilling kann 'ck nich gewen.""

21. Dat smedt dor äwerst of nah!

De Paster Säger tau Salaten,
De müßt sin Holt mal führen laten.
De Burknecht hadden't süs em führt,
Un hadden s't ran, freg Jedwerein
En Gluck un Botterbrod, as sich dat hört.
Na, einmal äwer müßt dat scheihn,
Dat Einer von de Knechts würd krank,
Un Badder, de müßt sülwst mit mang,
Dil Brand müßt mit tau Holt carjolen. —
„Na," denkt de Paster, „wenn er selber fährt,

äwerdrewen -- übertrieben.

Dann muß ich wohl was Bessers holen;

So'n Bauer hat en guten Kanzen,

Wo tüchtig was hinein gehört."

Un em föllt in, dat hei en ganzen

Limburger Käſ' in'n Keller hett;

De würd nu vör den Buren jet't,

Un Botter, Brod un Gluck dortau.

De Bur, de ett in gaude Raub,

Un nimmt en Drüddel von den Keſ'.

„Na, Herr Pastor, so'n Keſ', as des'

So masig ¹⁾ un dorbi so fett,

Dat is, as wenn Ein Botter ett;

Un'n würkliches Vergnügen is't!" —

De Paster fröggt, ob hei of wüßt,

Dat dat Limburger wesen ded.

„Ja," jegg't oll Brand, „dor et idd em of vör."

Un deilt sich dat, wat vör em stunn,

Noch richtig in twei Drüddel in

Un führt dat ein sich tau Gemäud.

„Ja," jegg't hei, as en Nattkarn säut!

So'n Keſ', den et idd gor tau girn!"

De Paster kückt so langs de Näs', —

Zwei Drittel von dem schönen Käſ'!

¹⁾ masig — durchgelegen.

Un fängt verluhren an, so ganz von firn,
Dat't man ganz lege ¹⁾ Eiden wir'n,
Hei müßt nich in un ut tau kamen,
Ein Weiten, de leg ²⁾ alltaufamen,
De Klewer ³⁾ würd'n de Müß' vertehren,
De ein von sine beiden Mähren,
De müßt sich legt in'n Dik verjöpen;
Na, Botter müßt hei jülwen köpen,
Zwei von sin Sägen ⁴⁾ hadden 't Für, ⁵⁾
Un all sin Kurn hadd Brand un Kost,
Un Allens würd so gruglich dūr:
„„Denn, denk Er mal, der Käse da,
Hat sechszehn Schilling mich gekost't.““ —
„Ich glöw't,“ seggt Brand, „Herr Paster, ja!
Indessen smeckt hei dor of nah,“
Besinnt sich keinen Dgenblick
Un langt sich noch dat letzte Stück
Nah'n Teller rup. — De Paster, ganz verdußt,
De steiht un kickt den Buren an,
Wo hei den ganzen Kes' verpußt;
„„Mein Gott, mein lieber Brand, wie kann
Er mir den ganzen Käj' auffressen?““

¹⁾ leg — schlecht. ²⁾ leg, von liggen — läge. ³⁾ Klewer — Klee. ⁴⁾ Säg — Sau. ⁵⁾ Für — der Rothlauf bei den Schweinen.

„Je, segg'n S' dat blot man mal! Indessen
Man keine Umstän'n, Herr Pastor!
Ne, bliwen S' hir! Ne, gahn S' nich rut!
Ick heww dor naug an,“ seggt de Bur,
„Un kam dor justement mit ut.“

2. Woran Giner einen pommerischen Buren kennen kann.

„**N**e, Mutter,“ seggt Hans Dämeklas,
De Schultenvader tau Swensin,
„Ne, morgen reis' ick nah Berlin;
Jehann möt von Soldaten fri,
Hei is en halwes Johr all bi,
Nu möt hei dormit farig sin,
Mi dücht, nu is dat naug nah dissen;
Ick kann em in de Lust nich missen,
Dat Volk is knapp in dejen Sommer.“ — —
Na, dat is gaud; unj' olle Pommer,
De reis't nu würlklich nah Berlin
Un fröggt siß nah den Gastwirth Klähn,
Dat ward so'n Ort von Mutter-Swester-Dochter-Sähn,

So'n Ort von Bedder ward dat sin. —

„Süh dor! Süh dor! — Gun Dag of, Hans!“ —

„Gun Dag of, Frits! — Du weit'st, Jehann

De steiht hir bi de Kaijer Franz,

Un dorüm sprek ic' bi Di an.

Kannst Du mi hir de Weg' nich wijen?

Wo is de Slügel lostauisen?“ —

„Se, Hans, dat is 'ne slicht Geschicht.

Em lostauisen, is nich licht;

Indessen — täuw! Dor söllt mi in,

Gah man nah dese Stuw herin,

Dor sitt en Kirl, den möst Du of noch kennen,

En Landsmann is't; tau Franz'borg wir 'e

Un let sic' Actuworjus nennen,

Weck seggen frilich, hei 's en Snider;

Doch dat's nich wohr, hei hett studirt,

Is hellichen stark in Schriweri,

Wenn de för Di 'ne Schrimwt utführt,

Denn is Jehann so gaud as fri.““

Hans Dämeklas geiht tau den Mann,

Bringt sin Gewarm¹⁾ of richtig an,

Un de studirte Herr, de fröggt

Nach „dies un das un noch nach was“

1) Gewarm—Gewerbe.

Un jeggt tauleyt: „Herr Dämelflas,
For mich is dies en bloßer Spaß;
Denn unser jetz'ger Kriegsminister,
Der nu das Ganze cummandirt,
Der hat mit mich in Griepswold mal studirt,
Und ein fideler Knochen ist er;
Und war mal Pommernsenior,
Und ich, ich sag' Euch gut davor,
Er wird den Jungen gehen lassen.
Ich will nur gleich die Schrift abfassen.“
Un jet't sich dal un schrimwt en Breiw.
Un as hei dormit farig was,
Dunn jeggt hei: „Se, Herr Dämelflas,
Das Sprüchwort sagt: „vor was is was,“
Wenn uns die Sache glücken soll,
Denn müß'n wir woll
Der Excellenz von Kriegsminister
So'n gäng' un gäwes Drinkgeld senden,
Denn hellisch auf die Grojchen ist er.“ —
„Wo vel denn woll?“
Fröggt em de Du,
„Fim Daler müggst ick woll anwennen.“ —
„Dat langt of,“ jeggt de Herr Advkat. —
Fim Daler werden in de Daht
Nu in den Breiw herinner paßt

Un mit fiv Sigeln schön belackt.
„Un ick,“ seggt de Avkat, „ick will
Den Breiw hüt Abend noch besorgen.
Denn wenn't gaud Weder warden süll,
Dai hett mi seggt, denn reis't hei morgen
In Krigsgeschäften äwer Land.“
So was de Sak denn nu bewandt; ¹⁾
Un Hans, de fröggt den Herrn Avkaten,
Wat hei woll kreg för't Breiwaffaten,
Un wat woll sine Kosten sünd.
„Nicks,“ seggt de Herr Avkat, hei wir en Minschenfründ.
Indessen lett hei sich doch marken,
Dat hei tauglik of einen starken
Fründ von den span'schen Bittern wir,
Pablich gemengt mit Kirschlakür.
De Bur, de lett denn wecken kamen,
Doch dur't nich lang', dunn sacht ²⁾ de Minschenfründ
Up sinen Staul ganz lütt tausamen
Un slöppt ³⁾ so sacht, as en unmünnig Kind.
Hans lett em denn tau Bedd nu bringen,
Dunn föllt em in: vör allen Dingen
Wöt hei jo noch den Breiw besorgen,
De Krigsminister reis't jo morgen. —

¹⁾ bewandt — in Richtigkeit. ²⁾ sacht — sinkt. ³⁾ slöppt
— schläft.

Na, dat schüht ek. — — — De Kriegsminister,
Den Kopp ganz vull Kanonensorgen,
Vull Achselknöp un Paspallirung
Un Condewitenlistenführung,
De sitt un kraht sich sinen Kopp
Un sitt un kraht un kraht, as ob
Ein Hauptgeschäft dat wesen ded,
Dat för dat ganze Militör
Den Kopp hüt morgen krahen müßt 'e;
So kraht sich de Herr Kriegsminister.
Dunn bringt em sine Ordonnanz
Den Dalerbreiw von unsern Hans.
„Was tausend! Was? Fünf Thaler mir?“
Hei meint, dat dat en Irrthum wir,
Denn Lüd', de spelen mit Kanonen,
De reken blot man nah Millionen.
Doch ne! — Fiw Daler preußischen Grant,
De fallen richtig in sin Hand,
As hei de Sigel apen brecht. ¹⁾
Un as den Breiw hei rute trecht, ²⁾
Dunn lest hei denn:

¹⁾ brecht — bricht. ²⁾ trecht — zieht.

„Fideles altes Haus!

Denkst Du noch an den Abschiedschmaus,
Bei welchem Du auf blanke Burschenwehr
Mir Freundschaft schwurst für's Philister,
Weil ich auf der Mensur, wo Du gekniffen,
Als Secundant Dir Quarten abgegriffen?
Damals schloßst Du Dein Herz mir offen:
Selbst Deine Liebe zu des Kneipwirths Töchterlein
Gestandst Du frei und freudig ein,
Denn Du warst en canon besoffen. —
Willst Du nun, alter jovialer Knochen,
Mir halten, was Du einst versprochen,
So mache mir den saufidelen Spaß
Und gieb den Sohn des Bauern Dämelflaß —
Im Kaiser Franz, die vierte Compagnei —
Noch heute vom Soldaten frei.
Zu Dienst und Gegendienst bereit
Für Zeit un alle Ewigkeit,

Dein

.....“

Nu kam en Nam', den Keiner lesen kunn,
Un wider dal as Nahschriwot stunn:
„Des Kneipwirths Lotte hab' ich jüngst gesehn
Und einen Kuß auf ihren Mund gedrückt,
Sie denkt an Dich und grüßt Dich schön. —

Beifolgend Geld der Bauer schickt.
Mach Dir's dafür mal recht fidel!
Und nun leb wohl, Du alt, bemoos't Kamehl!" —
De Krigsminister steiht un kickt,
As wenn sin Bumben un Granaten
De Düwel all hadd plazen laten,
Un't sumnten em de Stücken üm de Uhren.
Na, endlich schot hei fülwen los,
Un hellschen an tau towen fung 'e!
„Spizbubenbrief! Betrügerei!
Wart'! Hab' ich Dich, Canaille, blos!
Wart'! Wart'! Ich fasse Dich Hallunke!"
Hei denkt nu an de Polizei,
Doch ne! — De nich! — Denn't föllt em in,
Dat de in jeden Quark herin
Ghr leimen Kufukseier leggt:
„Nein, dies krieg ich allein zurecht!"
Un röppt nu rute: „Ordonnanz! —
Beim Regiment des Kaisers Franz
Steht ein Gemeiner, vierte Compagnie,
Der soll sogleich, lebendig oder todt,
Auf mein besonderes Gebot
Erscheinen hie.
Und Ordonnanz! Halt! Ich vergaß, —
Der Kerl, der heißet Dämelflas." —

De Mann, de geiht un finn't Jehannen
Un slept em of soglik von dannen
Un ward em denn nu hellichen ängsten,
Sin Lewen hadd woll wohrt am längsten;
Denn de Minister tow't in't Timmer
Up eine gruglich Ort herümmer. —
Jehann kümmt bi 'n Minister rin
So angst, as Einer warden künn.
De Krigsherr fohrt nu up em in:
„Wo is Din Bader?“ — Hei was of en Pommer. —
„„Se,““ seggt Jehann, „„verleden ¹⁾ Sommer,
Dunn was hei jo noch tau Swensin,
Sörredem ²⁾ heww ick nicks von em hört.““ —
„Ne,“ seggt de Herr, hei 's tau Berlin
Un hett hir schöne Stück upführt,
Wo fihrt de Du hir denn woll an?“
„„Se, Excellenzen,““ seggt Jehann,
„„Wenn wi em jichtens ³⁾ finnen können,
Denn sitt hei woll bi Gastwirth Klähnen,
Denn dat's 'ne Fründschafft noch von em.““ —
„Na, gaud, denn gah Du dor mal hen
Un bring' den Du'n mi glik mal her.“ —
Un as Jehann is ut de Dör,

¹⁾ verleden — verfloßen. ²⁾ sörredem — seitdem.
³⁾ jichtens — irgend.

Seggt de Minister tau de Ordonnanz:
„Und Du, mein Sohn, Du geh ihm nach
Und halte Aug und Ohren wach,
Denn um den dummen Kerl von Bauern
Wird wohl so'n Schuft von Schreiber lauern;
Und wenn der Vater abgeführt,
Dann wird der Schreiber arretirt
Und förderksamst hierher spedirt.“ — —
Jehann, de finnt den Dill'n ok richtig;
De Dill, de frühstückt eben düchtig
Un springt tau Höchst un freut sich sehr,
Dat sin Jehanning fri nu wir,
Nu wull hei'n ok glif mit sich nemen.
„Jh, Vader, redt,“ jeggt nu Jehann,
„Jä fall jo Zug glif mit mi nemen,
Si kohljurt ¹⁾ Zug hier schön wat an;
Uns' Krigsminister Excellenzen,
De ward Zug schön herum sikagen ²⁾
Un ward Zug nüdlich rümmer stenzen.“ ³⁾
Nu schütt dat Blatt ⁴⁾ denn unjern Hans,
Un hei fängt an den Kopp tau fragen.

¹⁾ sich wat ankohljuren, etwa — sich eine schöne Brüche anrühren. ²⁾ sikagen — herumhegen. ³⁾ stenzen -- durch Drohungen und andere derbe Mittel einschüchtern. ⁴⁾ em schütt dat Blatt — er kriegt's mit der Angst.

„Wo meinst Du dat? Wo so? Wo ans? —
Dat's von den Breiw, min Sähn Jehann,
Doch id' bün dor nich schüllig an,
Ick heww em blot sin Daler gewen,
Den Breiw, den hett de Anner schrewen.“ —
Jehann, de seggt: mitkamen müßt 'e;
De Du, de will nich, maht sich upsternat: ¹⁾
Dat schert em nich, hei is jo kein Soldat,
Hei fröggt den Deuwel nah den Krigsminister.
Sei ropen endlich Klähnen ranner,
De redt sei denn nu utenanner
Un seggt tau ehr: „Dat is gewiß,
Dat blot de Breiw dor Schuld an is;
Un de dat Schriwen schrewen hett,
De liggt noch ruhig in sin Bedd
Un slöppt noch hir up minen Bähn.
Wo wir dat nu Jehann,“ seggt Klähn,
„Wenn wi dat pfiffig dorhen bröchten,
Dat de för Dinen Bader güll. ²⁾
Wenn wi den Kirl dortau vermüchten,
Denn kem de Straf' doch an den Rechten.“
„„Je,““ seggt Jehann, „wenn hei man will?“
„Dat maht id' woll,“ seggt Gastwirth Klähn,

¹⁾ upsternat — widerspenstig. ²⁾ güll — gölte.

„Un nu man ruppe nah den Bähn!“ — —
De Minschenfründ, de fohrt tau Höcht
Un as em Klähn de Urjak seggt
Un Börsläg' maft, wat hir tau dauhn,
Un mit de Polizei ward drauhn, ¹⁾
Dunn lücht ²⁾ den Minschenfründ dat in,
De Sak, de künn up allen Fälln
För em ganz ungefährlich sin,
Un seggt, hei wull as Vader gellen. —
Na, dat geschüht. —
De Minschenfründ, de tüht ³⁾
Dn Hansen sin Kledaschen ⁴⁾ an
Un is nu Schulden-Vader von Swensin;
Hans krüppt ⁵⁾ in den Arkaten sin
Un is nu en studirten Mann.
„Un nu,“ seggt Klähn, „paß up Jehann,
Du möst dor ümmer stiw bi bliwen,
Dat dit Din richtig Vader is,
Un doran höllst Du ümmer wiß;
Hei schrew den Breiw nich, künn nich schriwen.“
Jehann versprekt dat ok un geiht
Mit sinen nigen Vader furt,
Un unnen in de Gaststuw steiht

¹⁾ drauhn — drohen. ²⁾ lücht — leuchtet. ³⁾ tüht — zieht. ⁴⁾ Kledaschen — Kleider. ⁵⁾ krüppt — friecht.

De Ordonnanz un kickt un lurt,
Ob sei den klauen Herrn Avkaten
Rich kann bi dat Glasittken ¹⁾ faten.
As nu de Bader mit den Sähn
Hendalen ²⁾ geiht de Königsstrat,
Dunn lacht un seggt de Gastwirth Klähn
Tau unjern ollen Dämelflas:
„Nu kamen S' rinne, Herr Avkat!“
Un hägt ³⁾ sich äwer sinen Spaß.
Wupp! johrt denn nu de Ordonnanz
Den ollen gauden Schulden Hans
Mit beiden Händen in dat Gnick:
„Da hab ich ihn, den Galgenstrick!
Dies ist der Hund! der Rechte ist er!
Nu marsch mit ihm zum Kriegsminister!“ —
Herr Ze! wo sich uns' Hans verführt, ⁴⁾
Mit Arm un Bein herümmer fecht 'e;
„Wo jo ans,“ seggt 'e, „bün 'ck de Rechte?
Jck kün jo just all arretirt,
Min eigen Jung sleppt mi jo weg.
Entfahmte Gkel,“ seggt 'e, „segg,
Wat heww 'ck Di dahn?“

¹⁾ Glasittken — Zipfel. ²⁾ hendalen — hernieder. ³⁾ „hängen“ ist mehr als „freuen“, indem es zugleich Aeußerungen der Freude verlangt. ⁴⁾ verführt — erschrickt.

Du lettst mi gahn!

Ich haust in Dinen Krigsminister!“

Dat helpt em nicks un folgen müßt 'e. —

De Krigsminister sitt un ward

Nahlaten mit sin Kanoniren

Un mit sin Bummen Granatiren,

Un schütt¹⁾ hei noch, schütt hei nich scharp,

Blot noch mit losen Pulver pufft 'e:

„Verdammtter Name: Dämelflas!“

Na, wart't, hab' ich Euch nur, Ihr Schufte,

Ich will Euch ängsten, wär's auch nur zum Spaß.“

Un as hei noch halw lacht, halw schellt,

Dunn ward Zehann mit sinen Vader meelt.

„Die Beiden sollen näher kommen.“

Sei kamen rin, „Ist dies Dein Vater?“ —

„Ja, Excellenzen, ut Swensin in Pommern.““ —

„Und Er,“ und wendt sich an den Minichenfründ,

„Ist Schulz, heißt Dämelflas und hat Er

Sich diesen Brief hier schreiben lassen?“ —

„Ja, Excellenzen, ja wi jünd

De beiden richt'gen Dämelfläj',

Als Vader ick, as Sähn hir des.““ —

„Wer hat den Brief Ihm abgefaßt?“ —

¹⁾ schütt — schießt.

„Ze, Herr, en wahren Spizbaum was't
Mit swarten Kledrock, swarte Bür,
Mit blagen Zwirn ¹⁾ de Knoplöck ²⁾ neiht, ³⁾
Un Stäweln, wo de Tehn rut geht,
Doch schriwen künne hei hellischen fir,
Doch as en Snurrer ⁴⁾ sach hei ut. —
Na, Excellenz weit woll Beiseid.“ —
Mit einmal ward dat buten lud,
Un rinne künmt de Ordonnanz.
Un achter em unj' gaude Hans,
Ganz in den Uptog, as so eben
De Minschenfründ den Kirl beschrewen,
„Herr,“ seggt de Ordonnanz, „dies ist er.“
„„Schön,““ seggt denn de Herr Kriegsminister,
„„Du kannst nun gehn, mein lieber Sohn,
Wir haben ja den sauber en Patron.““
Un winkt Jehannen of herut tau gahn,
Un as de Beiden dit nu dahn,
Dunn wendt hei sich denn an den falschen Bader:
Dat hei en Schapsköpp wir, dat wüßt 'e.
Doch Mittled mit sin Dummheit hadd 'e;

¹⁾ blagen Zwirn — blauer Zwirn; es heißt im Volks-
munde der gewöhnliche Kartoffelbranntwein ebenfalls „blage
Zwirn.“ ²⁾ Knoplöck — Knopflöcher. ³⁾ neiht — genäht.
⁴⁾ Snurrer — Bettler.

Hei wull mal Gnad för Recht erlaten;
Un wendt sich an den falschen Advokaten
Un jeggt tau em: „Schlechtes Subject!
Er hat den Brief sich ausgeheckt.
Na, wart! Er soll mir dafür büßen.
Ein schändlicher Betrüger ist er,
Und ich, ich bin der Kriegsminister.“ —
„Wat?““ jeggt uns' Hans, „mi so tau grüßen? —
Schlechtes Subject? — Na, dit wir nett!
Iwors weit ich grad nich wat dat heit,
Doch wer mi wat tau jeggen hett,
Mi Schultenvader näumen deiht
Un Hans un Bader Dämelflas.““
„Wo? jeggt de Minschenfründ, „Du wirst en Dämelflas?
Ja bünn't, Carnallj', Du büst de Schriwer.“
„Du lüggst, entfahnte Rümmerdrüwer!““¹⁾
Seggt Hans, „in minen Lewen
Heww ich kein einzigst Baukstaw schrewen,
Un ich heit Dämelflas un will't besweren.““ —
Als sei sich nu so striden deden,
Geiht Excellenz denn hen un her
Un strickt den Bort un fragt den Kopp,
Als wenn hei 'n Slachtplan maken ded.

¹⁾ Rümmerdrüwer — Herumtreiber.

Em is dat so, em is't, as ob
Dill Hans de richt'ge wejen künn,
Un doch künn't of de Anner sin,
Zehann hadd't jo utdrücklich seggt.
Na, endlich was sin Plan taurecht,
Hei röppt de Ordonnanz herin;
„Mein Sohn, geh mal zur ersten besten
Kasern', und laß Dir von den größten
Zwei Schüsseln dort mit Effen geben. —
Ist heut nich dicker Erbsjntag?
Wahrhaftig ja! — Das paßt mir eben.“
Un geht nu rüm in sin Gemach
Un rimwt vergnüglich siß de Hän'n,
Nu würd hei bald den richt'gen kenn'n. —
Na, gaud! De beiden Schötteln ¹⁾ kamen;
Sünd von 'ne rechte nette Gadung ²⁾
Un mit 'ne stive Arwten³⁾-Ladung.
„Na,“ seggt de Herr, „nu man heran!
Wer nu am besten eten kann,

¹⁾ Schötteln — Schüsseln. ²⁾ Gadung wird nicht dem hochdeutschen Gattung gleichgebraucht, wofür im Allgemeinen immer Ort (Art) zu setzen wäre. — Gadung bezieht sich nur auf Inhalt, Menge, Gewicht, Größe, nie auf die Form. ³⁾ Arwten und Arten — Erbsen. — Wer dies Wort richtig aussprechen kann, ist sicher ein Mecklenburger, und wer's richtig schreiben kann, ist mehr als ein Mecklenburger.

Dat is de Bur.“ — Doch Hans de seggt:

„Ich dank Sei, Herr, ich hemw för 'n Beten
Min Frühstück all bi Klähnen eten.“ —

Un de Avkat, de freut sich all.

„Ei was da!“ seggt de Krigsminister,

„Hier seht Er sich und Erbsen ißt Er!“

„Na,“ seggt oll Hans, „wenn ich denn jall,“

Un nimmt de Gabel in de Hand

Un surriekt ¹⁾ in de Arnten rüm.

Doch gung em dat verdeuwelt schlimm,

Mit Gabeln was hei nich bewandt,

Un de Avkat, de lacht vör sich;

Un Hans, de schümwet de Schöttel trügg

Un seggt: „Berlów, ²⁾ Herr Excellent,

Ich bin mit Lepeln ³⁾ dat gewenn't.“

Na, schön! — Em ward en Lepel bröcht,

Un Schultenvader set't sich t'recht. —

De Herr Avkat kunn vel verdragen

Un was of grad bi Appetit,

Denn hei hadd in de letzte Tid

De schönsten Hungerpoten jagen, ⁴⁾

¹⁾ „surriden“ bedeutet das Handhaben einer Gabel, einer
Fork oder eines ähnlichen Instrumentes, ohne daß etwas
damit beschafft wird. ²⁾ Berlów — Verlaub, d. h. hier „mit
Verlaub.“ ³⁾ Lepel — Löffel. ⁴⁾ jagen — gejogen.

Hadd äwerdem en gauden Magen,
Un kunn wat Nüdlich's bi sich slagen;
Hei frett, as wenn hei hängen fall.
Ze ja! je ja! wat helpt dat all!
Du Hans löst irst an sine Bür
Un grippt de Sak mit Lepeln an
Un et denn los, führt sich an nix
Un höllt sich ümmer drang' heran,
Un as nu in den Tog irst is 'e,
Dunn fött) hei wiß ¹ un ümmer wissjer
Un frett sich midden dörch de Arwten.
„Wahrhaftig!“ seggt de Krigsminister,
„Wahrhaftig! Ganz strategisch frißt er:
Er operirt nach Bonaparten
Seinem System; das Centrum bricht er
Zuerst, dann wendet er sich rechts,
Und nach Minuten des Gefechts
Hat er gesiegt und mit verhängtem Zügel
Stürzt er sich auf den linken Flügel.
Da liegt auch der! — Du bist der Rechte!
Du siegest im Gefechte,“ seggt 'e.
„Ja, alter Bursch, Du bist der Sieger,
Und der da, das ist der Betrüger! —

¹) fött hei wiß, eigentlich — faßt er fest, d. h. läßt er nicht nach.

De pommerſch Bur, de is tau ken'n,
Wenn hei 't Gewehr fött bi dat Gn'n,
Wenn hei den Kolben fluschen lett,
Un wenn hei dicke Arwten frett."

23. Dat Best.

De Amtmann let sin Buren kamen,
Un as de Buren jünd taujamen,
Dunn höllt hei ehr 'ne hellſche Red':
Wo hei dat maft an ehre Städ', ¹⁾
Dat j' ehren Burthel man nich wüßten,
Un dat jei 't anners maken müßten,
Sei lünn'n em ihrlich dat tau glöwen,
Dat j' an em einen Bader hadden;
Sei hadden würklich keinen Schaden,
Wenn j' em ehr Geld herute gewen;
Un blot ehr eigen Bestes wull 'e.
„Wie leicht," jo slot 'e, „Leute, läßt es
Sich einjehn: ich will Guer Bestes."

¹⁾ Städ' — Stelle.

De Buren trecken mit de Schuller —
Denn so 'n oll Bur is hellichen tag ¹⁾ —
Un dreih'n den Haut rör ehre Mag'
Un dreihen bet un dreihen duller
Un stahen stumm dor Mann vör Mann
Un fiken up de Tehenipitzen. —
De Amtmann fängt nu wedder an:
Hei för sin Part woll ehr blot nützen,
Hei wir jo ümmer för sei west,
Hei wull wohrhaftig blot er Best.
Dunn seggt taulekt ein von de Ollen:
„Herr Amtmann, ja, dat glöw wi All,
Doch wenn id 't ihrlich seggen jall:
Unj' Best wull'n w' doch för uns behollen.“

24. Wat siet de Kanhstall vertellt.

Dürt gung taum Melken in den Stall,
Dor steiht ehr Schulden-Zöching all
Un steiht un lurt,

¹⁾ tag — zähe.

Wo lang 't woll durt,
Bet sin leiw Schatz, sin Dürten, kümmt,
Un hei sei in de Armen nimmt.

Un Dürten kümmt un Jochen fött
Sei rundting üm: „Wo Di dat lett! 1)
So rank un rund,
So 'n roden Mund!“
Un drückt en Kuß ehr up de Lippen. —
„Lat sin, lat sin! Ich möt jo strippen!“ 2)

Un Jochen treckt sei up den Schot
Un küßt ehr Mund un Backen rod:
„Lat sin! Lat sin!
Hei kümmt herin;
De Herr, de kümmt um dese Tid,
Hei jöggt mi weg, wenn hei dat süht.“

Un Jochen röppt lütt Hanning tau:
„Hir stell Di her un paß genau,
Ob kümmt of wer;
Un kümmt de Herr,
Denn raup uns of, min lütt Jehann!“
Un treckt sin Dürten faster ran.

1) lett — läßt, d. h. wie Du aussiehst. 2) „strippen“
vulgärer Ausdruck für „melken“.

Un Hanning steiht nu an de Dör,
Rickt dörch de Dörenriß hervor:
„Noch pümmt hei nich,
Noch pümmt hei nich,
De Herr, de pümmt noch lange nich!“ —
Un Dürt un Zochen küssen sich.

Un heww'n einanner in den Arm
Un küssen sich of gor tau warm. —
„Noch pümmt hei nich,
Noch pümmt hei nich,
De Herr, de pümmt noch lange nich.“
Mit einmal fohrt lütt Hanning t'rügg.
„Nu pümmt de Herr! — Hir is 'e all!“ —
De Herr steiht midden in den Stall.

25. Oh, Föching Pöjel, wat büst Du för'n Gjel!

De Leutnant von Karfunkelstein,
De kümmt tau Hus, dunn liggt dor ein
Inladungskort up sinen Arbeitsdisch
(So würd de Disch gewöhnlich heiten,

Wil doran drunken würd un eten
Un af un an of spelt en Beten
Mit Rechtsch un Linksch; doch dat dürrwt Keiner weiten)
Kort, up den Tisch, dor liggt de Kort,
Un as hei f' nimmt un sich besüht,
Hadd hei binah vör Arger rohrt: ¹⁾
Dit schöne Middageten hüt! —
De gned'ge Fru von Diamant
Was in de ganze Stadt bekannt,
Dat sei am Besten ded traktiren,
Un in 'ne Stun'n füll hei marschiren!
Un dortau was — „nein, wie infam!“ —
De Wittwe of sin Herzen-Dam.
Hei hadd so girn hüt bi ehr seten,
Un ehr Gerichten satt sich eten,
Denn heites Hart ²⁾ un hungrig Magen,
De seten bi em dicht tausam! —
Un 't was of wirklich ganz infam! —
Doch dor helpt nicks, dor helpt kein Klagen,
Hei müßt marschiren, dat müßt sin.
Hei röppt nu sinen Burßen rin
Un seggt em ganz genau Bescheid,
Dat hei unmöglich kamen künn.

¹⁾ rohrt — geweint. ²⁾ Hart — Herz.

„Weißt Du's nun auch?“ — „„Herr Leutnant, ja!““
Un uns' gaud Zochen Päjel geht.
Den Leutnant föllt wat in, hei ritt ¹⁾
Dat Fenster up un röppt em nah:
„Un dann bring' gleich das Essen mit.“ —
Un Zochen Päjel kümmt tau'r gnedgen Fru:
„Was giebt's, mein Sohn, was bringest Du?“ —
„„Empfehlung von 'n Herrn Leutnant
Un gned'ge Fru von Diamant,
Un was mein gnedigst Leutnant wär',
Der kem heut nich zu 's Essent her,
Denn nach 'ner guten Stunde schon
Müßt Allens gnedigst abmarschiren,
In Woldek wär' 'ne Rebellion,
Un thäten hellischen rebelliren
Von wegen einer Holzgeschicht,
Un dorüm könnt Herr Leutnant nicht.““ —
„Das is ja Schad, das thut mir Leid!“ —
Un Zochen Päjel steht un steht
Un ward de Feldmütz dörch de Knäwel wringen. ²⁾
Sei fröggt, worüm hei denn nich geht?
„„Das Essent,““ seggt hei, „„füll ich bringen.““ —
Na, sei is denn en lustig Wiv,

¹⁾ ritt — reißt. ²⁾ wringen — ringen.

Dat up en Spaß sich gaud versteiht,
Un jeggt tau em: „Na, täuw, denn bliw
Man noch en Dgenblicking hir.“
Un in en blotes Umseihn wir
En groten Korm vull Eten packt
Un Zochen Päseln upgesackt.
De dröggt denn munter dormit furt. —
Sin gnedigst Leutnant hett all lurt
Un set't sich ganz verdreitlich nedder:
„So,“ jeggt hei, na, nu gimwt dat wedder
Den ew'gen Swins- un Hamelbraden.
Ach! Bei der Diamant geladen,
Bei einem solchen Weib zum Küssen,
Und dann von Platen essen müssen!“
Doch ward em bald ganz nahrisch ¹⁾ tau Maud'.
Dat Eten, dat is wirklich gaud,
So hett em dat seindag' nich smecht;
Un Brad, Pasteten, Is, Confekt —
Un nu noch gor 'ne Buddel Sekt!
Dat is en Eten, as sich 't hört,
As sich dat för en Leutnant hört,
De in den blassen Dod marschirt
Un sich tauleht noch regalirt.

¹⁾ nahrisch — närrisch.

Hei fröggt den Kirl, ob denn bi Platen
Billicht 'ne Hochtid utrüst't wir,
Oder ob hei wedder döpen¹⁾ laten. —
„Ne,“ seggt uns Zochen, „dat 's von ehr.“ —
„„Wo,““ fröggt de Leutnant, „„ist es her?““ —
„Na, von de Fru von Diamant,
Ick füll mi dat dor glif jo söddern.“ —
Na, nu denn uns' Herr Leutnant!
De ward denn los nu dunnerwedern
Up unsern leimen Zöching Päsel
Up Ihr un Gasch' un Talj tauswören,
Hei wir de allergrötste Esel,
De up twei Beinen rümmer lep,
Un wenn hei 't mal taufällig dröp,²⁾
Dat sei mit Zöching Beihus-Dören
Inrönnen deden,
Hei, de Herr Leutnant, würd 't nich wehren. —
Indessen of so 'n Leutnantszorn
Hett sine Tid, hei towet sich ut,
Un as de Leutnant ruhig word'n,
Dunn treckt hei finen Büdel rut
Un langt drei Daler d'rut hervör,
Un nimmt f' un röppt: „Komm hir mal her!“

¹⁾ döpen — taufen. ²⁾ dröp — träfe.

Hier sind drei Thaler. Siehst Du, Esel?"

„Wohl, zu Befehl,“ seggt Jochen Päjel. —

„Die nimmst Du hier und gehst sogleich

Zu dem Conditior Butterteig —

Verstehst Du mich auch recht, Du Esel? —

„Befehl, Herr Leutnant,“ seggt uns' Päjel. —

„Da forderst Du Dir eine Torte,

Die schönste, die da ist im Laden,

Un trägst sie nach demselben Orte,

Wo ich zu Mittag war geladen,

Und sagst zur Frau von Diamant:

Du wärst als Esel längst bekannt,

Sie möge gnedigst Dir verzeihn,

Und wenn die Tort ihr halb so schmeckte,

Wie mir die Braten und Confekte,

Die sie so freundlich mir gesandt,

So würd's für mich 'ne Wollust sein.

Hast nun verstanden, dummer Esel?" —

„Befehl,“ seggt wedder Jochen Päjel. —

Un Jochen geht un bringt denn nu

Den Kaufen ¹⁾ tau de gned'ge Fru:

„Empfehlung von Herrn Leutnant

An gned'ge Fru von Diamant“ —

¹⁾ Kaufen — Kuchen.

„Was bringst Du da, mein lieber Sohn?“ —

„Und wär' als Efel längst bekannt,

Un gned'ge Fru von Diamant“ —

„Na, laß nur, laß, ich weiß das schon,“ —

„Und sollten gnedigst doch verzeihn,

Un einen Kauken is 'dadrein,

Un sollt for Sie 'ne Wollust sein.“ —

De gned'ge Fru, de lacht denn sibr:

„Na, sag' dem Herrn Lieutenant,

Wenn er erst wäre wieder hier,

Dann sprächen wir wohl mal darüber.

Und grüß ihn nur, und hier, mein Lieber,“

Drückt em en Daler in de Hand

Un denkt denn nu, hei fall nu gahn;

Doch Jochen, de bliwvt stramm bestahn

Un höllt de Hand so vör sich hen

Un kückt sich in de Hand herin,

As hadd hei nie en Daler seihn.

„Was stehst Du noch? Was wartest Du?“

Fröggt em tauleht de gned'ge Fru,

„Nun ist ja Allens in der Reih.“ —

„Ne,“ seggt uns' Jochen, „dit 's man ein,

De Kauken kost't uns jülwen drei.“

26. Wat wull de Kirl?

„**M**e, Fiken, denk Di, wo 't mi gung! —
As 't gistern an tau schummern fung,
Dunn gah ick hen nah 'n Water halen,
Un as ick kam nah unsen Sod, ¹⁾
Dunn steiht en Kirl dor rank un grot
Un smuck von Kopp bet up de Salen.
Hei kickt mi an,
Ick kit em an,
Hei seggt mi nicks,
Ick segg em nicks
Un lat min Emmern in den Sod.

Un as de Emmern nu sünd vull,
Un ick nah Hus nu gahen wull,
Dunn kümmt de Kirl — nu denk Di Fiken! —
Dunn helpt hei mi de swore Dracht ²⁾
Ganz fründlich up un strakt ³⁾ mi sacht
Un ward mi in de Dgen fiken.

¹⁾ Sod — Brunnen. ²⁾ „Dracht“ ist das hölzerne Instrument, vermittelst dessen zwei Eimer in der Waag mit dem Nacken getragen werden. ³⁾ strakt — streichelt.

Hei klick mi an,
Ick fik em an,
Hei jeggt mi nicks,
Ick jegg em nicks,
Un nehmt de Emmern up un gah.

Un as ick gah de Strat hendal,
Dunn geiht de Kirl — nu denk Di mal! —
Un mine Sid entlang de Straten,
Un as ick sett min Emmern hen,
Dunn kümmt hei ran un ward mi denn
Ganz leiw in sine Armen faten;
Ick fik em an,
Hei klick mi an,
Ick jegg em nicks,
Hei jeggt mi nicks,
Un ick gah wider hen nah Hus.

Un as ick an de Husdör kam
Un mine Dracht herunner nam
Un set't min beiden Emmern nedder,
Dunn namm hei mi in sinen Arm
Un drückt un herzt un küßt mi warm —
Un denk Di mal — ick küßt em wedder.

Hei lickt mi an,
Ick fik em an,
Hei seggt mi nicks,
Ick segg em nicks,
Dunn kamm unj' Fru taum Hus' herut,
Dunn was dat mit dat Küssen ut. —
Nu segg mi mal, wat wull de Kirl?"

27. Dat künmt mal anners.

Gu Moses Izig un oll Glaume Lessen,
De sitten recht bequem in ehren Wagen,
Un führ'n nah Leipzig up de Messen.
Sei sünd nu grad dorbi un klagen,
Wo dat de Judenschaft doch wir so unnerdrückt,
Un dat en Jeder ehr an 't Tüg wat flickt,
Un dat dat so nich bliwen künnt;
Dat müßt doch mal eins anners warden,
Wenn s' Rothschildten taum König hadden.
Drup reden sei von den Gewinn
Un von dat prächtige Geschäft,
Wat s' Beid in dat vergangen Johr
Gewon'n makt, un wat s' verköfft,

Un wat s' behollen von de Wohr; ¹⁾
Wat ehr 't Geschäftche in hadd dragen,
Un wovel Geld s' tausamen slagen,
Un wat s' nu maken wullen för en Rebbers. —
So führ'n sei nu denn de Schoffeh entlang;
Un an de Strat sünd de Schoffehsteinklöppers,
De kloppen dor in Hitt un Stohm ²⁾ ehr Stein,
Un sweiten dorbi as de Boren. ³⁾
As de de Juden nu gewohren,
Un Glaumen sine Näs' sei seihn,
Dunn sang'n sei an: „Hepp! Hepp!“ tau s'hrigen ⁴⁾
Un „nimm mer aach mit, nimm mer aach mit!“
Dü Glaume kann doch allseindag' ⁵⁾ dit
Nich so passiren lat'n; hei ward dat Schellen frigen
Un schimpt herute ut den Plan. ⁶⁾
Un s'limm wir 't unsre Juden gahn,
Hadd Mojes sich nich twischen leggt.
De ritt oll Glaumen t'rügg un seggt:
„Dass gut sein, Schlaume, es wird kümme!
Dass Achtung! Es wird kümme'n die Zeit,
Dass unser Fett thut oben schwimmen,

¹⁾ Wohr — Waare. ²⁾ Stohm — Staub. ³⁾ Boren — Bären. ⁴⁾ s'hrigen — s'kreien. ⁵⁾ allseindag' — immer. Im übertragenen Sinne, wie hier, heißt es auch: unter allen Umständen. ⁶⁾ Plan — Planlaken.

Denn werd'n mer aach sein ungeßogen.
Paß Achtung! es wird kumm'n de Zeit,
Wo wir je denn aach 'runtermöppern. ¹⁾
Sie werd'n dann sitzen in den Wogen,
Und Du und ich und uns're Lait,
Die werden dann Schoßehstein klöppern!"

28. De Kalwerbrad. ²⁾

De Herr Justizrath schickt tau Schlachtermeister Kleinen:
Ob hei em nich tau Ostern einen
Recht fetten Kalwerbraden bringen kunn,
Bi em süll grot Gesellschaft sin.
„Jh, ja," jeggt Klein, „dat künmt woll in de Reih:
Tau Reinbarg, weit id, stahn noch twei,
Söß ³⁾ Wochen olt un jnickenfett,
Un sünd mit säute Melk upfött; ⁴⁾
Ja, jeggen S' den Herrn Justizrath man,
Jck würd den Braden em besorgen." —
Uns' Slachter Klein, de führt den annern Morgen

¹⁾ abmöppern, 'runtermöppern — trivial für: mit Redensarten abfertigen. ²⁾ Kalwerbrad — Kälberbraten. ³⁾ söß — sechs. ⁴⁾ upfött — aufgefüttert.

Un kümmt tau Reinbarg richtig an
Un geiht taum Buren Becker rin,
Bi den sin Kalwerbraden stünn.
Sei handeln nu un kamen äwerein;
De Bur frigg Geld, dat Kalw frigg Klein.
Un as sei mit den Handel p'rat,
Dunn kümmt noch rinne Schauster Draht,
De süht dat Kalw. — „Ne, wat för'n Kalw!“ —
Wenn dat oll Kalw doch sin so wir!
Un hadd hei't of nich ganz, hadd hei't man halw!
Denn negstens gaww hei Kindelbir,
Dor kunn hei't gor tau prächtig bruken.
Herr Ze! Wo wull hei dorin slucken!
Süll hei nich up 'ne fine Ort
Den Glachter maken einen Bort
Un 't Kalw em riten ut de Zähnen?
Süll hei dat Kalw nich frigen können?
Jh, woll! Dor müßt en Dunner rinner slahn!
So geiht dat mit dat Kalw! So möt dat gahn!
Un löppt vörup, all wat hei kunn,
Bet in dat Treptowjch Stadtholt rin. —
Unj' Glachter jett't sich up den Wagen, —
Dat Kalw würd of herupper dragen —
Un führt denn of in't Holt herinner.
„Purr! — öh! Wo Dunner, Lüd' un Rinner!

Dat is jo woll en nigen Schauh,
De in den Weg dor liggen deiht?
Je, fall 'ck em nemen oder liggen laten?
Jh, wat helpt mi en linker Schauh,
Wenn 'ck nich den rechten heww dortau."
Un hei fñhrt wider sine Straten
Un fñhrt en Uwer ¹⁾ rup un fñhrt en Uwer dal:
„Ne, Dunnerwetter, fik doch mal!
Dor liggt de anner Schauh! Der Deuwel hal!
Ja nu! Nu is't 'ne anner Sak!
Nu lohnt sich dat, dat ick taurugg mi mak,
Dat ick den annern halen daub.
Ne! Wo is't mäglich? En Por nige Schauh!"
Kum is hei furt, un achter'n Uwer hen,
Dunn schümwot uns' Schaufter Draht sich denn
Ganz sachtig ut de Dannen vör:
„Süh jo, lütt Kälwing! Nu man her!"
Un knapp is de nu in de Dannen rin,
Dunn kümmt uns' Slachter Klein vergnügt in sinen Sinn,
Mit sin Por Schauh heranne dragen;
Doch as hei stiggt up sinen Wagen,
Wo — Dunner, Lüchting! ward em dor!
Dor ward hei nu mit Schrecken wohr,

¹⁾ Uwer — Ufer, wird aber durchgängig für Hügel gebraucht.

Dat em sin Kalw taum Düwel gahn.
„Dor möt en Weder rinne slahn!“
Hei rönnt herüm un geiht un löppt
Un horckt un lurt un steiht un röppt:
„Min Kalw! min Kalw! min schönes Kalw!“
Hei löppt un rönnt dat Stadtholt halw
Hendörch! hei löppt den Weg taurügg,
Ein Kalw is weg, sin Kalw bliwwt weg.
Hir weit hei sich nich in tau raden.
Wat nu? Hei möt tau't Fest en Braden
Den Herrn Justizrath Schröder bringen,
Hei hett em dat tau fast verspraken;
Hei möt denn doch vör allen Dingen
Tau'n nigen Braden Anstalt maken.
Hei führt tau Bur Beckern t'rügg
Un köfft den zweiten Braden sich
Un lödt ¹⁾ den'n up un stigt ganz nedderslagen
Taum tweitenmal up sinen Wagen,
Un kümmt nah't Stadtholt wedder rin.
Dor was dat Flag, wo't irst oll Schauhding ²⁾ stunn;
Hir was't, wo hei den zweiten funn;
Hir was't em mit dat Kalw passirt.

¹⁾ lödt — ladet. ²⁾ Schauhding. Bei Sachen und auch Personen, die Anlaß zum Mergel, Verdruß und Zorn geben, hängt man häufig das Wort „Ding“ an.

Un as hei noch jo höllt, dunn hünt
Hei in den Holt dat düdlich blahren, ¹⁾
Grad as jo'n Kalw. „Den Dunner Mahren!“ ²⁾
Röppt hei, „dor is de Kreatur!
Na täuw, nu bün 'ck di up de Spur!“
Un wedder in dat Holt herin! Un lockt un röppt
Un söcht un hoikt un geiht un löppt,
Ob hei sin schönes Kalw nich dröppt.
Doch All'ns ümsüs, un All'ns vergewß! ³⁾
Hei möt taulest mit lange Näs'
Man wedder t'rügg nah sinen Wagen;
Doch as hei dor will ruppe stigen,
Denkt hei, hei jall dat Unglück frigen. ⁴⁾
„Dor möt dat Weder rinne slagen!“
Dat twete Kalw is of heidi!
„Wo, dit 's denn doch mit Hexeri!
Un of dat dämliche Por Schauh,
Dat halt de Düwel of dortau!
Un dat üm den Justizrath Schröder?
Un üm sin dämlich Traktement?
Jck heww mi nu de Näs' verbrennt,

¹⁾ blahren, von Kälbern und Schafen gebraucht — blöfen.
²⁾ „Dunner Mahren!“ ist ein Ausruf der Ueberraschung und
Verwunderung. ³⁾ ümsüs — vergewß = umsonst — ver=
gebens. ⁴⁾ „Unglück“, auch „Slag un Unglück“, bedeutet hier
„epileptische Krämpfe“.

Un tweimal gor un dat nich slicht!
Nu kann hei seihn, wo hei en Braden kriggt.“

29. De Rechnung ahn Wirth.

„**G**un Morgen, Herr Advat, mi is dor wat passirt,
Mi hett dor up de Strat so'n utverschamtes Dirt
Von Köter in de Beinen beten ¹⁾
Un mi en Stück ut mine Büxen reten. ²⁾
Dat is 'ne ganze nige Hof',
Un ick wull Sei doch blot mal fragen,
Ob ick den Kirl nich künn verklagen,
De so'n betschen ³⁾ Hund lett loj'
Sich up de Straten rümmer gahn?“

„„Gewiß, mein lieber Freund, das können Sie,
Der Eigenthümer von dem Vieh,
Das Ihnen Solches angethan
Und Ihre Hose riß in Fetzen,
Muß Ihnen selbige ersetzen.““ —

„Süll 'ck woll drei Daler söddern känen?“ —

„„Gewiß, das können Sie! Für diese schönen

¹⁾ beten — gebissen. ²⁾ reten — gerissen. ³⁾ betsch —
bissig.

Und neuen Hosen ist das nicht zu viel.““

„Na, Herr Advat,“ seggt Möller Thiel,

„Denn geben S' man drei Daler her,

Wilt Ehr oll Rötter wesen ded.“

„„Mein Hund? — Mein Pollo biß Sie in die Waden?

Nun gut! Ich glaub's und stehe für den Schaden:

Hier sind drei Thaler für die Hosen,

Was Recht ist, muß als Recht bestehn,

Und sollt die Welt in Stücken geh'n!““ —

De Möller lacht so recht gottlosen,

Un denkt, den heft Du richtig namen!

Strickt sich dat lütte Geld tausamen

Un will gehursamst sich empfehlen.

„„Halt, lieber Freund!““ seggt de Advat,

„„Ich kann es Ihnen nicht verhehlen,

Daß in beregter Sach' für Müh und guten Rath

Drei Thaler sechszehn Groschen mir gebühren.

Man wedder rut mit de drei Daler,

Un sösteihn Gröschen bi gelegt!

Denn kümmt de Sak irst richtig t'recht.

Recht, Fründting, möt as Recht bestahn,

Un füll de Welt in Stücken gahn!““

30. Dat sünd up Stunn's sühr slichte Tiden.

„**M**e, Badder, ne! Wo is dat möglich!“
Seggt Schauster Draht. „Is dat woll Recht?
Ne, wat de Düwel vör Schauh verdröggt!
De Sak, de ward konfuser däglich.
Heww id̄ dat nich all ümmer seggt?
Dor finn de Düwel sich taurecht!
Doch dat kümmt all man von de Tjerbahn
Un von dat ruge ¹⁾ Wesen in de Welt.
Dor sitt id̄ nu, mak Stäweln un — kein Geld,
Dor kann de Düwel bi bestahn!
Ne! Hör mal blot, wo mi dat gahn! —
Gollreider schickt sin'n Wilhelm nah mi hen,
Un lett mi Order ²⁾ seggen, wenn
Dat jichtens Menschen möglich wesen künnt,
Denn jüll id̄ nah em ruppe kamen.
Na, Badder, kannst Di denken, — id̄ of swinn
Dat olle Schortfell asgenamen!
Den nigen Rock an, in de Tasc̄ dat Mat,
Gah ruppe nah de Babenstrat. ³⁾
„Man fixing rup nah Nummer Ein!“

¹⁾ ruge — rauhe, rohe, wilde. ²⁾ Order — Ordre.

³⁾ Babenstrat — Oberstraße.

Ich also rup! Wen frig ich dor tau seihn?

En'n Herrn, segg ich Di, nobel, fein!

En lütten Snurrbort, schöngedrelltes¹⁾ Hor,

Un ein Geruch! Na, Badder, dat is wohr!

De schönste Snumtoback is minentwegen

En puren, reinen Dreck dorgegen.

„Hir geiht't,“ segg ich tau mi, „hir geiht dat, Draht!

Wenn't hir nich geiht, denn hal't de Düwel;

Hir makst du endlich mal en Fat!“²⁾ —

„Mein lieber Meister, ein paar neue Stiewel!““

Ich also ut de Tasch dat Mat:

„Ganz woll, Herr Gnaden, ja! ganz recht!“

Mat jülwst of noch den Stäwelnknecht

Un mät³⁾ em jo'n Por Stäwel an,

As Ein s' nich schöner malen kann.

„Doch,““ seggt hei, „morgen früh um neun,

Dann muß die Arbeit fertig sein.““

„Ja woll,“ segg ich, „dat kann gescheihn!“

Ich gah. Un, Badder, ich hadd noch en Por,

De hadd ich Neutern mal verpaßt,

Ich glöw, vergangen Frühjohr was't,

De stimmten justement up't Hor,

De künn de gned'ge Herr jo nu verdragen,

¹⁾ gedrellt — gedreht. ²⁾ Fat — Griff; hier Gewinn.

³⁾ mät — messe.

Denn hadd 'ck mit eine Klapp twei Fleigen flagen. —
Den annern Dag tau richt'ge Tid
Bün ick denn wedder bi den gned'gen Herrn,
Un hei probirt sei an un tüht
Un ward dorin herümmer pedd'n.
„„Ihr' Arbeit,““ seggt hei, „„mag ick liden
Un bin auch sehr damit zufrieden,
Indeß der linke siht mich doch verdwas¹⁾
Hier über'n Spann en Bitschen gar zu knas,²⁾
Den nehmen Sie doch noch mal mit nach Haus
Un blöcken ihn en Bitschen aus;
Doch heute Nachmittag um vier,
Denn sünd Sie mit dem Stiewel hier.““
Na lachen müßt ick, Vadder, as hei't säd,
Denn grad up dese izig³⁾ Städ'
Hadd ick den ollen Stäwel blöckt,
Bet hei de Lung tau'm Hals' rut reekt.
Dat was jo dat entfamte Flag,
Woran dat just bi Reutern lag.
Na, ick würd doch nich dämlich sin,
Un würd dat olle Ding sikagen;
So as de Sak mit den dor stünn,
So künn hei mi am En'n noch plagen. —

¹⁾ verdwas — querüber. ²⁾ knas — enge. ³⁾ izig — selbe.

Na, Na, Middags Klock vir, dunn gab id hen,
Un as id ruppe kam, dunn seih id denn
Du Badder Hüfeln, de steiht an de Stubendör,
Un hett en rechten Stäwel unner'n Arm,
„Ih,“ segg id, „Badder, wo kümmt Du denn her?“ —
„Na,“ seggt hei, „„maß man keinen Larm,
Iß glöw, de gned'ge Herr, de ward noch slapen.““ —
„Ih,“ segg id, dit möt sich doch nahrschen drapen:
Du deihst hir an de Dör rüm klinken
Un willst nah'n gned'gen Herrn herin,
Du hest en rechten Stäwel, id en linken,
Dit kän'n am En'n hir Schofen¹⁾ sin!
Vertell mi blot einmal, wat heit denn dat mit Di?“
Na, hei vertellt; un just as 't mi
Mit minen linken, wir't em mit den rechten gahn.
„Hir,“ segg id, „möt de Düwel rinne slahn!
Hei mag nu waken²⁾ oder slapen,
Hir möt wi rin!“ un ritt de Dören apen,
Je ja! Je ja! De Herr was sleuten gahn,
Un wi twei Dämelfläß', wi stün'n dor
Mit uns' tausambröcht Stäwel-Por.
„„Ih, Badder,““ seggt hei, „„Badder Draht,
Du weißt jo süß noch ümmer Rath.““

¹⁾ Schofen — chose, d. h. „saubere Geschichten, Lügen, Betrügereien“. ²⁾ waken — wachen.

„Jh, Badder,“ segg ick, „Badder Hüker,
Du heft doch jüs jo'n finen Rükker!“ ¹⁾
Hei höll den rechten Stewel mi nu hen,
Jck höll den linken em dorgegen.
„Am Besten,“ säd ick, „Badder, wir dat, wenn
Wi üm de beiden uns verdrögen.“
Wi also run, den Wörpelsbeker ²⁾ ran!
Du Badder Hüker, de smitt an,
Smitt sößteihn; ick smit nägen ³⁾ gegen,
Min linke Stäwel löppt nu achter'n rechten her.
Na, tröst ick mi denn nu, na, minentwegen!
De Tiden sünd wöhrhaftig swer!
So'n gned'ge Herrn, de mag ick liden! —
Ja, Badder, 't sünd doch slichte Tiden!“

31. 'Ne schöne Gesellschaft.

En por von de Burmeisters wiren
Berleden Landdag tau Malchin
Un würden wedder dor logiren,
Wo sei all früher deden sin.

¹⁾ Rükker — Riecher. ²⁾ Wörpelsbeker — Würfelbecher.
³⁾ nägen — neun.

Ehr oll Quartier geföll of sühr de Beiden,
Un Allens was of, as sück't hürt,
Blot de Upwohrung was 'ne anner word'n:
Ehr Wirth müßt sück en niges Mäten meiden,
So'n recht lütt dralles Fiken wir't.
As de nu kamm den irsten Morgen
Un ehre Herrn den Koffe bröcht,
Dunn lacht de ein oll Herr ehr an un fröggt:
„Na, segg, min Döchting, ¹⁾ segg mal, Fiken,
Kümmst Du mit twei Burmeisters woll taurecht?“
Un will ehr dor de Backen striken —
Denn so'n oll Herrn, de sünd vull Schelmenstücken. —
Doch süll dat Straken em nich glücken,
Denn Fiken flitscht em weg un seggt:
„Mit twei Burmeisters kem ick woll taurecht,
Mit de kem ick woll in de Reih.
Ick herow man uter dem noch all dat anner Weih!““

¹⁾ Döchting — Töchterchen.

32. Umfihrt.

Motto: Bescheidenheit, Bescheidenheit!
Verlaß mich nicht bei Tische
Und gieb, daß ich zu rechter Zeit
Das größte Stück erwiße.

'E is Middag, un oll Moses Abraham
De sitt bi Tisch. 'Ne schöne Spickgaus¹⁾ steiht —
De irst, de ut den Kot²⁾ herute kamen deiht —
Bör em, as Joel Tzig rinne kamm:
„Gun Morgen, Abraham! Ich wünsche wohlgespeijt.
Wos üs? — Sieh doch einmol! Wo haißt?
Wahrhaft'gen Gott schon von die Gaus!
Wo? Hast Du die schon aus dem Rauch heraus?“
Oll Abraham verfihrt sich niederträchtig,
De Spickgaus smeckt em doch tau prächtig,
Hei wull 'e ungirn wat von missen;
Indessen güng dat doch nich an,
Hei müßt em nöhd'gen: „„Kümm! setz Dir heran!
Verbir doch mol un eß en Bissen!““
„Aih waih! Es thut mer Leid; gegessen hob ich schon;
Ich komm von Moses Salomon,
Wo ich geessen Eierkuchen.“ —

¹⁾ Spickgaus — geräucherte Gänsebrust. ²⁾ Kot — Rauch.

„Nu, setz Dich hin! man bloß üm zu perbiren.“ —

„Nu, da Du mir doch thust so enfitiren,
So will ich's doch enmol versuchen.

En Bischen lutschen bloß.“

Un Izig lutscht nu los.

De Spickgaus is of gor tau fastig.

Un in 'ne korte Tid, in'n Handümwen'n,

Lutscht hei de Spickgaus up von Ur tau En'n. ¹⁾

„Das nennt er lutschen! Nu wahrhaftig!“

Seggt Abraham. „Nach diesem, sog ich Dir,
Lutsch Du bei Salomon un eß bei mir.“

33. De gaude Will.

In'n Letzen ²⁾ liggt oll Vadder Hank.

Hei lett den Notar Riedel halen:

„Herr,“ seggt 'e, „id' bün gor tau krank,

Id' hoff indeffen, dat min Qualen

Ehr Endschaft frigen, id' ward starben;

Un heww Sei deshalb kamen laten,

Min Testament mi aстаufaten.“

¹⁾ von Ur tau En'n — von Anfang bis zu End. Meines Wissens hat sich „Ur“ für „Anfang“ nur noch in dieser Redensart erhalten. ²⁾ in'n Letzen — im Sterben.

Na, Niedel jeggt denn nu: „„Sei darben¹⁾

Sick bi de Sak nich äwerilen,

Dat Starben, dat hett ümmer Tid.

Indessen is dat gaud betwilen,

Dat noch vörher wat Schriftliches geschüht,

Un wenn S' abf'lut dat wünschen füllen,

Denn segg'n S' mi Ehren letzten Willen.““

Un Bader Hank beginnt denn nu:

„Ich heww kein Kinner un kein Fru,

Un wat min Fründschaft²⁾ is, de was

In allen Stücken mi entgegen

Un hadd up mi en groten Haß,

Wil j' wüßten, dat j' von mi nicks kregen;

De frigen nicks, of nich en Spir. —

Doch an de Schaul in uns're Stadt

Heww 'ck ümmer min Vergnügen hadd,

Wil ick en Fründ von Kinner wir,

Dei will ick denn tauirst bedenken

Un ehr drei Dufend Daler schenken.“

„„Dat 's brav,““ jeggt Niedel, „„brav von Sei!““

„Na,“ jeggt de Da, „un för de Kirch,

Dor schriwen S' of gefälligst twei.“ —

¹⁾ darben — dürfen. ²⁾ Fründschaft ist zwar — Freundschaft; hauptsächlich wird es aber für „Verwandtschaft“ gebraucht.

„Zwei Dufend Daler för de Kirch?“
Seggt de Notor. — „In dese Tid
Würd ick dat selten noch gewohr,
Dat för de Kirchen wat geschüht. —
Na, süs noch wat?“ fröggt de Notor.
„Ja,“ seggt de Dll, „wil ick dat weit,
Wo slicht dat mit de Armaud steiht,
Un dat sich kein ehr deiht erbarmen,
So schriwen S' för de städt'schen Armen --
Na, willen seggen — fösteihnhunnert.“
Na, wenn sich de Notor of wunnert,
Wo dat so'n ollen riken Mann
So arm un dürftig wahren kann,
Hei schrimwt dat dal; de Tügen kamen,
De Schrimwt ward unner Sigel namen;
Un as dat Allens is taurecht,
Blimwt Riedel noch bi em un fröggt,
Wo woll de Glätel wesen ded
Tau't Schapp, wo hei sin Geld rin läd.
„Hir is de Glätel,“ seggt de Krank,
„Ick will Sei girn gefällig sin,
Up Stunn's is äwerst Geld nich d'rin.“ —
„Na, denn Poppir, min leiwe Hank,
Obligatichonen äwer Ehr Vermägen.“
„De heww 'ck meindag' noch nich tau seihen kregen“

Seggt Hank. „Ne, Herr Notor,
Poppiren, de jünd of nich dor.“
„„Wat? Gor kein Geld un kein Poppiren?
Woräwer will'n Sei denn testiren?““
„Je, Herr, dat deiht mi herzlich led,
Dat 'ck ahn Vermägen starben möt,
Ick müßt in bitt're Noth vergrißen¹⁾
Un künn den Hunger knapp man stillen,
Nu wull 'ck doch in den lezten Willen
De Lüüd' den gauden Willen wifen.“

34. De richtige Reknung.

De Gastwirth Knop steiht in sin Dör,
Sin Nahwer spreckt en beten vör,
De Kopmann Hahn. „Kumm rinne,“ seggt
De Gastwirth Knop, „eins söß un sößtig!
En Spill frig w' noch Börmiddag t'recht.“
„„Ne,““ seggt sin Nahwer, „„ick bün döstig,²⁾
Giw w leiwerst³⁾ mi en Birtel Win.““
„Ih,“ seggt oll Knop, „dat hinnert nich,
Dat kann jo ümmer liferst⁴⁾ sin,

¹⁾ vergrißen — grau werden. ²⁾ döstig — durstig.
³⁾ leiwerst — lieber. ⁴⁾ liferst — dennoch, trotzdem.

Du kannst bi't Spill den Dööst jo löschen;
Kumm her, wi spelen üm twei Gröschchen!"
Na, dat is gaud, sei setten sich,
Un Kopmann Hahn verlüst¹⁾ dat Spill.
Un wil hei 'n Spaß sich maken will,
Seggt hei tau'n Gastwirth: „„Hör mal, Knop,
Dit rekent sich ganz licht tauhop:
Twei Gröschchen heww 'ck an Di verluren,
Twei Gröschchen friggst Du vör den Win,
Dat geiht grad up, dat hewt sich just.““
Dl Knop, de kraht sich acht're Uhren:
„Ja,“ seggt hei, „dat ward richtig sin:
Min Viertel Win un Din Verlust,
Ja, Du hest recht, dat hewt sich just.“
Indessen ward hei doch noch mal
De Reknung heimlich äwerlagen,
Un as de Kopmann gahen will,
Dunn röppt hei: „Hahn, oh, holt mal still!
Wo? Di mag jo de Düwel plagen. —
Wo rekest Du dat eben ut? —
Lat doch Din olles Späßen sin!
As wenn ick ok nich reken künn.
Hir jünd s'! Twei Gröschchen friggst Du rut.“

¹⁾ verlißt — verliert.

35. De nige Paletto.

All Zochen Bohm, dat was en Pächter.
„Ne, ne, min leiw Herr Nachbor,“ seggt 'e,
„Tau jo'ne Stückchen bün 'a tau olt. —
Wo? Ick föll nochmal Fahrenholt
In desen slichten Tiden pachten?
Dor lachten jo de Hühner äwer
Un hadden Recht of, wenn sei lachten.“ —
„„Herr Bohm, Herr Bohm, erlauben Sie? —
Bei Wissenschaft und bei Chemi,
Stallfütterung und bei Drainiren
Kann man dreifache Pacht riskiren. —““
„Wo? Ick föll dor min Geld vergraben?
Min Beih föll nich in't Gras herin?“ —
„„Erlauben Sie, Herr Bohm, Sie haben
Davon den reichlichst:n Gewinn.
Herr Bohm, bedenken Sie doch blos,
Das Gut wird ja noch mal so groß,
Wenn wir nach neuestem System
Das Kindvieh auf dem Stall behalten,
Wir brauchen ja nicht Brach zu halten.““ —
„Na, dit geiht mi doch äw're Böm! 1)

1) Böm — Bäume.

Kein Brak! — Kein Brak? — Kein reine Brak?

Herr Nachbar, ne, Ehr Wurt in Ihren,

Un Growheit is nich süs min Sat,

Doch dit 's gradtau¹⁾ en dummen Snack,

Den kän'n S' sich up en Knüppel sniden

Un nahsten kän'n S' dor Hun'n mit smiten;²⁾

Ich gew dorför kein Pip Toback

Un lat mi von kein Schap nich biten."

„„Erlauben Sie, Herr Bohm, in diesen Zeiten....““

„Ei wat! — Erlauben Sie, erlauben Sie. —

Ich frag den Düwel nah Chemi

Un will von nige Mod' nicks weiten.

För't Rindveih hört de frijche Slag,³⁾

De oll, de is de Schap ehr Flag,

Un för de Faselwin⁴⁾ de Brak,

So is de Sat!

So het't unj' Herrgott ingericht,

Dat jedes Veih dat Sinig frigg,

¹⁾ gradtau — geradezu; hier so viel als „geradezu gesagt“. ²⁾ Diese Redensart wird im gewöhnlichen Leben als ein Ausdruck der Verachtung für etwas durchaus Unbrauchbares angewandt. ³⁾ „Släge“ werden in Mecklenburg die einzelnen so viel als möglich gleich gemachten, in einem turnus von beliebigen Jahren liegenden Feldabtheilungen genannt. „Frischer Slag“ heißt die mit Weideflee neu angesäete Abtheilung. ⁴⁾ „Faselwin“ heißt jedes Schwein, welches noch geweidet, und dem kein Mastfutter gereicht wird.

Un seihn S' —" un nimmt de Fust un dämmert¹⁾
Eins up den Tisch — „de ni Geschicht,
De is von Ur tau En'n belämmert.“
„„Erlauben Sie, Herr Bohm...““ „Gi wat! —
Erlauben Sie, erlauben Sie —
Ja nem min Fru un Kind mit mi
Un treck herinner in de Stadt;
För mi is hir nicks mihr tau braudern.²⁾
Nah Fahrenholt dor kem am Besten
So'n recht Gelihrtten, de't verstünn,
De't Gaud mit Bagelmeß³⁾ afmesten
Un all sin Beih mit Sagspön⁴⁾ faudern⁵⁾
Un denn in't Burken⁶⁾ setten kunn.
Ja bün nich för de nige Mod',
Ja will nich mihr, — Adjüs Herr Rohd!“ —
Als Fahrenholt verpacht nu ward,
Dunn kriagt dat so'n gelihrt Entspekter;⁷⁾

¹⁾ dämmert — schlägt heftig. ²⁾ „braudern“ heißt eigentlich „Bruder sagen“; aber aus der verwerflichen Gewohnheit der Handelsleute, Roßkämme, Juden etc., beim Handeln den Bauern „Bruder“ zu nennen, hat sich für „braudern“ der Begriff „verdienen, gewinnen“ herausgebildet. ³⁾ Bagelmeß — Vogelzung. Es ist hierbei nicht an den Guano zu denken, sondern an die Redensart: „Dat möt de Bagel mesten,“ die von einem Felde gebraucht wird, welches keinen Dung erhält. ⁴⁾ Sagspön — Sägespähne. ⁵⁾ faudern — füttern. ⁶⁾ Burken — Vogelbauer. ⁷⁾ Entspekter — Inspektor.

De oll Herr Bohm treckt in de Stadt,
An 'n Hoppenmark nah Kostoek treckt 'e.
Un as hei nu den irsten Morgen
Sick mit de Pip in't Finster leggt,
Röppt hei sin Fru hentau un seggt:
„Den Kaffee lat de Dirn besorgen;
Kumm sett Di an dat Finster 'ran,
Kik blot mal ut! — Wat will' wi mihr? —
Is't nich, as man sick't wünschen kann? —
Na, so wat maekt mi nu Pläsir.
Wat is't för 'n Lewen up de Straten!
Kik dor mal dit! — Kik dor mal dat! —
Kik dor, dor kamen gor Soldaten!
Ne,“ seggt hei, „Gining, Stadt bliwwt Stadt.
Un ick süll mi in ollen Dagen
Noch mit de nigen Moden plagen
Un mit de duwwelt Pacht afquälen,
Dat süll mi fehlen!“
As nu sin Döchting kümmt herin,
Röppt oll Herr Bohm: „Kumm 'ranne, Fiken!
Kannst of en beten rute fiken,
För Di ward't of pläsirlich sin.“ —
So sitten sei den irsten Dag, den tweiten,
Den drüdden Dag; Herr Bohm, de sitt,
Un will von nicks as fiken weiten,

Un Fru un Fiken kiken mit.

Doch endlich fangen Fru un Fiken

Bon't ew'ge ut dat Finster kiken

Necht herzlich tau hujahnen¹⁾ an,

Un oll Herr Bohm, de hujahnt mit.

„Je,“ seggt Herr Bohm, „dit is doch man,

Dat Ein sich dumm un dämlich sitt,

Wi kän²⁾ jo of herüm spaziren

Un kän jo of spaziren führen,

Wi kän't jo lasten, heww'n dat jo.“ —

„„Ja aber, Batting,““ seggt lütt Fiken

Un ward em üm den Bort rüm strifen,

„„Zuerst en neuen Paletto.““ —

„Ja,“ seggt denn of de leiwe Fru,

„Ja, Bohm, vör Allen möst Du nu

Di nah en Paletto ümseihn, —

Kik rut! Ahn so'n Ding geht hir fein.“ —

Herr Bohm, de wehrt sich wat hei kann:

„„Wat gahn mi nige Moden an?

Heww 'ck nich de schöne ni Mantäng,³⁾

De 'ck mi irst vör en Johr let maken?““ —

¹⁾ hujahnen — gähnen. ²⁾ kän — können. Diese abgekürzte Form wird aber nur für die erste Person plur. gebraucht, nie für die dritte oder den Infinitiv. ³⁾ Mantäng — mantin.

Doch Fiken, de ward düller straken,
Un bringt den Ollen in't Gedräng
Un Mutter, de lett of nich nah,
Un Jochen Bohm seggt endlich: „Ja“
Un denkt: „Ei wat! Man furt mit Schaden!
Un fröggt sich nah en Kleiderladen.
„Gu'n Tag auch, Herr, mein Nam' is Bohm,
An 'n Hoppenmark un Ökonom.
Ich wünsch 'ne neue Paletto.
Wenn Sie 'ne fert'ge haben, so
Thun¹⁾ Sie mich diese mal einß her.'
(Du Jochen Bohm sin Mod', de wir,
Dat hei mit „ihnen, mich un mir“
Hellsich dwaßlings 'räwerfideln²⁾ ded;
Den Snider gung dat ebenso.)
„For Sie en neuen Paletto?“ —
„Ja,“ seggt uns' Jochen Bohm, „for mir;
'Ne braune, wenn ich bitten möcht!“ —
„En brauner is noch grade hier.“ —
Un Jochen, de probirt dat Beist³⁾
Un kickt un strickt un treckt un seggt:

1) „thun“ wird im Plattdeutschen häufig für „geben, leihen“ gebraucht. 2) hellisch dwaßlings 'räwerfideln — sehr querüber fiedeln, d. h. rücksichtslos mit etwas umgehen. 3) Beist, Becst — Bestie.

„Hier oben thut sie prächtig passen,
Doch lang ist sie mich allermeist,
Sie denken woll, ich soll noch wassen?“ —
„Dies nicht; nein wirklich dieses nicht!
Es ist die Mod' nu einmal so,
Ich hätt die Mod' erst nilich kriggt;
Dies ist der richt'ge Paletto.
Die Mod', die macht ein groß Geschäft,
Den einen hab' ich man noch liegen,
Un was die Längde anbetrifft,
So ist die Kürze leicht zu kriegen.“ —
„Ja, dat is wohr,“ seggt Jochen Bohm,
„En En'nläng af, en frischen Som. —
Na, Meister, woviel kriegen Sie?
Un legg'n Sie mich auch Flicker bi
Un auch en Bitschen Zeug zum Futtern.“
Befickt sich hin'n un vör noch mal
Un geht de Blautstrat stramm hendal
Un kümmt denn nu herin nah Muttern.
De springt tau Höcht: „Na, Jochen, sühst Du?
Gaud teigen¹⁾ Johr un jünger büst Du,
De Paletto, de fledt Di mal!“
Un treckt den Rock nah unnen dal

¹⁾ teigen, teien, tein — zehin.

Un röppt herut: „Kumm rinne, Fiken!

De Paletto! — Kif Badding bloß!“

Un Fiken künmt, un nu geiht't los,

De beiden Frugenslüd', de striken

Den ollen Herrn den Rock so glatt,

Bet hei as in 'ne Wustsluf' ¹⁾ satt:

„So sikt er gut! — Sieh! Mutter, so! —

Herrjeh, de schöne Paletto!““

Fru Bohmen leggt indeß bedächtig

Den Kopp in ehre Hand herin

Un seggt: „De Paletto is prächtig,

Doch künn hei 'n Beten förter sin.“ —

„Ja,““ seggt of Fiken, „„hei 's tau lang,

'Ne Birtelehl tau lang geraden,

Zwei Hän'nbreit af, dat kann nich schaden.““

„Na,“ röppt oll Jochen Bohm mit mang,

„Heww id't nich seggt, sei wir tau lang? —

Doch de oll nägenklauke ²⁾ Snider,

De jäd, so wir sei in de Mod'.“

„„Wat?““ seggt sin leiwe Fru, „„wat wir 'e?

De in de Mod'? — Dat is so 'n Enacken!

¹⁾ Wustsluf' — Wursthaut. Sluf' wird für eine engan-
schließende Hülse gebraucht, z. B. bei der Ruß, der Zwiebel,
dem Mais etc. ²⁾ nägenklauk — neunklug; wird von einem
Menschen gebraucht, der Alles besser wissen will.

Hei is Di vel tau lang in'n Schot,
Hei geht Di jo bet up de Hacken.
Dor möt wat af, twee Hän'nbreit,
Indessen dat 's 'ne Kleinigkeit.““
Of Fiken seggt: „Dat 's lichtung dahn,
Un morgen ward spaziren gahn.“
Den annern Morgen in de Früh
Snorkt Jochen noch sin Melodi,
Dunn is sin leiwe Fru all buten
Un ward dat Klederschapp upsluten
Un halt herut den Paletto
Un halt sich Nadel, Schir un Twirn,
Un ritsch un ratsch! „So, Badding, so
Nu kannst Du in em rüm spazir'n,
Nu ward hei in de Mod' woll sin,“
Un hängt em in dat Schapp herin. —
Un dat is gaud. — So hen tau säben
Fängt Fiken of an uptaulewen,
Steiht up un fängt sich an tau waschen,
Dunn schütt ehr dörch den lütten Däts: ¹⁾
„Wahrhaftig ja! — So ist's, so geht's! —
Du sollst Dein Batting überraschen,
Du schneid'st 'ne Birtelle ab.“

¹⁾ Däts — Kopf.

Un wutsch¹⁾ herunner nah dat Schapp
Un halt den Paletto herut
Un drummelt²⁾ rings üm in den Schot
Zwei Handbreit af: „Nun ist er gut,
Nun ist er nach der neuesten Mod’.“
Nu fixing noch en frijchen Som:
„Wie wird sich nun ihr Bating hägen!“
Du kannst woll lachen, Zochen Bohm. —
Hei slöppt indeß. — So hen tau nägen,
Dunn ward hei of sich rute rögen,
Un 't is soglik sin irst Gedank:
„Din Paletto is Di tau lang;
De Fru'nslüd' laten doch kein Raub,
Du möst ehr man tau Willen sin!“
Un röppt sin Mäten lij' herin
Un flustert ehr ganz saching tau —
„Dürt,“ seggt hei, „Dürt, in't Klederspind,
Dor hängt 'ne Paletto, min Kind,
Dat Ding, dat is tau lang geraden,
Dat bring' mal nah den Klederladen
Un segg den Mann: ick hadd doch recht,
Dat wir doch, as ick gistern seggt:
Sei wir tau lang mi vel tau vel,

¹⁾ „wutsch“ wird von einer heimlichen raschen Bewegung gebraucht — flitscht. ²⁾ „drummeln“ — stampf abhauen, abschneiden.

Dor müßt wat af, 'ne gaude Birtelchl.
Un tau min Fru ward nich doräwer spraken,
Ich will ehr dor 'ne Freud' mit maken."
Un Dürt, de geht un kümmt taurügg:
„Herr,“ seggt s', „de Snider wunnert sich,
Wo dor noch woll wat 'runner kün,.
Dat Ding würd vel tau fort all sin.“
„Gotts Weder,“ seggt oll Jochen Bohm,
„Is denn de Kirl ganz in den Drom?
Segg em, dat wiren Dämlichkeiten,
Min Moden müßt ich beter weiten,
Un segg em, Dürt, ich heww Di seggt,
Grad wil hei sich dorwedder leggt,
Grad dorüm, dorüm, fall sei so!
Ich wull 'ne korte Paleta.“
Un Dürt, de geht, kümmt wedder t'rügg:
„Herr,“ seggt s', „hei schüddköppt¹⁾ fürchterlich,
Doch endlich sued hei wat von af
Un jäd, as hei s' mi wedder gamw:
„Nu würd sei denn woll fort naug sin.
„Schön,“ seggt de Dll, „denn nimm sei man
Un häng sei in dat Schapp herin.“ — —
De Tid taum Utgahn kümmt heran,

¹⁾ schüddköppt — schüttelt mit dem Kopfe.

De beiden Frugenslüd', de freu'n
Sick jede up ehr eigen Hand.
Fru Bohmen denkt: „Ne, wo galant
Ward Zochen in den Rock utjeihn!“
Un jet't en Haut mit Feddern up.
Un Fiken in den stiwen Rock,
De süht denn nu so nüdlich ut,
As wenn 'ne dresselt Kläterpupp ¹⁾
In eine Lunn rin krapen wir
Un keß nu ut dat Spundloß rut.
Wat is dat Kind doch glatt un schir!
Wat is sei nüdlich antauseihn!
Wo gahn ehr un'n de leiven Bein,
As en por lust'ge Klockenswengel!
Na, Fiken is en wohren Engel:
„Nun sind wir in der Mod', — süh so! —
Auch Bating mit den Paletto.“
Un oll Herr Bohm, de is so froh:
Wat würd'n de Frugenslüd' sich hägen,
Wenn s' nu dat Ding tau seihen kregen!
Un stellt sich vör de Stuwendör,
Mit eine Hand all an de Klink:

¹⁾ Kläterpupp, eigentlich — Klapperpuppe; Puppen von Holz, Weiber vorstellend, in deren unterm umfangreichen, hohlen Theile Erbsen zum Klappern eingelassen sind.

„So, Dürt, nu gah un hal dat Ding,
Nu bring' de Paletto mal her.
Wat de woll maken grote Dgen!
Nu help f' mi an! — Nu up de Dör!“ —
De Dör geiht up, dor steiht unſ' Jochen
In'n Paletto? — Ih, dummen Snack! —
Ne, in 'ne kort Husorenjack.

36. De schöne Spandillg.¹⁾

Majur von Boß tau Grabowhäw'
Hadd mal 'n Hollänner²⁾ bi sin Käuh,
De sühr dat Solospill bedrew.
De Mann was süs nich tau verachten
Un was of idel³⁾ gaud bi't Weih;
Doch as hei wull von Frischen pachten,
Un dorüm kamm taum Herrn Majuren,
Dunn seggt de Herr Majur: „Bollhagen,
Seggt hei, „de groten Fragen,

¹⁾ Spandillg — Spandille. ²⁾ Die Kuhpächter werden in hiesiger Gegend Holländer genannt. ³⁾ idel, eigentlich — eitel, wird aber nur als Verstärkung gebraucht.

De Solo's un de Mataduren
De hewwen Männigeinen all
Bet up dat blanke Hemd uttagen.
Wenn ick Sei wedder nemen fall,
Denn möten S' mi dat fast verspreken,
Dat S' mit dat Solospill afbreken.
Bollhagen, de verspreckt of fast;
Doch knapp nah drei, vier Wochen was't,
Dunn gung dat wedder: Solo flür,¹⁾
Drei Matadur un denn de Fristen!
Dat argert den Majuren sihr,
Doch wat em argert noch am mihrsten,
Dat was, dat hei tau weiten freg,
Dat siß sin leiw Bollhagen ümmer
Mit Kortten in de Tasch rüm drög.
„Ne,“ seggt de Herr Majur tau siß,
„Bollhagen, ne, so geiht dat nich!
Na, äwerst markten fall hei't doch,
Dat ick em up de Sprüngen bün,
Un geiht dorbi in't Beihhus rin,
Rickt up de Del,²⁾ sißt in den Trog,
Un fröggt nah dit un fröggt nah dat,
Ob't Beih dat Fauder of woll fratt,

¹⁾ Solo flür — Solo couleur ²⁾ Del — Diele.
Läuschen un Rimels II. 9

Un fröggt den oll'n Bollhagen, wenn 'e
Mit lang Heu an tau faudern füng,
Un kümmt so nah den Middelftänner,
Wo Haud un Rock von den Hollänner,
As ümmer, an den Nagel hüng,
Un grawwelt¹⁾ li' de Slipp²⁾ hendal,
Ahn dat de Melkers dat gewohrten.
„Bohrhaftig ja, dor sünd de Korten!“
Un halt i' herut. „Na, täuw nu mal!“
Un geiht ganz sachten ut de Dör
Den Weg entlang de Gorenheck
Un streu't de Korten hen un her
Recht in den Beihhus-Winterdreck
Un stellt sich in dat Wagenschur
Nich wid von't Beihhus up de Lur. — —
Bollhagen kümmt nu ut de Dör:
„Wo Dunner?“ jeggt hei, „Kutenbur!
Wo kümmt hir Kutenbur denn her?“
Na, hei geiht wider: „Herzen-Säben! —
Wo dit's doch nahrshen! — Herzen-Säben? —
Wo kümmt de her? Dit's mi tau krus!
Wer ward denn so mit Korten lewen?“ —
Doch geiht hei furt: „Süh dor, Kreuz-Dus!³⁾

¹⁾ grawweln, das iterativum von greifen. ²⁾ Slipp — Zipfel; Schooß vom Rock. ³⁾ Kreuz-Dus — Treff-Us.

De Kort is gaud,“ seggt uns' Bollhagen,
„Wenn Einer spelt un deiht denn fragen,
Un't fröggt de Anner em: „Wo heit s'?“
Un hei fröggt grot¹⁾ un röppt denn Kreuz,
Denn kann'n en hellisches Spill up maken.“
Kum hett hei dit so vör sich spraken,
Dunn süht hei in den Dreck Kreuz-Dam;
Bollhagen schütt vör Schreck tausam
Un kriggt vör Arger fast de Hilg':²⁾
„Wo Dunnerweder, de Spandillg!
Wo, dit is denn doch niderträchtig!“
Un bückt sich dal un nimmt sei rasch
Un wischt den Dreck ehr af bedächtig
Un steckt sei in de Westentasch:
„Wat? Mit Spandillg so rüm spillunken?³⁾
Ich wull, ich hadd blot den Hallunken!“ —
Un de Major
Glickt von de Lur
Still ut dat Schur:
„Ich was en Dur!
Heww'n Einen irst de Mataduren

1) fröggt grot — hat eine große Frage. 2) Hilg' -- Gesichtsröse. 3) spillunken — muthwillig spillern, welche letztere „verstreuen, verkrümeln“ bedeutet.

Fast bi de Uhren,
Denn is an em Hoppen un Molt¹⁾ verluren!¹⁶

37. Du dröggst de Pann weg.

Wenn Einer sich 'ne Fru hett fri't,
Denn kümmt taurst 'ne schöne Tid,
Un „Stutenwochen“ nennt man sei;
Doch mohrt dat gor nich all tau lang,
Mit einmal is de Pott intwei,
Un Ein kümmt in so'n Äwergang,
Wo Mann un Fru dat Beid probiren,
Dat Rug'²⁾ nah buten rut tau fihren,
Un wo sich dat d'rüm handeln deiht,
Wer woll de Hosern anbehöllt,
Un hett sich dat denn rute stellt,
Denn kümmt, wenn't gaud geiht, Einigkeit.

De junge Schausstermeister Sant
Un sine Fru, geburne Brümmer,
De wiren in den Äwergang
Un streden sich recht nüdlich rümmer. —

¹⁾ Molt — Malz. ²⁾ rug' — rauhe.

„Corlining,“ jeggt de Schaufster, „hüt
Künnst uns woll mal Pannkaufen maken,
Ick heww dorup so'n Appetit,“
Un ward dorbi ehr äwerstrafen.

Doch Eining schüwwt sin Hand taurügg:

„Dat geiht hüt nich,
Du quälst Di nich un heßt gaud snacken;
Worin fall ick den Kaufen backen?

Ick heww kein Pann.““

„Ih,“ jeggt de Mann,

„Du kannst jo nah Fru Schulden gahn,¹⁾
De hett uns ehr jo ümmer dahn.“¹⁾

„Un wer bringt s' ehr denn wedder rümmer?““

Fröggt em Corlin, geburne Brümmer,

„Du Schultsch, de lurt dor orndlich up

Un jeggt, dat sei nahgradens²⁾ einen

Pannkaufen kreg för't Pannenleinen.

Ne, Du friggst hüt Pantüffeljupp.““ —

Sei striden sich, sei kiben³⁾ sich

Un schellen sich tweibreid, tweilang,

Un schadt of nich, so helpt of nich,

Denn sei sünd in den Uwegang.

¹⁾ dahn, hier — geliehen. ²⁾ nahgradens — nachgerade.
³⁾ kiben — keifen; wird aber auch häufig für „kämpfen“ ge-
braucht.

Na, endlich, as i' nich anners kann,
Dunn geiht de Fru un halt de Pann;
Doch bi dat Backen brummt sei ümmer
För sich: „Ick bring' i' nich wedder rümmer.“
De Rauken is nu t'recht, schön knusperig;
De Schuster frett denn lästerlich,
Doch as hei bi den lekten kümmt,
Dunn röppt sin Fru: „„Holt! desen einen,
Den friggst oll Schultich för't Pannenleinen.““
„Ih, wo,“ jeggt Schuster Hank, un nimmt
Den Rauken sich. „Corlining, jegg!
För de oll Zanzel¹⁾ of noch Rauken?
Ne, ganz allein upfreten dau 'ck en.
Un puht den lekten of noch weg.
„„So,““ jeggt Corlin, „„nu kannst Du i' rüm besorgen,
För mi²⁾ steiht i' hir bet äwermorgen.““ —
„För minentwegen steiht i' en Johr.“
„„För minentwegen steiht i' en por.““ —
„För mi in alle Ewigkeiten.
Nu holt Din Mul, ick will nicks wider weiten.“ —
„„Min Mul? Min Mul? Hest Du mi reden heiten?
Wo? Du willst mi den Mund verbeiden?““
„Wiw! Du entfamtes! willst Du swigen,

¹⁾ „Zanzel“ wird ein imbecilles, schwägendes Frauenzimmer genannt. ²⁾ för mi — meinentwegen.

Sall ick mi irst den Spannreim kriegen?" —

„Jck swigen? Oh, ick kann woll swigen,
Doch Du möst ünmer zaustern,¹⁾ snacken;
Wenn Gin Di of all unner hett
Un seinen Bein up't Mul Di set't,
Denn bittst Du em noch in de Hacken.“ —

„Dat will 'ck Di wisen,“ seggt de Mann,

„Jck wiß Di, dat ick swigen kann.

Jck künn nich swigen? — Dat wir slimm!“ —

„Schön,“ seggt Corlin, „de Wedd de gelt!

Un wer taurst dat Mul nich höllt,

De bringt oll Schultsch de Pann herüm.“

Un halt ehr Spinurad sick hervor

Un lacht ingrimmig vör sick her;

„Haha, haha!“ un spinnt un deiht

All'ns in de schönste Zornigkeit.

Un nu de Schauster, wo hei treckt!

As müßt 't em doch taulekt gelingen

Mit Pickdraht sinen Grimm tau dwingen.

Doch kein von ehr ein Würdken spreckt.

Nu fängt Corlining an tau singen:

„Ka-derida lallal-lallal-lallah!“

Un lacht denn wedder: „Haha, haha!“

¹⁾ zaustern — im Neger schwätzen, zanken.

Dat lett de Schaufter sich nich beiden,
Hei fängt nu lustig an tau fläuten:
„Fü-terü-terü tütü-tütü-tütüh!“
Un 't ward dor in de Schaufteri
Nu so en idel lustig Lewen,
Als hadd't mindag nich Strid dor gewen.
Corlining lacht un singt un deiht,
Dat Spinnrad snurrt, de Schaufter fläut't
Un kloppt den Takt mit sinen Hamer,
Hui! pfeift de Pickdraht hell dortwischen,
Un 't is 'ne Lust dor in de Kamer!
Un ünmer wedder los von Frischen! —
De Dör geiht up, ein Herr kümmt rin:
„Mein lieber Meister Hank, ich bin
In gräßlicher Verlegenheit,
Ich hab den Stiefel mir zerrissen,
Sie werden mir ihn flicken müssen,
Doch, Meister, gleich, ich hab' nicht Zeit.“
De Schaufter lett sin Schaufteri:
„Fü-terü-terü tütü-tütü-tütüh!“
Un winkt den Herrn, dat süll gescheihn,
Hei wull den Stäwel runne teihn.¹⁾
De Herr, de seggt: „„Antworten Sie,

¹⁾ teihn — ziehen.

Woll'n Sie mir gleich den Stiefel flicken?"

De Schaufter fläut't sin Melodi:

„Fü-terü-terü tütü-tütü-tütüh!“

Nickt mit den Kopp un ward sich bücken

Un friggt den Herren bi den Bein,

Den Schaden irst mal nahtaufeihn.

„Na, dauert's mir auch wohl zu lang'?"“

De Schaufter äwer bliwot dorbi:

„Fü-terü-terü tütü-tütü-tütüh!“

„Mein Gott, mein lieber Meister Hank,

Was heißt denn dies? Was haben Sie?“—

De Schaufter fickt, de Schaufter nickt,

Sitt up den Hüfer,¹⁾ pickt un fickt,

Doch Antwort, ne, de gimwt hei nich,

Doch fläuten deiht hei meisterlich.

De Herr up sinen einen Socken,

De wend't sich nu an uns' Corlin:

„Süll hei verrückt woll worden sin?““

Corlin steiht up un schüwot den Wocken

Bi Sid un lacht: „Haha, haha!

Na-derida rallal-lallal-lallal-lah!“

De Herr, de seggt, de Herr, de fröggt,

Ob sei em woll kein Antwort gew?

¹⁾ Hüfer — dreibeiniger Schemel.

Doch all ümsünst; je ja! je ja!
Sei kloppt sich von de Schört de Schäm:¹⁾
„Ka-derida rallal-lallal-lah!“
De Herr, de weit nich, wat dat heit,
Sir de Gesang, un dor de Fläut;
Na, endlich fängt hei an tau lachen,
„Was,“ seggt hei, „ist dabei zu machen?
Hier herrscht ja solche Lustigkeit,
Da wird gepfiffen, hier gesungen,
Warum nicht auch herumgesprungen?“
Corlin, de was en smuckes Wiv,
Sei sleit den Arm ehr üm dat Liv,
Un nu geht't los — heft nich geseihn! —
Up Socken mit den einen Bein.
De Schaufter reistert,²⁾ neiht un neiht,³⁾
Un immer düller⁴⁾ geht sin Fläut:
„Füterü-terü-tütü tütü-tütüh!“
Un sine Fru, de singt dortwischen:
„Kaderida rallal-lallal-lah!“
Un wedder tanzen i' rüm von Frischen,
De Schaufter fickt in Arger nah,
Doch hett hei noch kein Würdken spraken.

1) Schäm — Schewen, der Abfall aus dem nicht völlig gereinigten Flachß. 2) reistern — Reister (Flicken) auflegen. 3) neiht — näht. 4) düller — toller, d. h. hier nur — stärker.

Nu ward de Herr Corlinen straken,
Wo brennt de Hüfer unjern Schauster!
Wo nörrickt¹⁾ hei herüm, wo haust²⁾ 'e!
Wo smitt hei mit dat Warktüg rüm
Vör luter Arger un Verdruß!
Swabb! giwot de Herr Corlin en Ruß,
Dunn springt de Schauster up in Grimm:
„Dor fall en Dunner rinne slagen!“
Dunn dreiht sin leiwe Fru sick üm:
„Du möst de Pann herümmerdragen!““

38. Dat is 'e!

Dat giwot so'n Lüüd', de hemwen Strid mit Jeden,
De mit ehr in Gesellschaft sitt,
Un ihre sünd sei nich taufreden,
Bet Ein sei köpplings rute smitt.
Corl Stänker was so'n slimmen Gast,
Un einen rechten Gfel was't,
Un wo wat los was, dor was hei,

¹⁾ „nörricken“ wird für die unartikulierten Töne des Räusperns gebraucht. ²⁾ haust 'e — hustet er.

Un ümmer gawwt 'ne Demolei.¹⁾
Na, mal was denn tau Stargard Ball;
Un wat dat heit, dat weit wi All:
Tau Stargard Ball in ollen Tiden,
Dat wull wat Nichtiges bedüden,
Der danzten f' bet an hellig Sünn,²⁾
Un wer denn nich mihr stahen künn,
De danzte up den Kopp herüm.
Na, as dat kamm jo gegen Morgen,
Lett Corl den Kutsher ran besorgen.
De Kutsher höllt twei lang, twei breid,
De Kutsher höllt, hei weit Bescheid. —
Nu kümmt Ein stramm de Trepp hendal,
De Husknecht jeggt: „dat is Din Herr.“
„„Ne,““ jeggt Jehann, „„dat 's Anners wer,³⁾
Min Herr, de sitt un drinkt noch mal.““ —
En Anner kümmt in lichten Draww,
So recht behen'n de Trepp heraf,
De Husknecht jeggt: „Paß up, Jehann,
Dit is Din Herr!“ — „„Ne,““ jeggt de Kutsher,
„„Dat is hei nich, dat is jo'n Flutsher;⁴⁾
Min Herr, de kümmt ganz anners 'ran.““

¹⁾ Demolei — Schlägerei, entstanden aus demolée.
²⁾ hellig Sünn — helle Sonne, Morgen. ³⁾ Anners we —
ein Anderer. ⁴⁾ Flutsher — Leichtfuß.

Mit einmal ward dat dor en Larm
Un en Spektakel, — Gott erbarm!
Ein ward de Trepp herunner smeten,
Dunn seggt de Rutscher: „Holt en Beten!“
Un horckt un fött sin Mähren wissler:
„Nu smit em mi man rin, dat is 'e.“

39. Respekt vör 'n Großherzog sinen Rock.

Du Stein tau Lüffow hadd so'n schönen Klewer,
Doch ein verdammte Postelljon,
De führt em immer langs heräwer.
Hei ward nu up den Kirl mal luren —
Un richtig! friggt of den Patron;
Un as hei 'n bi den Wickel hett,
Un em nu'in den Bussen fött
Un mit den Stock em will traktiren,
Dunn seggt de Kirl: „Weg mit den Stock!
Dit is den Großherzog sin Rock,
Den möten E' an mi respektiren.“
Dunn seggt oll Stein: „Entsamte Snäsel!
Meinst, ick wir so en dummen Esel,

Dat Du mi bringst in Schücheri? ¹⁾
Ne, in de Snut friggst eins von mi,
Un de hürt Di!““

40. Wenn Einer wat ward.

„Carl Zunkel,“ seggt de Herr von Schwutscher,
„Ich mache Dich zu meinem Kutscher
Und hoffe, daß Du jeder Zeit
Durch Anstand und durch Sauberkeit
Der gelb-grün-rothen Liverée
Derer von Schwutscher Ehre machst
Und über Deine Haltung wachst.
Reck' Dich mal aus! Kopf in die Höh! —
So, nun ist's gut, nun zieh Dich an
Und schirr dann auf das Kutschgespann.“
Na, Carl, de sitt denn stramm un stiw
Bald in den blanken nigen Stat
Un reekt sich ut, so pil ²⁾ un grad,
As steek en Pal em dörch dat Liv;

¹⁾ Schücheri, von schüchtern — schrecken. In Schücheri bringen, also — bange machen, ängstigen. ²⁾ pil, eigentlich — pfeil, d. h. gerade, wie ein Pfeil.

Hei treckt de Halsbin'n ümmer knasser,
Un Badermürder¹⁾ bet an 't Uhr,
Bon un'n bet haben injnallt was 'e
Un rinnepremst²⁾ in de Mondur.
Un nu wo stolz in sinen Sinn,
Wat is 'e vörnehm nu un schön,
So kümmt hei in den Stall herin,
De Näs' so hoch bet an den Bän,³⁾
As wir hei nu en Wunnerdird,
Un ward den Backenbort sich striken.
De Knechts, de stahn üm em un kiken
Un wunnern, lachen, stöten sich,
Doch Corl, de steiht un süht dat nich,
Hei kickt herup nah sinen Bän
Un seggt taulegt: „Dau,⁴⁾ Willem Dähn!
Kik mal nah un'n in't Emmer rin!
Geww'n mine Pird' noch Water in?“

¹⁾ Badermürder — Baternörder. ²⁾ rinnepremst —
hineingepreßt. ³⁾ Bän — Zimmerdecke. ⁴⁾ Dau. Beim An=
rufen wird aus dem sonst gebräuchlichen „Du“ ein „Dau!“

41. En snacksches Dird.

Tau Koftock up den Pingstmarkt wir
'Ne grote Baud mit wille Dir,
Un Biller wiren rümmer hungen,
Wo s't makten, wenn sei Löwen fungen,
Wo s'ick de groten willen Slangen
Mit Minschen deden rümmer wrangen,
Wo Ein den Boren danzen let
Un up en Elephanten jet,
Un wo so'n Wulf en Handwarcksburßen fret.
Un Corl Slemmin, de steiht dor lang',
Bekickt den Wulf s'ick un de Slang',
Den Löwen un den Elephanten
Un seggt tau Zochen Willebrandten:
„Du, Zochen, dat möt hellischen sin,
Kif, wo de Handwarcksburß s'ick wehrt,
Un wo de Wulf em doch vertehrt,
De Düwel hal! — ick gah herin!“
Un geiht nu an den Mann heran,
De buten vör den Tugang steiht,
Un fröggt, wat dat woll kosten deiht.
„För Di en Gröschchen,“ seggt de Mann.
Un Corl betahlt sin Geld un geiht.

Doch wohrt nich lang', dunn ward dat en Geschri,

Un Corl stört't rute ut de Dör:

„Wo dat is jo Bedreigeri!

Dat 's All nich wohr! — Den Gröschén her!

Den Gröschén gimwst mi wedder t'rügg!

De grote Slang, de wrangt sich nich,

Dor ward kein Handwarcksburß terreten,

Kaldunen¹⁾ hett de Wulf blot freten!“

De Mann, de will kein Upseihn nich

Un gimwt em finen Gröschén t'rügg,

Un Corl geiht nu entlang den Strand,

Un mit em Jochen Willebrandt. —

„Na,“ seggt denn de J', „was't denn jo slicht?

Un was Di dat denn nich pläfirlich?“

„„Jh, wat Ein dor tau seihen friggt,

Dat is,““ seggt Corl, „„jo ganz natürlich.

Wenn id en Gröschén gewen dauh,

Denn will 'd of för min Geld wat seihn,

Dor hört en Handwarcksburß dortau,

Un taum Territen was dor kein.““

„Na,“ fröggt denn Jochen Willebrandt,

„Wo süht denn ut jo'n Elephant?“

„„Je, den'n heww 'd blot von achter seihn,

¹⁾ Kaldunen — Eingeweide, Geschlinge.

Doch, Zochen, dat 's en gruglich Dird,
Zwölf Faut hoch gaud un grislich swart
Un hett en langen dicken Start,¹⁾
Un, hür Di, ganz puglistig²⁾ wir't,
Wo mit den Start hei rüm handtirt;
Hei fött un grippt³⁾ dor orndlich mit,
As mit 'ne Hand, un fött un ritt
Dormit 'ne Bramwinsbuddel apen —
Denn hellisch nah Rum un Bramwin tracht 'e —
Un narfschen is dat Dird beschapen,⁴⁾
Denn, denk mal, 't Beist, dat süppt⁵⁾ von achter.““

42. En Prozeß will hei nich hewwen.

Dau Rostock bi Sleuders vertellten sich
Weck Gäst mal Räubergeschichten
Un schüll'n dorbi ganz fürchterlich
Up hisige Landesgerichten.

¹⁾ Start — Schwanz. ²⁾ puglistig — drollig, komisch.
³⁾ fött un grippt — faßt und greift. ⁴⁾ beschapen — beschaffen.
⁵⁾ süppt — säuft.

De Ein vertellt en langen Stral
Von't Amtegericht tau Wohren;
De Anner von't Patrimonjal,
Von't Ridderchafts-Berföhren.

Ein Stadtgericht, jäd Nummer drei,
Dat künn de Düwel halen;
De Birt', dat de Justiz-Canzlei
Sick hellichen let betahlen.

Un alltaufamen stimmen s' in:
Dat düllst¹⁾ süll'n de Avkaten sin. —
Un sährigen All in einen Athen:
„Wenn Einen so recht de Avkaten saten,
Denn möt hei den letzten Dukaten laten!“ —
De armen mecklenbörg'schen Herrn Avkaten!

Dunn drängt en ollen Militör
Sick dörch den Hümpel bet nah vör:
„Was Sie da sagen, meine Herrn,
Das glaub' ich gern,
Denn ich hab ganz was Anders noch erföhren, —
Das war vor circa sieben Johren —

¹⁾ düllst — tollste, ärgste.

War dazumalen noch Major —
Da nahm ich mich denn ernstlich vor,
Daß meine Kinder auch was lernen müssen —
Avangzemang is nich mehr, wie vor dissen,
Beruht nich mehr auf Heldenthaten —
Ich mieth mich also einen Cannidaten,
Acht Tage lang auch sehr zufrieden;
Den Sonntag drauf ein kleines Deschöneh,
Wo, wie gewöhnlich, meine Freunde seh;
Der Cannidat auch hin beschieden,
Ganz nett, ganz sauber, ganz ala Bonnöhr:
En schwarzen Frack, 'ne weiße Weste.
Kurzum gesagt! Ich freut mich sehr.
Man spricht nu Manches hin un her,
Da mischt der Mensch sich mang die Gäste
Un redt da mit
Von dat un dit,
Als wär' er ganz uns ebenbürtig.
Na, das war mich denn sehr merkwürdig
Un paßte mir denn nu natürlich nicht;
Ich seh ihn also grad in dem Gesicht;
Doch er bleibt ruhig an das Wort. —
Ich leg das Messer und die Gabel fort
Und richt mich etwas in die Höh
Und seh ihn sehr bedeutend an —

Und, meine Herrn, wenn ich so seh,
Wie ich zuweilen sehen kann,
Dann — äh — äh — äh — dann äh — äh —
Dann bleib mir Jeder aus der Näh!
Doch er, er kehrt' sich gar nich d'ran,
Fährt ruhig im Erzählen fort.
Na, hir war nun denn nicht der Ort,
Gehörig Bildung ihm zu lernen,
Ich werd' ihn noch mal scharf ansehen
Und fang dann an herauszugehn
Und werde mich sogleich entfernen.
Und — denken Sie — er bleibt ganz froh und heiter,
Spricht nicht allein — nein is't auch weiter!" —
„Ze, Herr von Rüttmann,“ seggt de Ein,
„Denn bew'n S' em woll nich naug ansehen.“
„Ne,“ seggt de Anner, „Herr von Rüttmann,
Denn seg'n S' em doch nich scharp naug an.“ —
„Na,“ meine Herrn, ich sag Sie ja,
Daß ich nach ihm ganz eklich sah.
So sah ich auf den Menschen nieder!“
„Wo 's't mäglich!“ seggt denn nu de Drüdd,
„Dat em dorbi nich grugen würd.
Un de verdammte Kirl et wider!“
„Na, nu, natürlich seh ich mir denn hin
Und werde einen Brief ihm schreiben,

Das könnt natürlich nich mehr sin,
Mein Cannidat könnt' er nich länger bleiben,
Wir thäten doch wohl nich zusammen passen,
Er möcht sogleich mein Haus verlassen.
Das thut er auch, verläßt mein Haus;
Und ich denk denn, die Sach' ist lange aus,
Da kommt en Brief denn mit der Post
Von einem Kerl von Advokaten,
Worin er für den Cannidaten
Verlangt an Lohn, an Wohnung und an Kost
Und sonst'gen Alimentationen —
Wo viel? — Nu rathen Sie! — Vierhundert! —
Ich denn natürlich sehr verwundert,
Ich schreib an ihm, er möchte mir verschonen,
Die Sache wäre längst vorbei,
Un ich wär gor nich vor Prozessen. —
Ich denk denn nu, 's ist Allens in der Reih,
Die Sach' ist aus der Welt, da friege ich indessen
Ein Schreiben der Justiz-Canzlei,
En großen Brief. — Das kommt mir schnurrig für —
Ich brech ihn auf — ich les' — ich wunder mir,
Denn — denken Sie! — man wird mich d'rin citiren,
Mich in der Cannidaten-Angelegenheit
Vor der Canzlei zu deffendiren!“ —
„Als wenn Sei,“ seggt de Srst, „so'n Schauster wiren?“ —

„Na, dit ward immer netter,““ seggt de Zweit! —
„Ja, so'n Geschichten,“ seggt de Drüdd,
„De künn de Ganzelei of laten.
Um so'n Kirl von Cannidaten!
Wenn ick mal Ganzelei-Direkter würd“ —
„Na, ich,““ seggt Herr von Lüttmann, „setz mich dal —
Der Ganzelei-Direktor ist mein alter Freund —
Un schreibe denn an ihm: so wär' es nicht gemeint.
Erzähl ihm die Geschicht noch mal,
Wo ich den Menschen dreimal angekuckt,
Wie er dabei sich nicht gemuckt;
Und wie die Sache längst begraben;
Und en Prozeß wollt ich durchaus nicht haben. —
Na, nu natürlich — denk ich — ist's vorbei;
Ich hatt' mich deutlich ausgesprochen;
Da — denken Sie — erhalt ich nach vier Wochen
Ein zweites Schreiben von der Ganzelei:
Ich hätt schon eine Frist verjessen,
Bei Androhung von weiterm Schaden
Ward ich darin zum zweiten Mal geladen.
Und ich — ich wollt ja nicht prozessen!““ —
„Wenn Einer,“ seggt de Jrst, „nu doch nich will!“ —
„De Ganzelei sich schämen süll,““ —
Seggt nu de Zweit. „Dat is gemein!““
„Na, Herr von Lüttmann,“ seggt de Drüdd,

„Wenn ick mal wat bi de Regierung würd,
Denn, Herr von Lüttmann, süll'n Sei seihn.....“ —
„„Na,““ seggt nu de, „„ich setz mich ruhig dal
Un schreib an den Direktor noch einmal:
Mein erster Brief wär' wohl verloren,
Man sollt mich lassen ungeschoren;
Ich hätte nichts nich mit dem Cannidaten,
Auch nichts nich mit die Advokaten —
Die Advokaten wären Raben —
Und en Prozeß wollt ich durchaus nicht haben.““ —
„Recht!“ seggt de Erst, „den säd'n Sei gaud Bescheid!“
„„De freg sin'n richt'gen Tappen,““ seggt de Zweit. —
„Ja, Herr von Lüttmann,“ seggt de Drüdd,
„Wenn ick so mal Großherzog würd.... —“
„„Nu, denk ich, ist es abgemacht,““
Seggt Herr von Lüttmann, „„doch nach acht Wochen,
Als ich schon lang an nichts gedacht,
Da kommt ein dicker Brief an mir —
Das kommt mir sonderbaren für —
Und als das Siegel ich erbrochen,
Da les' ich denn, ich bin verurtheilt —
Die ganze Summe und die Kosten —
Zusammen ein recht netter Posten,
Den ich sogleich bezahlen sollte! —
Prozeß verloren, den ich gar nicht wollte.

Ich kuck den Brief woll dreimal an —
Sie wissen, wo ich kucken kann —
Die Sache war ja längst begraben,
Und en Prozeß wollt ich ja gar nicht haben!
Und nun, trotzdem, ihn doch verloren! —
Das nennt man ein Gerichtsverfohren!““

43. Wat ut en Scheper¹⁾ warden kann.

Du Mutter Knakich, de hadd en Zungen —
Man einen hadd f', doch dese ein,
De was dorför of gaud gelungen;
So'n Schapskopp hadd de Welt nich seihn;
Doch Mutter Knakich, de glöwt nich dran,
Dat ehr leiw Züßging dumm süll sin,
Sei keß in ehren Sähn Zehann
As in en gollen Bäker²⁾ 'rin. —
Zehann, de müßt nu Scheper warden,
Un wenn sei em taum Mahren hadden,
Denn tröst em Mutter: „Du büßt kläufer:
Ut 'n Scheper,“ jäd se, „un Apteiker,³⁾

¹⁾ Scheper — Schäfer. ²⁾ Bäker — Becher. ³⁾ Apteiker
— Apotheker.

Min Söhning, dor kann Allens warden."
Na, 't kamm of so. — De Tid kam ranne,
Dunn was't vörbi mit Lämmergripen,
Dunn loßt¹⁾ uns' leiw lütt Knaken Hanne
Sick fast un müßt von Hahnen-Liepen
Hen nah Swerin tau de Soldaten.
Dor stünn hei vör de Kummischon:
„For Granedir zu kurz gerathen,
For Jäger nich von Proportschon,
For die Dreiguner im Gefäß zu eng,
Zu brauchen blos bei die Kanon,
Un geht's nich da, bei's schwer Gedränk.“²⁾
Un kamm nu tau'r Attolleri.
Dor müßt hei nu von Morgens früh
Bet's Abends mit den Wischer stahn
Un mit de Lunt up't Zündloß slahn
Un mit de Handspeiß rüm handtiren,
Dat Riden un dat Führen lihren
Un ümmer Proppen äwer Proppen
In de Kanon herinne stoppen.
Na, dorbi stellt sick uns' Jehann
Denn ganz gefährlich abellisch³⁾ an,

¹⁾ loßt — looſet. ²⁾ schwer Gedränk wird scherzweise für den „schweren train“ gesagt. ³⁾ abellisch — unausstellig, albern.

Un selten hett hei't richtig truffen; 1)

Un wat sin Unt'roffzir ded wesen,
De würd em heimlich ünmer knuffen,
Wilt' öffentlich verbaden wir.

Na, einmal würd de Unt'roffzir
Des Abends Instrukschonen lesen,
Ufführlich sivr un sivr gelihrt.

„Wir,“ jäd 'e, „Kinder, sünd Soldaten,
Auf uns beruh'n die Heldenthaten,
Vor allen auf Attolleri,

Un nider trächtig, Jungens, wir't,
Wenn einer von der Cumpani

Das nicht zu jeder Stunde wüßt
Und es im Busen in sich trägt:

Gott Lob! Ich bün Attollerist. —

Nu antwurt', Knak der zweite,“ rep 'e,

„Was büst Du, wenn Dich einer frägt?“

„„Ich,““ seggt Behann, „„ick bün en Scheper.““ —

Als flaten is de Instrukschon,

Dunn lett de Unt'roffzir de Annern

Herute gahn un seggt tau Hannern:

„Oh, bleib ein Bischen hier, mein Sohn.“

Un friggt em fat un knufft un pufft

Up Hannern in: „Was büßt Du, Schuft?
En Scheper büßt Du? — Na, da soll doch ein
Zehn tausend Donnerwetter schlagen
Zehn Klaster in die Erd hinein!
Ihr Kreuz Schock Schwerenöthers müßt
Das Hochgefühl im Busen tragen:
Gott lob! ich bin Attollerist.“
Un predigt so up Hannern in
Un maakt dat Hochgefäuhl em flor,
Dat Ein noch nah en Birteljohr
Em von den Puckel lesen kün. —
Zehann, de schrimwt en schrewen Breim
An Muttern hen nah Hahnen-Liepen:
Sin Lewen wir em doch tau leiw;
Hei mügg woll wedder Lämmer griepen,
Hei mügg woll wedder Hanschen knütten ¹⁾
Un achter'n Durenrämel ²⁾ sitten,
Hei mügg woll wedder Hamel häuden
Un wull sin Schüten ³⁾ nich mihr slahn,
Hei wüßt nu, wo't em sülwen dahn.
Un all de velen Scheper-Leiden,
De düchten jigt em Kleinigkeit

¹⁾ Hanschen knütten — Handschuhe stricken. ²⁾ Durenrämel — ein mit Dornen bewachsener Rain. ³⁾ Schüten ist ein alter unter den Schäfern sehr gebräuchlicher Hundename.

Un of de Schap ehr Upsternatschigkeit,
De höll hei jikt man vör Pläfir,
Denn't upsternatschte Beih up Erden wir
Ein grot Kanon un de Herr Unt'roffzir. —
Ra Mutter Knafsch, de dur't¹⁾ denn sibr,
Un maht sich endlich up de Bein,
Will doch mal dor taum Rechten seihn
Un fröggt sich ruppe nah Swerin
Un fröggt dor ümmer nah den Herrn
Attolleristen Hanne Knaken;
Sei wisen ehr nah de Kasern,
Un as sei dor von Hannern spraken,
Dunn wisen s' ehr en En'nläng wider.
Dor stünn denn nu de Un'roffzire
Un hadd uns' Hannern in de Mak²⁾
Un knufft un pufft up Hannern in,
Dunn ward uns' Mutter falsch tau Sinn,
Kümmt ran un seggt: „Is dat 'ne Sat?
Wat hett Em min lütt Hanning dahn?
Wo kann Hei mi dat Kind hir slahn?
Wat stött Hei mi dat Zünging?“ seggt i',
„Kann Hei nich seggen: Hanning so,
Un dreih di links un dreih di rechts,

¹⁾ dur't — Bedauern ausdrücken. ²⁾ in de Mak — in der Mache.

Denn deiht dat leuwe Kind dat jo.
Täum! ick ward nah'n Großherzog gahn.“
Na, dat is gaud! Gefeggt, gedahn.
Sei geiht glik an de richt'ge Smäd';
Paul Friedrich was't, de dunn regit,
De hört up Jeden sine Red',
Un einen gauden Herren wir't,
Un sühr för den gemeinen Mann.
Hei hört oll Knacksch of fründlich an,
Doch endlich seggt hei: „Mutter, nein!
Loslassen? Nein, das kann nicht sein!“
Doch Mutter lett nich af mit Quälen,
Hei süll ehr doch den Jungen laten.
„Das,“ seggt hei, „kann ich nicht befehlen,
Wer's einmal ist, der bleibt Soldat;
Ich, meine Söhne sind Soldaten,
Und wer den bunten Rock anhat,
Der wird auch tüchtig exercirt.“
Un wull de Däsch en Daler schenken,
Wil dat ehr Bidden em doch rührt,
Un in de Täsche herinne grep 'e.
„Je,“ seggt de Däsch, „Sei möten of bedenken,
Ehr Ort,¹⁾ de hett of süs nick's lihrt,

¹⁾ Ehr Ort — Ihre Art, d. h. Leute wie Sie.

Un min Zehann, dat is en Scheper."
Ick denk, Paul Friedrich lacht sich schein:
„Na, hest den Jung'n doch woll tau leiw?
Seggt hei: „Ick will in diesen Tagen
De Sak mi ganz genau befragen,
Un wenn dat jichtens passen deiht,
Denn fall hei mit Di t'rügg nah Liepen
Un fall dor wedder Lämmer gripen.“
Du Knatsch bedankt sich denn un geiht
Un kümmt so nah de Wach hendal,
Wo Hanning hüt taum irstenmal
Zu vullen Etat as Posten steiht.
„Zehanning,“ seggt s', „nu kümmt Du fri
Nu is de Knufferi vörbi,
Ick bün bi den Großherzog wesen,
De ward den Kirl Leviten lesen.
Doch wat hest Du hir rüm tau stahn,
Kannst Du nich in de Stuw' rin gahn?“
Unj' Hanne fickt sich ängstlich üm,
Ob em of wer woll reden süht,
Un flüstert sacht mit halwe Stimm:
„Hüt is min Shrendag, leiw Mutting; hüt
Bün ick en hellisch grotes Dird
Un de dat Ganze kummandirt.“

„Ih wo?“ seggt Mutter, „spañ of man!“¹⁾
„Dat will 'ck Di wifen,“ seggt Jehann
Un treckt sin Kes'mez stramm heran
Un bröllt nu mäglich: „Wach heraus!“
Un Unt'rosszir un Attolleristen
Un Leutnant, Allens stört't herut.
De Leutnant fröggt: „Was ist denn los?
„Schildwache, wie? — Was giebt's? — Was ist denn?“
Un Hanning süht so fründlich ut,
Un seggt: „Ne, hir is nicks gescheihn.
Herr Leutnant, ne, ick rep man blos,
Min Mutting wullt doch of mal seihn.“
Na, nu geiht denn de Leutnant los,
Un wenn so'n Leutnant richtig schellt:
„Ein Himmel Donnerwetter Kreuz
Millionen heilig Schwerenoth!“
Denn bäwert unner em de Welt,
Un knicken, knacken, knastern deiht f'!²⁾
Acht Wochen lang bi Water un bi Brod
Un Standrecht, Kugel, streng' Arrest
Un teihn Johr Festung jünd dat Best,
Wat uns' lütt Hanning friggt tau hüren. —
Saum Glücken äwerst müßt't passiren,
Dat de Großherzog dortau fem:

¹⁾ spañ of man — das soll Spaß sein! ²⁾ deiht f' — thut sie.

„Was giebt es denn, von Donnerström?“
De Leutnant nu, in vullen Zwer,¹⁾
Vertellt dat Stück von Hanne Knaken,
Un wat hei Gruglichs hadd verbraken;
Dunn fängt Paul Friedrich an tau lachen
Un seggt tau em: „Sic lernen Sie, mein Lieber,
Aus jedem Holz ist ein Apoll zu schnitzen,
Aus Jedem ist ein Held zu machen,
Ein jeder Stand hat seinen alten Fritz
Und Cäsar und Napoleon;
Selbst aus 'm Schneider hat man schon
Den Helden sich entpuppen sehn,
Wie es zu Fehrbellin geschehn;
Doch wat en Scheper is, dat bliwwt en Scheper.“
Un Hanne Knaken ranne rep 'e:
„Gah man taurügg nah Hahnen-Liepen,
Du kannst dor wedder Lämmer gripen.“

¹⁾ Zwer — Eifer.

44. In'n Brand lopen.

De oll Herr Plett mügg't girn de Trummel hören,
De Trummel was sin Insterment,
Un wenn de Tamburs bi dat Auwen ¹⁾ wiren,
Denn was Herr Plett dorbi, un wenn't
Bummskülen ²⁾ runne regen ded;
Hei schugt nich Regen oder Storm
Un güng nah'n Takt denn hen un her
In'n Slossgorn bi den Pulwerthorm. —
Na, de Tambur-Majur, — denn de Tamburen
Heww'n ehren Separat-Majuren —
De hadd dat oftmals seihn, dat Plett
Den Takt glik richtig namen hett,
Un dat üm keinen Pris der Welt
Hei ut den Takt denn rute föllt;
De seggt sin Tamburs nu Bescheid,
Un as nu in den negsten Dagen
Herr Plett dor ruhig rümme geiht]
Un nah den Takt deiht rümmer bummeln,
Dunn ward'n de Kirls dor greller ³⁾ slagen
Un fang'n nu fixer an tau trummeln.

¹⁾ äuwen — üben. ²⁾ Bummskülen regen — Bummskü-
leulen regnen, d. h. sehr stark. ³⁾ greller — schneller.

Na, unſ' Herr Plett marschirt noch mit,
Noch höllt hei ümmer richtig Tritt.
Doch de Major, dat was en Racker,
Hei winkt de Kirls: „Man tau! Noch düller!“
Noch höllt unſ' oll Herr Plett sich wacker,
Hei smitt de Bein un rönnt, as füll 'e
Fiw Milen lopen in 'ne Stun'n.
Doch de Major, de winkt man bloß,
Dunn geht dat in den Stormschritt los:
„Plumpsack! Plumpsack! Plumpsack! Plumpsack!“
Dunn steht hei still: „En dummen Snack!“
Un wischt den Sweit sich af un pufst
Un draucht de Rackerß mit de Fust:
„Schapsköpper sind Zi all tau hopen,
Meint Zi, id' fall in'n Brand mi lopen?
Ut Rand un Band?
In'n Brand?“

45. Grugliche Geschicht.

De Nacht is swart, de Storm de brust;
Oll Herr Penkuhn de liggt un drust;
De Storm de brust, swart is de Nacht;

Du Herr Pentuhn de flöppt so sacht.
Mit einmal hauzt ¹⁾ dat, kloppt un pleiht,
As wenn so'n Späuf spaziren geiht,
Un in de Kät ward't ein Geschri;
Du Herr Pentuhn, de flüggt tau Höcht
Un röppt sin Fru un röppt un seggt:
„Verstehst Du mir? Verstehst Du? Wie?
Un horch doch mal! Un süh mal, süh!
In uns're Kuch so'n Lärm zu machen,
Etcetra pp. und in dergleichen Sachen!“

Du Herr Pentuhn de fürcht sich nich
Hei fürcht sich vör den Düwel nich,
Hei johrt in sine Tüffeln rin
Un maht dat Licht sich an geschwin
Un springt herinne in sin Kät:
„Spelt denn de Düwel hir Versteck?“
Mit einmal steiht hei bummenstill, ²⁾
As wenn hei glif verörgeln ³⁾ will,
Denn 'ne Gestalt in blanken Hemd,
De kickt em an so wild un frömd.

¹⁾ hauen wird von jedem starken Klopfen, von einem heftigen Fall gebraucht. ²⁾ bummenstill — bombenstill.
³⁾ „verörgeln,“ könnte man vielleicht mit: „aus dem legt.u. Loche pfeifen,“ übersetzen.

„Wer büßt Du? fröggt hei. „Süh mal, süh!
Verstehest Du mir? Verstehest Du? Wie?
Wo? Willst Du mir hier grugen machen?
Was stehst Du hir in blankes Hemd,
Etcetra pp. un in dergleichen Sachen?“

„„Ick bün jo Lott,““ seggt de Gestalt,
„„Ick hört dat Baugen vör Gewalt,
Un wull doch mal tau Rechten seihn,
Wat nich en Unglück hir gescheihn.
Herr Gott doch, Herr, seihn S' dor mal dat!
Dat is de Dunnerweder Ratt,
Se stek den Kopp in'n Pott herin.““ —
„Wo? Dies kann jo nich möglich sin! —
Wahrhaftig ja! nu süh mal, süh!
Verstehest Du mir? Verstehest Du? Wie?
Dies ist doch, um sich dod zu lachen:
Sie stek den Kopp in'n köppern Pott,
In'n köppern Pott stek sie den Kopp,
Etcetra pp. un in dergleichen Sachen.“

De Ratt, de fohrt nu dull un slimm
In Herrn Penkuhn sin Kätk herüm;
„Nu kumm man, Lott, un faß ihr an!
Wo fix dat Beist doch wesen kann!

Was so'n Kretur doch fixing is!
Faß ihr den Start! holl wiß, holl wiß!
Faß ihr den Start, ich faß den Pott,
Un nu man zu, nu treck man Lott!
Verstehst Du mir? Verstehst Du? Wie? —
Nu is sie rute! Süh mal, süh!
Der Gfel wull uns grugen machen,
Dat is den Nahwer sine Katt,
Die hat hier woll 'ne Liebshaft hadd,
Etcetra pp. un in dergleichen Sachen."

De Katt, de springt nu dörch de Gat,¹⁾
Un in den trurigsten Verfat²⁾
Steiht unse Herr Pentuhn nu dor,
In bloten Hemd un blank un bor,
Un in de Hand den köppern Pott,
Un achter't Schapp verkrüppt sich Lott.
Un Herr Pentuhn de fröggt noch mal:
„Verstehst Du mir? Verstehst Du? Wie?
Geh' man zu Bett un leg' Dich dal,
Denn weißt Du, Lotte, süh mal, süh!
Die Welt könnt Redensorten machen,
Daß Du just, as wie Nahwers Katt,

¹⁾ Gat — Gasse. ²⁾ Verfat — Verfassung.

Mit mir hättst eine Liebshaft hatt,
Etcetra pp. un in dergleichen Sachen.“

46. Verachtung der Welt.

Tau Hamborg steiht en oll Gebäud', ¹⁾
Dor schenken s' gauden Drunk;
Ledweiß ²⁾ un döstig sünd de Lüd',
Wenn s' rinne gaht, doch frisch un jung
Kamt s' rute ut den kühlen Keller. —
Herr Heerlein hadd en Wingeschäft,
En orndlich Wirthshus frilich höll 'e
Grad nich, doch för sin besten Kunnen,
De sück tau Middagstid insunnen,
Wörd achtel-, viretel-, buddelwis verköfft. —
Nich wid von't Hus stahn up den Damm
Hannes un Peiter bi de Kamm,
Un Peiter seggt: „Dor möt dat moy sin;
Stiw as de Pal gaht sei herin,
Un kamt sei rute up den Damm,
Denn lat s', as wullt sei bi de Kamm
Anfaten glif, so bräsig ³⁾ sünd dei Lüd'.

¹⁾ Gebäud — Gebäude. ²⁾ ledweiß — hinfällig. ³⁾ bräsig
— frisch, roth aussehend.

So pußt ſ' un liggt ſei up de Sid;
Den Sünndag gab ick of mal rin.“
Na, Hannes jeggt, hei, Peiter, künn
Dat woll, hei hat kein Fru un Rinner,
Hei, Hannes, künn nich mit em rinner,
Hei müßt ſick woll de Sak entſlagen. —
De Sünndag kümmt nah wenig Dagen,
Un Peiter is denn vull bereit,
In ſinen nigen blagen Rock,
De up de Hacken runne geiht,
In ſine Büx von ſtripig ¹⁾ Linnen,
Tau Hand den witten Widenſtock,
Herrn Heerlein of mal wat tau gönnen.
Den Mann ſin Anſtalt ſchint em gaud.
Hei nimmt nu noch den nigen Haut,
Den'n up de Judenhörs' in en Geſchäft,
De tweede Elbſtrat, linker Hand,
Hei mal vör drei, vir Zohren löſſt,
Un hult em ut un bögt den Rand
Un ſet't em ſick dreiviertel up,
Steckt mang de Lähn 'ne Roſenknupp
Un geiht de Straten ſtramm hendal,
Herrn Heerlein fründlichſt tau beihren.

¹⁾ ſtripig — ſtreifig.

Hei kümmt herin in dat Lokal,
Wo all de ollen Runnen wiren:
„Kellnär, Kellnär! D, geben Sie mich mal
For 'n dumwelt Schilling von den witten Weißwein!
De Kellner fickt, de Gäst, de fiken,
Eei hadden Peitern Sinesglikten
In ehr Gesellschaft nich eins seihn.
Indeß de Kellner bringt en Glas,
Wat för den Pris ganz nüdlich was,
Un Peiter drinkt: „Gesundheit, mine Harnn!“
Ein von de Gäst, de drinkt un nickt,
Doch willt kein Unnerhollung ward'n,
Un Peiter stellt sich hen un fickt
Ut't Fenster rut: „Scheun Weder, mine Harnn!“
Na, Einer gimwt em dorin Recht,
Un Peiter dreiht sich üm un seggt:
„Wahrhaftig, scheunes Weder, mine Harnn!“
Doch All'ns is still
Un Keiner will
Wat von sin Unnerhollung weiten;
Dit argert denn nu unsen Mann
Un hei fängt an,
Up eigen Hand sich wat tau fläuten,
Un geht de Wand entlang in't Timmer

Un fickt dor an de Biller ¹⁾ rümmer,
De Gäst, de warden ümmer stiller. —
„Kellnär, was sünd das hier for Biller,
Die beiden linksch hier an den Ofen?“ --
„„Das sind zwei griech'sche Philosophen,
Der eine, der belacht die Welt,
Der andre, der beweint die Welt.““
„Un so'ne Kirls hangt Sei hier an?
Denn hangt Sei mi dor of mit ran,
Denn ward de Saß vullständig ward'n,
Denn id belämmer Sei de Welt!
Un hir, Kellnär, hir is min Geld!
Un nu gun Morgen, mine Harn!“

47. De Drom.

„Jung', maß un spaud Di mit den Reister!“
Seggt Jochen Smidt, de Schauftermeister. —
Ze? heit hei Smidt? Den Nam' heww 'a schir vergeten;
„Kumm, Glüangel, kumm! Sallst Frühstück eten.“ —

¹⁾ Biller — Bilder.

De Jung,' de kau't so hoch un sinnt un sitt.

„Wat fehlt Di, Jung'?" fröggt Meister Smidt,

Wat is 'e los? Wat is intwei? ¹⁾

Hüt rögst Di nich un sünsten frettst för drei?"

„Je," seggt de Jung, „je, mägen Sei't of hörn?

Mi hett wat drömt, un doran denk id' ümmer.""

„En richt'gen Drom," seggt Smidt, „den hör id' girn!"

Un dreih't den Hüfer nah den Jung'n herümmer.

„Na," seggt de Jung', „denn hör'n S' mal blot dat
Stück!

Mi was dat so: so as wie Sei un so as id',

Wi seten Beid ein Jeder in 'ne Tunn,

Von de de ein dicht bi de anner stunn.

Jung', frögen Sei, wat is in Din?

In min, säd id', is nicks, as luter Theer.

Un wat, frög id', is denn in Ehr?

Dunn säden Sei: in min deih't Honnig sin;

Un steken Ehren Kopp herut,

De sach of ganz vull Honnig ut." —

„Dat gnad' Di Gott!" lacht Schuster Smidt,

„Dat id' just in den Honnig sitt,

Haddst Du blot drömt, id' set in Theer,

Denn halt id' mi den Spannreim her

¹⁾ Wat is intwei — Was ist Schlimmes passiert?

Un garmte Di dat Ledder af!"
„„Je,““ seggt de Jung', un maßt sich up den Dras,
„„Min Drom, de is man noch nich ut, —
Wi stegen ut de Tunn herut
Un lichten Ein den Annern af.““

48. 'Ne gaude Utred.

Ha Heinrich Kloth was Schippskaptein,
Un sinen Burd was dat man ganz gewöhnlich
Un sihr unnaschig ¹⁾ antauseihn;
Un hei of sülwst, hei was persönlich
Up sine Ort nicks weniger as „fein“;
Dat güng bi em man muddlig ²⁾ tau,
Indessen, wenn em wer besöcht,
Denn framt hei All'ns en Beten t'recht,
Kamm't mit de Wahrheit nich genau
Un log för sinen Muddelkram
'Ne schöne Utred glif tausam;
Un of sin Lüd', de wüßten drup tau lopen,
Wenn hei irst log, denn logen s' alltauhopen.
Eins kam sin Rehder taum Besäuf.

¹⁾ unnaschig — unordentlich. ²⁾ muddlig — unsauber.

„Jung’,” seggt nu unse oll Captein,
„Maß de Cajüt uns fixing rein
Un maß dor Allens gaud tau Räuf, ¹⁾
Un denn besorg uns fix en moy
Bullstännig Frühstück in de Koj’.” —
De Jung was Niling noch, un Peiter heit 'e.
Doch wat sin Herr em heit, dat deiht 'e.
As nu de Kopmann sine Saken
Mit unsen Hinrich hett bespraken,
Dunn gahn sei in de Koj' rin,
Dor ward en schönes Frühstück sin,
Blot äwer'n Dijsch, dor liggt kein Laken.
„Jung’,” seggt nu unse oll Captein,
„Wat ²⁾ heft kein Laken äwerleggt?“ —
De Jung', de grint em an un seggt:
„„Je, Herr Captein, wi heww'n jo kein.““ —
Na, 't möt so gahn. — De Kopmann ett,
Un as hei sich vernüchtert hett,
Dunn geiht 'e. —
Un de Captein, de röppt nu: „Peiter!“
Un bögt em dal un klemmt em mang de Bein!
„Läuw, Du Hallunk! — Wi hewwn jo kein!
Kannst Du nich segg'n: dat Tauf is in de Wasch?“³⁾

¹⁾ tau Räuf maken — in Ordnung bringen. ²⁾ „Wat“
steht oft für „warum.“ ³⁾ Wasch — Wäsche.

Un swabb! Un swabb! gimwt dat denn nu Kallajch. —
Nah ein'ge Tid passirt denn dat,
Dat de Captein mit einen gauden Fründ
Mal wedder bi dat Frühstück satt;
Un as f' binah dor dörch mit sünd,
Dunn fehlt de Kes'. — „Jung',“ seggt de oll Captein,
„Hir fehlt de Kes', kannst denn nich seihn?
Lop hen un bring' den Kes' uns rasch.“ —
„„Je,““ seggt uns' Peiter, „„Herr, uns' Kes' is in de
Wasch.““

49. Dat geiht woll nich.

„Johann,“ seggt Paster Lobesjan,
„Heut' spannst Du vor dem Haken an.“
„„Ja woll, Herr Paster!““ seggt Jehann. — —
„Gottlob! die Wirthschaft ist bestellt.
Johann hakt auf dem Roggenfeld,
Ach Gott! was hat man zu besorgen!“
Seggt de Herr Paster un schrimwt wider
An sine Predigt för den Sünndagsmorgen:
„Die Thiere, Pflanzen, lieben Brüder,
Und jegliches Geschöpf auf Erden
Sollt unterthan dem Menschen werden;

Er ward als Herrscher drob gesezt,
Drum schuf ihn Gott zu allerlezt.
Doch hat der Herr, wie mir es scheint,
Vor All'n den Mann damit gemeint;
Denn weiter heißt es in der Schrift:
Das Weib sei unterthan dem Manne!"
Hir steiht hei up, denn bi den Saß, dor bliwvt
Hei haßen; geiht an't Finster ranne,
Um sin Gedanken frisch tau sammeln,
Dunn hört hei buten dor wat rammeln.
„Muß doch mal sehen, wer das thut?“
Seggt de oll Herr un kückt ut't Finster rut.
„Mein Gott! Johann, ich denk, Du bist zu Feld?“
„„Ne,““ seggt Jehann, „„dat beww' wi afbestellt;
Ick un Fru Pastern führen ut.““
Un dormit dreiht Jehann sich um
Un fummelt ¹⁾ an de Mähren rüm.
„Hm! hm!“ seggt de oll Herr, „dat is fatal!“
Un kräpelt ²⁾ nah den Hof hendal
Un sliedt sich dicht an sinen Knecht heran
Un flüstert liß: „Wo geiht't hüt hen, Jehann?“ —
„„Ick un Fru Pastern führen nah Bernitt.““

¹⁾ fummeln bedeutet ein zweckloses hin- und herhandtiren.

²⁾ kräpelt, eigentlich — krüppelt, d. h. sich mit Anstrengung und langsam bewegen.

„Segg mal, Jehanning, weißt Du nich?
Kam ick hüt woll en Beten mit?“

„„Je, Herr Pastur, dat geiht woll nich.““

50. En Schmuh. ¹⁾

In Prenzlau wohnt en Jud', de hadd
Mit Giz den wahren Deuwel seihn;
Hei höll dat Sinig so tau Rad', ²⁾
Dat Ein em bi de beiden Bein
Uphängen künn un künn em stäkern, ³⁾
Hei rückt nicks rut un däd versäkern:
Hei wir bi Gott en armen Mann,
Un stellt sich gottserbärmlich an.
De Lüüd vertellten, dat hei jede Nacht
Zu sinen Hui' un Hof un Goren
Mit Hun'ngelaff ⁴⁾ höll sülwsten Wacht,
Um't Fauder för en Hund tau sporen.
Dat weit ick nich un hemw dat ok nich hört,
Behaupt dat drüm ok nich, denn Unrecht wir't,

¹⁾ Judenausdruck für: guten Handel. ²⁾ Rad' — Rathe.
³⁾ stäkern: mit einem Staken (Stange) stochern, stoßen
schlagen; hier — quälen. ⁴⁾ Hun'ngelaff — Hundegebell.

Wull ick wat seggen, wat nich is;
Doch dat, dat weit ick ganz gewiß,
Dat hei des Morgens, wenn de Scheper drew,
Sick irst nah sine Schap begew;
De Stalldör fast heranner tog
Un up de Schap herümmer slog,
Bet s' allen Anstand in ehr Angst vergeten
Un em irst ehr Rosinen leten.
Un hadd'n s' em de Rosinen laten,
Denn maft oll Mauscher d'rut Dufaten.
Oll Mauscher, de würd rik, sühr rik,
Sin Güz, de blew sick ümmer glif,
Un ebenso was dat nich minner,
Mit sine Söhns un Swigerkinner.
Doch wat de Oll mit Schap bedrewen,
Bedrewen Sei mit arme Sünnner,
De in Berlegenheiten seten;
Credit würd ehr nich ihre gewen,
Bet s' ok irst ehr Rosinen leten.
Un handelt Mauscher blot mit Posen
Un höchstens mit geflickte Hofen,
Denn müßt dat nu bi Jzig un bi Benjamin
Mit Wull, Perdukten, Staatspoppiren sin. —
Bon Mauschern sin Nahkamenjschaft
Würd an de Börj' tau Hamborg spraken.

Stamm Mauscher gräunt in vuller Kraft,
Un an em jünd Papircher un Dufaten
Linglang as Bladd an Bladd upbrafen.
Un äwer sine Sähns un Döchter
Brök of de Bildung plöghlich rin,
As wenn j' mit ein'n Nürnberger Trechter
Ghr in den Däts würd trechtert¹⁾ sin.
Un Schawwes un an lange Nacht,
Dor würd nu länger nich an dacht,
De Standpunkt, de was äwerwunnen;
De Damen güngen in den Thee
Un legen up dat Canapeh
Un lejen in de Schawwesstunnen
Den „göttlich schenen ew'gen Juden
Bon'n göttlich schenen Guscheen Szüh.“
De öllste Sähn, Herr Hirsch, de mahte
Ganz nüdlich in Philosophie;
De tweede Sähn, Herr Izig, strakte
Sich mit Mamsells un Hun'n un Pird'
Un güng mit Ridpitsch un mit Sporn,
As wenn de Pitsch em antrut word'n,
De Sporn mit em geburen wir.
Un wat de Drüdd nu was, Manasse,

¹⁾ trechtert — getrichtert.

Dat was en groten Fläutenpeler,
En groten Hun'n- un Kattenquäler
Un einen groten Dichter was 'e,
Un was en Leiwling von de Kallen.
De jüngst nu äwerst, Benjamin,
Dat was de Upverklärst von Allen;
De Schinken von drei fette Swin
Un Mettwurst, Speck un furen Kal,
Kort, wat en annern Minschenmagen
Nich minschenmäglich tau verdragen,
Dat fratt hei Allens in sich dal.
Ein Meinung was, de Upverklärung
Set in de Swinsfleisch-Speck-Vertehrung
Un hadd Ein jeggt tau Benjaminen:
Dat de Upverklärung in den Mauscherstamm
Von Geld un noch wat anners kamm,
Laum Bispill von de Schapsrosinen,
Hei hadd mit Hand un Faut sich wehrt,
Hei wir von Swinsfleisch upverklärt. —
Indessen was't nu einmal so:
Un hadd'n sei Mosen of vergeten,
Sei hadd'n doch Mosen un Propheten.
Doch würd'n s' nich ehres Lemens froh,
Denn wenn s' den Glanz recht seihen leten
Un deden grot Gesellschaft gewen,

Denn müßt den ollen Tatterlewen
De Böß' un sin Großmauder riden,
Dat hei in sinen Neglischeh
Herin kamm in de Sauereh.
Dat kün'n sei denn nu doch nich liden.
Du Mauscher, de hadd keinen Rock,
Hei drog man blot 'ne korte Jack,
Un up de Jack satt Plack an Plack,
Un an de Placken Lock bi Lock.
Un Izig seggt: „Wie aus dem Meß
Kommt Tatterlewen zu die Damen.“
Manasse treckt de Stirn tausamen:
„Un vor Musik kein Interess';
Ich glaub', wenn Wolf-Hirsch-Löwen-Meyer-Beer,
Robert der Teufel selbst kām' her
Un spielt ihm einen Schottischen vör,
Er ließ nich von de kurze Jack.“
Na, nu de Kläufst was Benjamin —
Un all de Annern glöwten't of —
De säd denn nu: „Ei, dummen Schnack!
Das Beste ist, wir kaufen ihn
Vor unser Geld en neuen Rock —
Ich meine so, so'n Tholer neun —
Un bilden ihm denn kindlich ein,
Wir hätten nur zwei Tholer gewen,

Denn trägt ihn unjer Tatterlewen.“ —
Na, dat schüht of; de Rodd ward löfft;
Du Mauscher kümmt tau sine Kinner,
Un sei vertelln em dat Geschäft
Un bring'n em in den Rodd herinner.
Du Mauscher kickt un strickt un deiht;
Un as hei vör den Speigel steiht
Un sich besüht, dunn fröggt de Du:
„As Gott mich niemals strafen soll,
Was gabst Du, Benjamin, for ihn?“ —
„Zwei Tholer,“ seggt em Benjamin. —
De Du geiht nu ganz lustig furt,
Doch knapp hett dat twei Stunden durt,
Dunn kümmt hei in sin Zack taurügg.
Na, Benjamin, de wunnert sich
Un fröggt, wo denn de Rodd wir blewen?
Dunn seggt sin Mauscher-Tatterlewen:
„Verkost! Mit Schmutz verkost! Sieh hier!
Zwei Tholer kost't dat Röckche Dir;
Ich frigte vir;
Zwei Dir, zwei mir.
Mag Gott uns oft so'n Rebbes gewen!

51. De Fulheit.

Fau all Gebreken in de Welt
Ward Fulheit as dat schlimmste tellt,
Sei is nich tau curiren.
Wer dörch un dörch irst ful is word'n —
Kümmst hüt nich, kümmst Du äwermorgen —
De is nich tau befihren.

So'n richt'ge Fulpelz hett en Fell,
Dor geiht kein Loww dörch un kein Schell,¹⁾
Kein Strafen²⁾ un kein Hauen.
Bi Disch sitt Gin, de richtig ful,
'Ne halwe Lüst in't ap'ne Mul,
Sei is tau ful taum Rauen.

Sei rögt nich Hand, hei rögt nich Faut,
Wat kamen deiht, is ümmer gaud;
Un nennt dat „gottergewen“;
Un sine fule Bräuderschaft,
De nennt dat Demauth, nennt dat Kraft,
Un lawt em bet taum Hewen.

¹⁾ Schell — Schelte. ²⁾ Strafen — Streicheln.

Un wenn hei starw't, denn jet't em Ein
Bon sine Ort en Eikenstein:

„Hier ruht ein frommer Christe;
Hat wider Willen nur gekau't,
Ohn' daß er's wußt', hat er verdau't;
Er war ein Feind der Lüste,
Und Böses hat er nie gethan,
Nimm Dir doch ein Exempel d'ran,
Geh in Dich, lieber Christe!“

Doch wenn't ehr an dat Lewen geiht,
Denn 's't all mit de Beschaulichkeit,
Denn wehren s' sich so gaud as Ein. —
Ick will Jug mal en Stück vertellen,
Wat hir in Meckelborg is scheihn. —
Si kennt gewiß den lustigen Gesellen,
„Heindrich der Löwe“ ward hei nennt,
Un wer Heindrich den Löwen kennt,
Den ward bekannt ok woll sin Better sin,
De lütte, dicke, fule Corl Penzlin.
Na, Corl Penzlinen hett in allen Gnaden
Unf' Herrgott prächtig utstaffirt
Mit schöne Bein un stramme Waden —
Söß Schepel Kurn drei Treppen hoch tau dragen —
Un einen kostbor schönen Magen,

So'n rechten dägten¹⁾ un gesunnen;
Mit einen Kopp so rund un dick,
Un aswärts wider dal nah unnen
Mit ein gehörig Blaumenstück.
Kort, Corl, de kann von Kopp tau Fäuten
So gaud as einer „Venus“ heiten.
Doch einen Schaden hett de Mann,
Dat hei sich nich recht rögen kann;
Hei hett twors Nägen²⁾ in den Bussen,
Doch de Gelenke sünd em woll verwuffen. —
Heindrich der Löw' ded, wat hei kunn,
Hei wickelt Corl'n von Kopp tau Fäuten
In warme, wullen Decken in
Un lett em so recht tüchtig sweiten,
Wat sei up engelsch training heiten,
Un dacht em beiniger³⁾ tau maken.
Je ja! Je ja! — Corl würd woll sweiten,
Doch blew hei stiw up sine Knaken.
„Wo?“ seggt uns' Heindrich, „dit is doch gefährlich!“
Un stellt em bi't Flaßweiden⁴⁾ an;
Corl äwer seggt, dat wir em tau beschwerlich.
„Täum,“ seggt uns' Heindrich, „täuw! Ich heww't!
Ob hei nich Häuner häuden kann?

¹⁾ dägt — tüchtig. ²⁾ Nägen — Nogen. ³⁾ beiniger — mit gelenkigen Beinen. ⁴⁾ Flaßweiden — Flachsjäten.

Dat is en ruhiges Geschäft."

Unſ' Heindrich höll 'ne grote Flucht
Von ſchöne Häuner, utländiſch Tucht;
De würd'n Corl'n nu rute dremen,
Dormit hei jo kein Noth mit hadd,
'Ne Piſſch em in de Hand rin gewen,
Un hei herutführt up 'ne Kahr.¹⁾

„So, Corl, dit kann Di woll gefallen.“

Na, ſchön! Mit Abend un mit Allen
Iß Corl denn von't Geſchäft erlöſ't. —

„Na, Corl, dit is bequem doch weſt?“ —

„Den Deuwel ol!“ ſeggt Corl. „„Wat denkſt Du denn?
Mit dat oll dämlich Häunerveih!

Dor hett en nickſ as Noth un Mäuh!

Dor friggt mi Keiner wedder hen!“ —

„Na,“ ſeggt unſ' Heindrich denn tau ſich,

Up de Ort also geiht't noch nich;

För em möt dat bequemer ſin.“

Hei führt nah Koſtock also 'rin

Un köfft för Corln en Geſelhingſt.“

„So, Cörling, kumm! Nu ſett Di rup,

Will'n ſeihn, ob Du dat jo nich dwingſt.“

Un Corl, ſtatſch as 'ne Semmelpupp,

¹⁾ Kahr — Karre.

In sine Hand de Pitsch, in'n Mund en korten Bräsel¹⁾
Ridd mit sin Beih nu stolz tau Feld
Un hött sin Häuner nu tau Gjel;
Doch wohrt nich lang', dunn kümmt hei t'rügg:
„Ne, Heindrich, ne, dat mag ick nich,
Dat Beist, dat hett entfahnte Mucken,
De Gjel will nich vörwärts gahn.
Dor möt en up em rümmer slahn,
Un wenn 'n em sleiht, friggt hei dat Bucken.“
Je, denkt nu Heindrich, mäglich is't,
Dat hei nich anners können deiht,
Un wenn ick dat man säker wüßt,
Denn let 'ck em in Bequemlichkeit;
Na, will'n em doch mal utprobiren,
Ob hei dörchut nich tau curiren. —
'E is Winterdag un buten frisch,
Dunn röppt hei: „Corl, kumm doch mal rin!“ —
Un schüdd't 'ne Tüt mit Pulwer up den Disch —
„Segg, süll des' Pulwer gaud woll sin?“
„„Worüm nich?““ seggt uns' Corl Penzlin,
„„Dat Tüg is glatt un blank un fin,
Dat brennt nich vör, dat bluckt tau Höcht,
Wenn Einer blot den Drücker rögt.““

1) Bräsel — kurze Pfeife.

„Na,“ seggt uns' Heindrich, „denn mak swinn
Un hal en Arm vull Bäumen-Klaben,¹⁾
Recht dröge, nah de Stuw herin
Un steß sei rinne in den Aben,
Mi früst hüt morgen niederträchtig.“
Corl geiht denn nu of ganz bedächtig;
Un as hei rut is, em nich süht,
Schüddt Heindrich fix den Pulwer ut de Tüt
Un füllt sei vull mit Stuwensand. —
Corl kümmt nu rinne mit de Klaben
Un steckt sei in den Stuwensaben
Un as sei recht in vullen Brand,
Dunn geiht uns' Heindrich an de Dör,
Slütt tau un treckt den Slätel ut:
„So, Corl, nu sett Di hir mal her!
Du weißt, ick heww all lange Tid
Mi mit de Absicht rümmer dragen,
Dat Lewen in de Schanz tau slagen.“ —
„„Wat!““ röppt uns' lütte Corl Penzlin,
„„Wo? Du magst jo des Deuwels sin!
Dor heft Du jüs jo nick's von seggt.““
„Denn hörst Du't nu; hüt kümmt't taurecht.
Un denn heww ick so bi mi dacht,

¹⁾ Bäumen-Klaben — Buchen-Scheite.

Du sädft de Welt of woll „gu'n Nacht.“ —

„„Wat id? Dat föllt mi gor nich in.““

„Na, dat lat man, dat lat man fin.

Ut Di, min Jung', ward doch kein Müß,

Du wardst de Welt doch nicks mihr nütz,

Du kannst Di jo nich bücken un nich bögen

Un kannst de Knaken nich mihr rögen.“ —

„„Wat, Heindrich, wat? Wat föllt Di in?

Kiß blot mal, wat id beinig bün!““

Un Corl, de springt nu hen un her

Un rättert¹⁾ an de Stumendör.

Doch de is tau, un Heindrich seggt:

„Id heww mi't sorgsam äwerleggt;

Sid Zohren all heww id Di fött²⁾

Mit Eten, Drinken, un mit Allen,

Nu deihst Du mi woll den Gefallen

Un seggst de Welt mit mi Walet,³⁾

Ut Dankborkeit, min olle Sähn.“ —

„„Ut Dankborkeit? Na, dit wir nett!

Ut Dankborkeit? Na, dit wir schön!““

Un dorbi springt hei wedder hell⁴⁾ tau Höcht.

Un' Heindrich sitt ganz still un seggt:

„Anfänglich heww id mi so dacht,

¹⁾ rättern — rasseln. ²⁾ fött — gefütterert. ³⁾ Walet —
valot. ⁴⁾ hell, hier — plötzlich.

Wi wull'n uns in 'ne stille Nacht
Ümschichtig an den Nagel hängen,
Doch dat is nicks; Ein bliwwt denn t'rügg.
Nu segg mal, Corl, is't woll dat Beste nich,
Wenn w' uns mit Pulwer in de Luft rin sprengen?"
„Heindrich, Heindrich! Büßt Du dull?
Herr Gott, de ganze Lüt' is vull!
Herr Gott, hei nimmt s', hei smitt s' in't Fü'r.
Reddt! Reddt! Tau Hülp, tau Hülp uns hir!"
Un Heindrich nimmt den Stuwensjand
Un smitt em in den Abenbrand;
Un Corl, de springt mit einen Satz
Herinne in de Finsterlucht
Un breckt mit sine ganze Wucht
Dörch Rahmen dörch un dörch de Ruten.
Sin Börderdeil, dat is all buten,
Doch 't Achterdeil, dat will nich mit.
Un as hei nu so fast klemmt fitt,
Dunn kümmt uns' Heindrich mit en Tagel —
Swabb! Swabb! „Nu fik mal Ein!
Täum, Cörling, täuw! Nu heww ick't seihn;
Du büßt so flink jo as en Bagel!
Du büßt jo idel fix tau Bein!" —
Swabb! Swabb! — „För't Häunerhänden!"
Swabb! Swabb! — „För't Linjatweiden!"

Buckt Di de Esel noch tau dull?"
So sleiht hei em dat Ledder vull,
Un irst as Corl all'ns Gauds verspreckt,
Dunn ward hei ut dat Finster treckt.

Na, hett denn Corl Penzlin dat hollen?
Hett nu de Arbeit em gefollen?
Is hei nu fixer up de Bein?
Dat weit ick nich: doch Eins, dat is gewiß,
Dat hei bi Heindrichen noch ümmer is,
Un Pulver kann hei nich mihr seihn.

52. Dat Bannen.

Ick weit nich, was dat tau Serrahn,
Was dat tau Grotten-Bäbelin —
Dor in de Gegend möt dat sin, —
Dor was min Ohm tau Hochtid gahn. —
Min Kasper Ohm, dat was en ollen Knaw,
En ihrlich Bland un tru un brav
Un hadd mit unse Strelitz'schen Husoren
In sine wählig Tid un jungen Jöhren

Den Franzmann düchtig kloppen hulpen,
Un wenn hei stunn in sine gelen Stulpen
So straf un stramm up sine Bein,
Denn künnt Zi ek den oll'n Soldaten
Em in sin Döer noch anseihn;
Man Schad, sei hadden dow em schaten.
Un wull hei hür'n, wat Einer säd,
Denn müßt hei sihr dat Mul upriten,
Wat em jußt nich am Schönsten kledt. —
Min Ohm was also tau Bäblin —
Kann mäglich ok Serrahn west sin —
Tau eine lust'ge Hochtid beden;
Un as sei nu nah't Middageten
Taufamen bi den Koffe seten,
Dunn güng dat hen un her mit Reden. —
Doch dat is nahrsch dor mit de Gegend,
Ein mag dor reden, wat Ein will,
Von Haken, Pläugen¹⁾ minentwegent,
Taulekt künmt doch de Düwel mit in't Spill.
Dat is, as hadd Musch Urian
Grad up de Gegend von Serrahn
Den langen Start dwas äwerleggt
Un hadd tau all sin Tafel jeggt:

¹⁾ Pläugen — Pflügen.

Dit's unſ'! In deſen Sand un Knirk,¹⁾
Dor maſt Zug Sprüng'n un Zug Gewirk;
Dit iſ min eigenes Revir! —
As wenn't de meckelbörg'ſche Blockſbarg wir! —
Un durt denn of nich alltau lang',
Dunn wiren ſ' richtig midden mang
Den Düwel, Hexen, Kortlegen,
Arwſlätel,²⁾ Späuf, Säwlopenlaten;³⁾
De Ein wüßt dit, de Anner dat tau ſeggen.
Bör Allen waſ't ſo'n Burß von Cannedaten —
Herr Gott doch, ne! Wo redt de Mann! —
De füng tauriſt mit Diſchdreihn an
Un famm up Späufen, Hexen, Düwel,
Un All'nſ beweſ hei ut de Bibel.
Dunn rückt min Öhming⁴⁾ neger ran
Un ret ſin leiwes Mul wid apen,
Un ſeggt tau Jehann Hinrich Popen:
„Du, Badder, ſegg, wat ſeggt de Mann?“ —
„„Hei ſeggt: an't Diſchdreihn künne wi ſeihn,
Dat hüt tau Dag' noch Wunner ſcheihn.““
„So?“ ſäd min Öhm, „dat ſeggt de Mann?“
Un durt nich lang, dunn fröggt hei wedder:

¹⁾ Knirk — Wachholderbeerbuſch. ²⁾ Arwſlätel — Erbſchlüſſel. ³⁾ Säwlopenlaten — Sieblauſenlaſſen. ⁴⁾ Öhming iſt daſ dim. von Öhm — Öheim.

„Zehann, wat iwert sich de Mann?

Wat rönnt hei ümmer up un nedder?“

„„Se,““ seggt Zehann, „„denk Di mal bloß,

Hei seggt, de Düwel, de is los,

Un wirkt von Dag tau Dagen slimmer

Un geiht in'n brunen Kledrock rümmer.““

„Dat,“ säd min Dhm, „dat seggt de Mann?“ —

Doch wohrt't nich lang', höllt hei sin Uhr heran

Un ritt sin Mul noch wider apen

Un fröggt taum Drüdden Zehann Papen:

„Wat seggt hei nu? Sei kanzelt jo

Un springt herüm un tow't jo so?“ —

„„Sei seggt, wer nich an Bann un Späuf deiht glöwen

Un dat't up Stun'n's noch Hexen giw't,

De glöwt nich an de heilig Schriw't,

Dor stünn dat düdlich naug in schrewen.

Noch nilich hadden weck Pasturen

Dat unner'n anner ingeset't,

Wer nich den Hexenglowen hett,

De wir noch nich up't Frisch geburen,

Denn so en Minsch, dat wir kein Christ.““

„Dat Wurd hadd hei nich seggen müßt,“

Seggt Kasper Dhm un seggt Zehannen

Wat in dat Uhr un steiht tau Höcht:

„Na, wat de Herr Canndat hir seggt

Von Hexen, Späuken un von Bannen
Sett sinen Grund. Ein möt dat blot verstahn,
De Sak bet up den Grund tau gahn.“ —
„„Na,““ springt nu de Canddat in En'n
Un rinwt vergnüglich siĉ de Hän'n,
„„Da hören Sie 's! — Der brave Mann,
Der würd'ge Herr glaubt auch daran.““ —
„Wat,“ fröggt min Dhm, „wat seggt hei nu?“ —
„„Hei seggt: en würd'gen Herr wirst Du.““ —
„Dat will 'ĉ em wisen, dat id't bün.“
Un hei fängt an so tau vertellen:
„Dat kann in sößteihn Johren sin,
Dunn müßt siĉ dat taufällig stellen,
Dat id' von wegen min Gehür
Bi Dokter Krüger-Hansen wir
Tau Güsterow.
De Red', de kamm up dit un dat,
Un hei vertellt mi, dat hei vör de Stadt
En wunnerschönen Goren hadd,
De recht so in de Schuling ¹⁾ leg,
Mit Sparf ²⁾ un Win un Awt ³⁾ — man Schad,
Dat hei seindag nich wat von freg.
Hei let nu 's Nachtens dorbi wafen,

¹⁾ in de Schuling — im Schutz vor rauhen Winden.
²⁾ Sparf' — Spargel. ³⁾ Awt — Obst.

Doch as dat schüht bi so 'ne Saken,
Hadd'n irst em blot de Deiw bestahlen,
So stöhlen nu de Wächters mit,
Un dorför müßt hei s' noch betahlen;
Kort, de Geschicht würd ümmer slimmer.
Hei treckt 'ne grote Steinmur rümmer
Un denkt, dat dit em helpen fall,
Doch, leimer Gott, hei marcke ball,
Dat of de Utgaw was ümsünst.
Wat nu tau dauhn? — De Du verstunn
En Beten von de swarte Kunst,
Un wenn hei of nich heren kunn,
So kunn hei doch en beten bannen;
Hei geiht nu also för dat Dur
Un bannt linksch üm dreimal de Mur. —
Wi reden nu noch hen un her;
It säd, dat mi dat wunnern ded,
Dat hei bi sine Dokteri
Noch so'n Geschäft drew nebenbi,
Dunn ward dat buten en Geschri,
Un rinne stört't so'n Bursch von achteihn Johren
„Herr Dokter, kamen S' rut nah Ehren Goren,
Min Zochen-Brauder sitt
Un ridd
Nu sid hüt morgen hentau säben

Up Ehr verfluchte Steinmur up un dal;
De Mur, de will em los nich gewen.
Hei ridd sich dörch, der Deuwel hal!"
Na, hadd de Dokter em't of gönnt,
So was hei doch en Minschenfründ,
Un hei gung rut, un ick gung mit.
„Süh, wo hei dor herümmer ridd!"
Seggt Dokter Hansen. „Na, Patron,
Du friggst denn doch den richt'gen Lohn."
Dor satt denn nu dat Worm in Nöthen,
Bald satt hei linksch, bald rechtsch en Beten,
Un blot de Midd, de trut hei nich.
Un üm em rümmer hadden sich
Sin sauberen Gefellen funnen,
De feken ganz verdukt von unnen
Un säd'n tau sich: „Dat süll uns fehlen!
In'n Dokter-Goren nich wedder stehlen!" —
Na, Hansen gung nu dreimal rechtsch herüm
Un brummt en Spruch mit halwe Stimm,
Dunn was't vörbi, dunn höll em nick's,
Dunn was hei rute ut de Supp,
Dunn rönnt hei furt un „holl di jo nich, jo nich up."
As hadd hei Füer in de Bür.
„„Sehn Sie's,"" seggt de Cann'dat, „„sehn Sie's!
Ein bündiger Beweis ist dies:

Der würd'ge Mann, er hat es selbst gesehn,
Wie es am hellen Tag geschehn.

Nun streit mal Einer gegen Spuk un Bann!“ —

„Wat,“ fröggt min Ohm, „wat seggt de Mann?“ —

„„Hei freut sich, dat Du sülvst dat seihn,
Wo't mit dat Bannen is gescheihn.““

„Dat also,“ seggt min Ohm, „dat seggt de Mann? —

Je, ich hemw noch wat anners seihn.

Wi seten knapp tau Hus tausamen,

Dunn müßt de Bengel rinne kamen,

Un Hansen säd nu tau den Jungen:

De Sak, de is uns gaud gelungen,

Hir heft en Daler för dat Riden,

Un wil Din Büren deden liden,

Hir noch acht Gröschchen för de Bür. —

Wat seggt hei nu?“ — „„Nu seggt hei nicka.““

53. Wat einen Spizbauwen hollen kann.

„**W**a, Dins', Du heft de Hamel namen,
Gestah, min Sähn, jüs gimwt dat wat,
Eüs lat 'ck Di up den Puckel kamen,
Seggt de Stadtrichter Roggenbladd.

„„Ze, Herr,““ seggt Dins', „„dat 's all recht gaud
Mi ward man gor tau swack tau Mauth,
Mi schüddt as Feuer dörch de Knaken,
Sall 'ck nich dat Finster apen maken?
En Beten frijsche Luft, Herr Stadtgericht!““
Un as hei de Berlöwniß ¹⁾ friggt,
Makt hei dat Finster up un seggt:
„„Nu noch 'ne Prijs', denn kem 'ck t'recht,
Denn wull 'ck of Allens ingestahn,
Wo't mit dat Hamelstehlen gahn;
Ich fäuhl mi ganz gefährlich matt.““
„De fallst Du heww'n,“ seggt Roggenbladd
Un halt ut sine Tasch de Dof',
„Hir nimm Di ein un denn legg los!“
Dins' nimmt sich denn 'ne gaude Prijs'
Un geiht verlur'n, so ganz quanzwis', ²⁾
En Beten an dat Finster ran,
Un Roggenbladd, de fängt nu an:
„Stadt Punschendorf und actum den . . . —
Wat willst Du mit den Haut, min Sähn? —
Lat mi doch minen Haut dor stahn!“ —
„„De Haut,““ seggt Dins', un set't den Haut sich up,
„„De Haut, de paßt mi wunders Schön.

¹⁾ Berlöwniß — Erlaubniß. ²⁾ quanzwis' — scheinbar absichtslos.

Adjüs of, mine Herrn!““ un wupp!
Is hei behen'n ut't Finster rut,
Un de Akzeffers¹⁾ un de Richter,
De sitten binn'²⁾ mit lang' Gesicht
Un seihn as drei Delgöken ut. — —
Na, dit is gaud, uns Dins' was fläuten;
Doch würd dat gor so lang' nich wohren,
Dunn grepen em siß de Schandoren,³⁾
Dunn würd dat wedder „kufchen“ heiten.
Doch hett dat gor so lang' nich durt,
Dunn was uns' Dins' mal wedder furt,
Bet f' em taufällig wedder fregen.
Denn set hei wedder in den Drögen;
Doch würd de Tid tau lang em mal,
Denn brummt hei ut; denn kamm hei wedder
Un freg en Duzend up dat Ledder;
So gung dat ümmer up un dal,
So gung dat ümmer Dag för Dag,
As wir dat Loß en Duwenfiag. —
Mal was hei wedder rute flagen,
Dunn seggt de Richter tau den Glüter:
„Dor fall en Dunner rinne flagen!
Lat Zi den Kirl mi wedder lopen,

¹⁾ Akzeffer — Akzeffor. ²⁾ bin'n — drinnen. ³⁾ Schandoren — Gensd'armen.

Un löppt de Lus mi äw're Leyer,
Ick jag Zug furt, Zug alltauhopen;
De Lüd', de red'n jo dor all äwer."
Dill Glüter Meier treckt de Schuller
Un jeggt tau sich: vel leiwer mull 'e
Flöh häuden gahn, as Dinsjen möten;¹⁾
De würd em noch in't Unglück stöten. —
Dinj' is nu weg 'ne lange Tid;
Doch as de Winter ranne thüt,
Will't buten em nich mihr behagen,
Un as oll Glüter Meier liggt
So nah Martini in de irsten Dagen
Des Nachts un drömt von't Stadtgericht,
Wo s' mull'n em von den Posten jagen,
Dunn kloppt dor wen an't Fenster an.
„Wer is dor?“ fohrt de Glüter up.
„„Ick hün't.““ — „Wat is dat för en Ick?“
„„Ick, Dinj'. — Maak mi man wedder up.““ —
„Meinst Du, ick heww nich minen Schick?
Wo, ick jüll Di herinne laten?
För so'n Ort ward kein Dör upslaten;
Du, Hundsvott, löppst doch wedder furt.“ —
„„Ne, Meier, ne! Ick holl nu ut.““

¹⁾ möten — von etwas abhalten, zurückhalten; hier vom Durchgehen.

„Ick weit Bescheid; so lang', as't durt.“ —

„„Bohrhaftig nich! Kumm her un flut
De Dör mi up un lat mi rinner.““ —

„So, dat mi nahst mit Fru un Kinner
De Herr Stadtrichter jagen deiht.“ —

„„Ne, Meier, ne! Bi Seel un Seligkeit
Swör ick Di einen heil'gen Eid,

Ick holl Di, wat ick eben seggt.““ —

Na, unj' oll Glüter Meier steiht

Nu ut dat Bedd up: „Na kumm her!

Nu holl drei Finger mal tau Höcht,

Entsamte Spigbaum, un denn swör!“

Un Dins', de swört, un Meier lett en

Nu wedder in sin Lock herin

Un ward em Nummer „Säker“ setten. —

Des Morgens ward Gerichtsdag sin,

Un Meier kümmt tau den Stadtrichter:

„Herr, Dins', de is nu wedder fast.“ —

„„Ja,““ jeggt de, „„es ist die ewige Geschichte:

Heut haben wir den saubern Gast,

Und morgen ist er aus den Thoren!““ —

„Ne, Herr, ditmal hett hei mi't sworen,

Mit einen körperlichen Eid,

Dat hei bi uns uthollen will.“ —

„„Holl Hei sin Mul, un swig Hei still!

Hei is en Schapstopp, dat Hei't glöwen deiht.
De swört teihn Swür in einen Uthen.
Ick hadd nich glöwt, dat Hei so dämlich wir."" —
„Je, Herr, ick trug of nich sin Swür ;
Up de dauh 'ck mi of nich verlaten ;
De holl'n em nich, wenn hei utfragen will ;
Ne, Herr, ick trug blot up de Küll.“

54. Umständen verännern de Sat.

Wör ungefihr so'n twintig Sommern,
Dunn brus't en Stormwind dörch dat Land
Un ret in Mecklenborg un Pommern
Wat fast nich stunn, ut Rand un Band.
De Eiken knickten un de Bäumen ;
Doch was't as ded Musch Püsterich
Wör Allen sid dat wacklig Tüg
Von olle Schüns ¹⁾ un Schapstall säufen.
De smet hei richtig üm, un wenn s'
Schön stüt't of wir'n. Of in Striden s'

¹⁾ Schüns — Scheuren.

Smet hei den ollen Schapstall dal,
Un all de armen Schap taumal,
De müßten d'rin begraben warden —
För Heidemann en groten Schaden!
Blot de oll Scheper hadd sich reddt. —
Na, as dat Weder sich hadd set't,
Seggt Heidemann tau sinen Scheper:
„Heww ich Di dat nich immer seggt,
Wenn sich dat tau en Stormwind leggt,
Süllst Du de Schap mi rute driven,
Dat oll Gebäud', dat fel uns üm?“ —
„„Je, Herr, ich dacht, dat würd nich schlimm;
Ich dacht, 't oll Ding würd stahn woll bliwen.““ —
„Du büßt doch sülwen rute lopen?“ —
„„Je, Herr, ich dacht, dat schöt tauhoren.““

55. 'Ne Geschicht' von minen ollen Fründ Rein

Min oll Fründ Rein was mal tau Ludwigslust
As Cannedat. — Nu hett hei just
In sinen braven, leimen Lewen
Nicht vel up schöne Kleidung gewen:

En grijen Rock, 'ne grije Bür,
En grij' Gesicht, doch't Hart noch jung,
Dat was sin Up- un Neddersprung ¹⁾
Wenn hei sich mal eins smet in Wichs;
Doch wer em richtig kennt', de trock
De Müß för sinen grijen Rock
Un vör sin grijes Angesicht;
Denn dat oll dämlich Sprüchwurt lüggt:
De Rock maht nümmermih den Mann,
As ick dörch em bewisen kann. —
Na, einmal gung hei nah Kabbellen,
Sick's Abends dor wat tau vertellen
Un in en muntern lust'gen Swarm
En Seidel Bir tortau tau drinken,
Denn dunn ded'n mit den langen Arm
Em noch de ollen Kneipen winken.
Den Abend äwer was dat still,
Denn blot so'n Worm von Cannedat,
De't Seminar besäufen füll,
Dat is de ganze Wirthshusstat.
Den Cannedaten ward de Tid
Of lang, un durt nich lang', so tüht
Hei sich nah Rein en neger ran

¹⁾ Up- un Nedder-Sprung — sein Ein und Alles.

Un fängt mit em tau snacken an,
Un red em an „min leiwe Fründ,“
Un fröggt up Plattdütsch em: „Wer sünd
Sei, Fründting, wenn ic̄ fragen darw?“ —
Na, Rein . . . en fettelt dit nu heil,
„„Ic̄,““ seggt hei, „„bün hi Bäcker Breul
Gesell un drin dor min Gewarw.““ —
Na, de Canndat, de will sic̄ maken,
Hett hei taurst blot plattdütsch spraken,
So geht er nun ins Hochdeutich über
Un nennt den Annern nu: „mein Lieber.“
Un Rein . . . , de antwurt't hochdütsch wedder.
Na, den Canndaten wunnert dit,
Dat Rein . . . dat kann, un hei treckt mit
Latinsche Brocken von dat Ledder,
Blot, dat de Burß doch marken fall,
Dat sine „Wissenschaftlichkeit“
Hoch äwer't Bäckerhandwarf steiht.
Doch wat geschüht? Dat wohrt nich lang',
Dunn bröckelt Rein . . . Latinsch of mang,
Un dat nich för de Langewil:
Redt von Horaz un von Virgil
Un von den oll'n Terenz nich minner,
Als wir'n de drei sin Annerbäulkenfinner ¹⁾

¹⁾ Annerbäulkenfinner — Wetteren im zweiten Grade.

As hadd hei f' ümmer helpen müßt,
Wenn Ein von ehr sin Lex¹⁾ nich wüßt. —
De Cannedat, de fickt un hört;
Denn orndlich gruglich för em wir't,
Dat so en Deigap²⁾ wüßt Bescheid,
Wat in Horazen un Virgilen steiht.
„Merkwürdig,“ seggt 'e, „sehr! mein Lieber,
Ich muß gestehn, ich wund're mich darüber,
Daß Sie“
„„Min Tid,““ seggt Rein „„is nu vörbi,
Wi können späder wider reden,
Ick möt nu hen un Stuten kneden.““
Un nimmt sin Mütz un seggt „„Adjü!““ —
De Cannedat, de kümmt den annern Morg'n
Tau sin Kamm'rad'n, de in't Seminar
Tau't Schaulholl'n dor sünd inpaukt word'n,
Un weit nu naug nich tau vertellen,
Wo dat hei gisteren bi Kabbellen
En ganz gewöhnlichen Deigapen
Taufällig in de Wirthsstuw drapen;
„Wenn ich's erzähl', Sie sagen: 's ist nicht wahr,
Denn, denken Sie, der Mensch, der sprach Latein;
Die Bildung muß durch hies'ges Seminar

¹⁾ Lex — Lection, Aufgabe in der Schule. ²⁾ Deigap
— Deigaffe.

Gewaltig vorgeschritten sein.“

Un nu beschriwwt hei denn den Gast,

Na, lacht denn nu hell up de Gin:

„„Zã wedd dorup, dat was Fründ Rein....““

„Ja,“ lachen i' All, „Fründ Rein...., de was't!“

Un as em dat verflort nu ward,

Dat hei taum Besten hollen wir,

Dunn seggt de Cannedat: „Na, wart'!

Ob ich mich nicht mal revangir'?“ — —

Den Nahmiddag teihn hümpelwis

De Ludwigsluster tau'n Kanal;

Dat is so'n speigelblankes Zs.

Un Allens flitscht dor up un dal.

Of in den grisen Rock Fründ Rein....,

De stakt ¹⁾ dor rüm mit sine langen Bein

Un löppt dor Schritschau, ²⁾ dat't so pufft,

Sin Haken-Näs' hoch in de Luft.

Kum hett em de Kann'dat dor seihn,

Dunn rönnt hei piplings ³⁾ up em in:

„War'n Sie nicht gestern bei Rabell?

Und sind Sie nicht ein Bäckergefell?

¹⁾ stakt. Vom Einhereschreiten auf langen, dünnen Beinen gebraucht. ²⁾ Schritschau — Schlittschuh. ³⁾ piplings wird eigentlich von Flüssigkeiten gebraucht, die in einem dünnen Strahl mausgejezt laufen.

Nun sag'n Sie mal, wer ich woll bin?"

„„Se,““ seggt uns' Nein...., „„wat füll'n Sei sin?
So'n Zhrenkannedat villicht?““

„Nein, lieber Freund, das bin ich nicht,
Ich bin ein richt'ger Schneidergesell.“ —

„„Dat dacht ick mi,““ seggt uns' Fründ Nein....
Un swenkt links af mit sine langen Bein,
„„Dat heww 't Sei gistern glif anseihn.““

56. De Sokratische Method'.

De Schaulrath Is ut Zrenstein,
De füll de Schaulen mal nahseihn
Un kamm denn of nah Dhserin
Tau den Schaulmeister Rosengräun.
Na, nu ward grot Examen sin.
De oll Schaulmeister hett in Röthen
Un sibr in Angst un Bangen seten!
Doch helpt't em nich, hei möt heran
Un wisen, wat hei libren kann.
Dat deiht hei nu, un kolle Sweit ¹⁾

¹⁾ kolle Sweit — kalter Schweiß.

Deiht em von dat Gesicht 'raf lecken.
Denn wat hei sünst so prächtig weit,
Dat is hüt Allens in de Hecken,
Un de verdammten Junges, de weiten nix,
Un unse gaud Herr Schaulrath Jr,
De sitt so vörnehm un so still
In sinen Lehnstaul achteräwer leggt,
As wenn hei All'ns sich marken will,
Wat hir vör dummes Tüg ward seggt.
Doch gung dat beter, as hei dacht,
Denn de Herr Schaulrath hadd vergangen Nacht
Ganz prächtig rauht,
Of gaud verdaut,
Sin Unnerliw was in de Reih,
Un frühstückt hadd hei hüt vör twei.
Hei seggt denn also blot: „Mein lieber Freund,
Sie unterrichten noch nach alter Mode:
Warum nicht nach Sokratischer Methode?“
„„Ich weiß nicht, woans diese seind,““ —
Seggt Rosengräun, „„wenn Sie's mich weisen wollen
Denn will ich gerne Schul nah hollen.““ —
„Nichts leichter ist als das.
Komm her, mein Sohn, un sag' mal, was
Ist das wohl für ein kleines Flüschen,
Das dicht hier fließt am Dorf vorbei?

Nun, nun! Besinne Dich ein Bißchen!
Du weißt es nicht? — Nur keine Scheu! —
Nun sag' mal, wenn man Böses hat gethan,
Was muß man später dafür leiden?
Du, meine Tochter! Bu... Bu? Wer weiß es von
Euch Beiden?"

„Denn thun wir Buße,“ seggt Fik Thran.
„Ganz richtig! Und statt „Buße“ sagt ihr „Busse“,
Denn habt den Namen Ihr vom Flusse. —
In welchen Fluß fällt nun die Busse?
Nun, Kinder, nun! Besinnt Euch wieder!
Was fällt wohl All's vom Himmel nieder?
Nun? — „Regen.“ — „Weiter!“ — „„Snei.““ —
„Was weiter?“ — „„Daf?““¹⁾
„Was weiter sonst?“ — „„Ich weit't,““ seggt Hanne Knaf.
„Nun denn, mein Söhnchen!“ — „„Hagel.““ — „Recht!
Und wenn Ihr nun statt „Hagel“ „Havel“ sprecht,
So habt Ihr's ja heraus, Ihr findet
Den Fluß, in den die Busse mündet.
Und nun die Havel! Sagt, wie ist ihr Lauf?
Und welcher Fluß nimmt wohl die Havel auf? —
Nun? Nun? — Ihr werd't ihn sicher kennen. —
Wer kann von Euch den Fluß mir nennen? —

¹⁾ Daf — Thau, Nebel.

Nicht? — Nun, denn tret mal Einer vor, Ihr Lieben,
Damit ich auf den Weg ihm helfe;

Nun zähle mal!“ — „Eins, zwei, drei, vier, fünf,
sechs, sieben.““ —

„Nun weiter!“ — „„Achte, neune, zehne, elfe.““ —

„Halt an! Statt „elfe“ saget Ihr nun „Elbe“;
Ihr seht, es ist beinah dasselbe. —

Nun aber . . .“ — „„Herr,““ seggt Rosengrün,

„„Dies Stück hätt ich Sie schon affeihn,¹⁾

Das könnt ich auch. Wenn Sie das wollen,

Denn müggst id' woll 'ne Praum afhollen.““

„Ja wohl, ja wohl, mein lieber Freund,

Das würd' mich ganz besonders freu'n.“

„„Na, denn man zu!““ seggt Rosengrün.

„„Da wir nun bei der Elbe seind,

So woll'n wir sehn, wo selbe bleibt;

In's Erst²⁾ geht sie nach Hamborg ran,

Wo sie sehr starke Schiffohrt treibt,

Un wo man wieder sehen kann,

Wie weise Gott es ingerichtet hat,

Daß bei 'ner jeden großen Stadt

Ein großer Fluß fließt auch vorbei,

Damit die Schiffohrt möglich sei.

¹⁾ affeihn — abgesehen. ²⁾ in's Erst — zuerst.

Nu sag' mich aber, Jochen Plasten,
Wo bleibt nu woll die Elbe nahsten,
Wo mündet sich die Elbe rein? —
Dat weißt Du nich? Na, Körling Heinz,
Komm Du mal her, un zähl mal eins!"" —
„Eins, zwei, drei, vier, fünf, sechs, sieben, acht, neun,
Zehn, elf, zwölf.“ — „„Halt!"" seggt Rosengrün,
„„Wo mündet nun die Elbe rein?
Fällt Keinem denn der Name ein? —
Nun, 's ist doch so'ne leichte Sach'!
Denkt doch bei „Zwölfe“ etwas nach!
„Zwölf“ — „zwölfe!“ — Thut's Euch überleggen! —
Seid Ihr denn Alle in den Däj'?¹⁾
Da stehn sie nu, die Dämelklä'! —
Stats „zwölfe“ müßt Ihr „Nordsee“ seggen.““

57. Schön Dank!

In Drömsacht lewt vör Johr un Dag
En Kopmann Bäuf; was of Ökonomus
Dor bi de Kirch, dat hei nah'n Rechten sach.

¹⁾ in den Däj' jin — in dummer Gedankenlosigkeit b:
fangen sein.

Doch nennt kein Deuwel em „Ökonomus“,
Kamm Bur un Börger bi em taum Besäuf,
Denn säden s': „Morg'n! Herr Komes Bäuf!“ —
Unf' Komes Bäuf bedrew of Ackeri,
Un wil sin Hofrum knapp man wesen ded,
Führt hei sin Wagens för sin Dör
Up apen Markt un let s' dor stahn.
Dat wull'n sei eig'ntlich nich recht liden,
Doch in de ollen gauden Tiden
Hett Nümms¹⁾ em dorüm grot wat dahn,
Denn wenn de Herr'n von'n Magistrat
Des Abends von den Keller kemen,
Denn gung'n sei 'ne ganz anner Strat,
Wo sei meindag nich Schaden nemen,
De Knipers kregen ehren Snaps
Un nemen't denn nich so genau
Un deden hübsch de Dgen tau,
Un lep en annern dummen Taps
Des Abends up den Distel²⁾ rup,
Denn säd unf' Komes Bäuf: „Dauh hei de Dgen up!“ —
Nu is't in Drömsacht anners word'n:
Mit Fuhrwerk un mit Wagens is dat dull,
De stahn nu unner streng Kuntrull,³⁾

¹⁾ Nümms — Niemand. ²⁾ Distel — Deichsel. ³⁾ Kuntrull — controle.

Nu ward'n an jeden Sünndagsmorg'n
De Straten spunnt¹⁾ mit Stricken un mit Reden,²⁾
Dormit de Framen können beden,
Dormit ehr jo bileiw nicks stürt;
Un wenn wer Frömds hendörch passirt,
De möt denn dörch dat Eheperhörn
Un dörch de Arm- un Bein-Strat führ'n.
't is beter, dat ein Arm un Bein riskirt,
As dat sin Zammern äwer'n slichten Damm
Un sin Gestähn so'n säutes Gotteslamm
In sine frame Andacht stürt. — —
Na, as id seggt, dunn süll dat ok nich sin,
Dat Nachts en Wagen för de Dören stünn;
Un, as id seggt, was't mal gescheihn,
Bi Komes Bäuf würd dörch de Fingern seihn. —
Na, einmal 's Winterabends lat
Geiht Unkel Rühl — wer hett em kennt? —
Gelgeiter³⁾ Rühl, dor ut de Achterstrat —
Ward Unkel Rühl dor rümmer bistern⁴⁾
Un torfelt up den Mark herüm un rönnt
Up einen Distel los in'n Düstern
Vör Komes Bäufen sine Dör.

¹⁾ spunnt — eigentlich gespundet, hier — gesperret. ²⁾ Reden — Ketten. ³⁾ Gelgeiter — Gelbgießer. ⁴⁾ bistern — irgehen.

Sei wringt¹⁾ sich irst nu hen un her
Un riwot un drückt un kned't de Mag',
Doch endlich geht hei in den Laden,
Un seggt: „Herr Komes Bäuf, id' bün
Sihr in Verlegenheit üm eine Sag',
So'n oll lütt Handsag' blot — up ein Minut;
Ick bring' Sei s' glifsten wedder rin.“
Sei frigt de Sag' un geht nu rut,
Un as't en Beten her deiht sin,
Dunn kümmt hei rinne in de Dör
Un flegt wat Sweres achter her:
„So, Herr, hir is de Sag of wedder,
Un hir legg id' den Distel nedder,
Den kän S' as Kaffeeholt verbrennen:
Nu kann doch kein mihr mit sin Mag'
Up den verdammten Distel rönnen.
Adjüs! Schön Dank of för de Sag'!“

¹⁾ wringt — ringt; hier — krümmt.

58. Wat All' in so'n Stadtreknung steiht.

In Dütſchland gaw't mal eins 'ne ſchnakſche Tid,
Binah ſo ſnurrig, as wi hüt,
As ſei mal up de Demagogen
As ſünſt up Böß un Haſen jogen.
En Jeder, de en Snurrbort drog
Un ſick 'ne wide Bür antog,
En Ziegenhainer in de Hand
Un üm de Mütz en bunten Rand
Un drog en beten länger Hor,
Dat was en Sand.
Un de en Poſten hadd as Aktuor,
Durschriwer, Amtsprotokollift,
De glöw't, dat hei d'ran glöwen müßt,
Dat em dat Metz flünn an de Kehl,
Dat s' em vör Allen up den Riker hadden,
Un dat hei up beſonderen Befehl
Von de geheime Oberdemagogencumpani
Ganz in de Still ſüll afmurkſt warden,
Un höll ſick vör en Kozebue.
De Herrn, de wull'n ehr Hut ſick wohren
Un grepen Allens up mit langen Horen,
Mit Ziegenhainer un mit bunte Mützen,

Mit Snurrbort un mit wide Büxen,
Un hadd'n j' so'n armen Burßen fat't,
Denn würd hei glif von wegen „den Conat
Zum constatirten Hochverrath“
In't irste, beste Loß herinne spunnt,
Glikvel, ob fucht un ungesund.
Na, Männigein, de kam dor up den Hund,
Un Männigein gung of koppheister. — —
Tau Trippniß of de Herr Burmeister —
Des' nich, dat ded de anner wesen —
Hadd vel von Demagogen lesen
Un höll de Näs' hoch in de Luft
Un snüffelt Demagogen-Duft
Un seggt tau sinen Kniper: „Kneifer,
Ihm fehlt der patriot'sche Eifer.
In jeder kleinen Stadt hat man schon einen
Von den verdammten Demagogen,
So viel ich weiß, in's Trockene gezogen,
Und wir in Trippniß haben Keinen!
Das darf nicht sein, es muß der Staat
Sehn, daß der hies'ge Magistrat,
So gut wie Einer, einen hat,
Und darum, Kneifer, greif Er einen.“
De Kniper geht un snüffelt of
Un nah 'ne Stun'n kümmt hei taurügg.

„Herr,“ seggt hei, „bi den Gastwirth Smaß,
Dor sitzt so'n Demagogerich.“ —

„Hat er en Bart?“ — „Ja, Herr! den hätt er,
Un as en wahr'n Brandstifter lett er.“ —

„Sein Haar?“ — „Bis auf die Schultern run.“ —

„Ja, ja, ich hoff, das ist woll Giner!

Wie war es mit dem Ziegenhainer?“ —

„Ja, Herr, ich glaub', sein Stock, der stunn
Woll in der Eck; er hätt da keinen.“ —

„Wie war die Hof' an seinen Beinen? —

Hier, Kneifer, richtig aufgepaßt!

Denn an der Beinbekleidung können

Wir seine Art am sichersten erkennen.“ —

„Je, swarzen Sammtmanschester was't,

Als Rathsherr Schulden seine Sünndagsjack,

Un weit as en Sößschepelsjack,

Un'n Mez hett er all in der Hand.“ —

„Natürlich, ja! das ist so'n zweiter Sand!

So ziehn sie aus von Land zu Land

Auf den Befehl von dem geheimen Orden,

Die Fürstendiener zu ermorden.

Auf, Kneifer, auf! Nun, Kneifer, greif Er

Mir schnell den Kerl! Nehm Er den Scheerenschleifer

Un den Gefellen von dem Nagelschmidt

Sich als Succurs für alle Fälle mit

Un bring' Er mir den Burschen ran."
De Kniper geht un nah 'ne Birtelstun'n
Bringt hei den Kirl. Von baben bet nah un'n
Kickt de Burmeister nu den Burßen an,
As so'n Burmeister kiken kann,
Un kümmt em glifsten hellich verdwas:
„Sie sind,“ seggt hei, „ein Demagog;
Heraus, mein Herr, mit Ihrem Paß!“ —
De Frömd, de antwurt't nich un tog
Den Paß herut un gamw em den'n.
De Herr Burmeister kickt herin:
„Hieraus sind Sie nicht zu erken'n,
Signalement thut gar nich passen!
Ihr großer Bart steht nicht darin.“ —
„Den hab ich später wachsen lassen.“ —
„Nu kik den Kirl!“ seggt Kniper Kneifer,
„Höllt hei sin Mul nich, ward 'd em rute lüchten.“¹⁾ —
„Halt, Kneifer, zähm' Er seinen Eifer!
Kauschmeißen hört zu meinen Pflichten. —
Sie, Herr, Sie sind ein Demagog,
Sie sind“ — un nam de Fust un flog
Eins up den Disch —, „ein zweiter Sand!“

¹⁾ rute lüchten, eigentlich hinausleuchten, d. h. hinaus-
schmeißen.

„Erlauben Sie, ein reisender Commis
Und bin hier in der Stadt bekannt.“ —
„Nicht räsonnirt! Herr, schweigen Sie.“ —
„Ja lat Sei süs,“ seggt Kniper Kneifer,
Wenn Sei noch mal dat Mul upriten,
Von'n Herrn Burmeister rute smiten.“ —
„Still, Kneifer! Geh Er raus und greif Er
Uns mal so'n Burschen von Barbierer.“ —
De Kniper bringt so'n Burschen ran.
„Komm Er mal her, mein lieber Mann,
Nehm Er den Menschen mal, un schmier Er
Mit Seif ihn ein, und dann rasir Er
Mir mal ganz kahl den Volksverführer.“ —
De wehrt sich denn nu, wat hei kann,
Dat helpt em nicks,
De Kniper frigg em bi de Bür,
De Schirensliiper
Helpt den Kniper,
De olle Nagelsmidtsgefell,
De höllt em wiß up sine Stell,
Un „swutsch“ un „swutsch“
Smitt em de Bengel von Barbutsch
Den Sepschum¹⁾ rinne in't Gesicht,

¹⁾ Sepschum — Seifenschaum.

Un „rutsch“ un „rutsch“
Herunne flüggt
Up eine ganz behenne Ort
De schöne Demagogenbort. —
Kum is hei run, dunn stört't herin
De Kopmann Lisch: „Herr Gott, ick bün
Doch woll hir all tau spääd nich kamen?
Un as hei't süht, sleiht hei de Hän'u tausamen;
„Herr,“ seggt hei, „Herr, was machen Sie?
Was machen Sie in Himmels Namen?
Dies ist ein reisender Commis
Aus Stralsund, Joseph Dünnbier heißt er,
Ein Mann, grad' wie ein Lamm so zahm,
Dem machen Sie hier solchen Blam:
Was machen Sie, Herr Bürgermeister?“
Un Joseph Dünnbier steiht nu dor,
Wäuhlt mit de Hand in't lange Hor:
„Ha, Rache,“ seggt hei, „schwör ich Dir!
Ich schwör's, ich, Joseph Dünnebier!“
Un geiht herute ut de Dör,
Un Kopmann Lisch geiht achter her,
Un achter den'n geiht de Barbir,
De Smidtgefell un denn de Schirensliper. —
De Herr Burmeister fickt den Kniper,
De Kniper den Burmeister an:

„„Herr, dit was woll kein Demagog;
Dat schint, dit was en Handelsmann.““

„Ja, Kneifer,“ seggt sin Herr un tog
Bir Gröschen ut de Westentasch,

„Er war in diesem Fall zu rasch:
Nach diesem, Kneifer, sei Er schlau!“ —

„„Kein Bom fällt up den irsten Hau,““
Seggt em de Kniper, „„täuwen S' man,
Ich flep sei bald en Annern ran.““

„Nein, Kneifer, — hört er? — Greif Er Keinen,
Ich hab' die Demagojen dick.“

Un gimwt em dat Birgröschenstück:

„Da, lieber Kneifer, pfeif' Er Einen!

Red' Er im Publikum nicht d'rüber,

Wir haben sonst Verdruß, mein Lieber!“ — --

Na, dat is gaud; de Tid vergeiht,

Bet Wihnacht vör de Dören steiht,

Dunn kümmt en Breiw mit de Stralsunder Post,

De an fiw Daler Börschuß kost't,

Denn eine Schachtel is dorbi,

Un Breiw un Schachtel sünd nich fri.

De Herr Burmeister, de is ut,

Un Fru Burmeistern seggt tau sich:

„Das ist gewiß der neue Hut,

Den mein lieb Männing hat für mich

Zu Weihnacht in Stralsund bestellt,
Den löse ich natürlich ein. —
Hier, lieber Freund, hier ist das Geld. —
Was wird das für ein Jubel sein!
Wie wird mein liebes Männing lachen!
Wie wird er auf die Augen reißen!
Denn will ich mir dies Späßchen machen
Und das Geschenk, für mich bestimmt,
Heut Abend ihm zum Zulflapp schmeißen.“ —
Na, as de Herr Burmeister kümmt,
Dunn ward'n de Dannenbööm anstickt,¹⁾
De Zulflapps warden rinne smeten
Un warden Ein taum Annern schickt,
Un de Verpackung runne reten;
Un Allens steiht un lacht un lickt,
Un Allens is so wollgemaud:
Dunn kümmt de Schachtel mit den Haut:
„Dem Herren Bürgermeister Z.“
Un lachten s' irst, denn lachten s' nu irst recht,
Denn sine leiwe Fru, de hett
De Annern von den Spaß all seggt.
De Herr Burmeister nimmt de Schachtel

¹⁾ anstickt — angesteckt. Diese Form „sticken“ wird nur von Feuer gebraucht, sonst lautet sie „stecken“.

Un is so lustig as 'ne Wachtel
Un böhrt s' tau Höchten: „Wie mich deucht
Ist dies Geschenk ein wenig leicht;
Da ist am Ende gar nichts drin.
Wer sollt', ich ahn es nicht von Weitem,
'Ne Überraschung mir bereiten?“
Ja, raupen s' All, dor wir wat in.
De Herr Burmeister lös't den Band
Un maht noch Wiße allerhand,
As Allens üm em rümmer stunn,
Un as hei böhrt den Deckel run,
Dunn würd hei wider nick's gewohr,
As luter Hor un Hor un Hor,
Un sine leiwe Fru, de stünn
Dor likster Welt, as Botter an de Sünne,
De nige Haut was in de Wicken.
Doch Herr Burmeister freut sich sühr:
„Mein liebes Kind, dies dank ich Dir,
Dies ist wohl eine von den neu'n Perrücken,
Den Gummi-Elastics, mein Kind,
Die mir so angepriesen sind?“ —
„„Nein, nein! Dies ist ja keine P'rücke!
Dies sind ja lauter kleine Stücke!““
Un langt herin un halt s' hervor:

Wohrhaftig, ja, 't sünd lute Bör! ¹⁾
Von allerlei verflucht Kalüren;
Weck brun, weck swart, weck vossig ²⁾ wiren;
Un all von 'ne verschiedne Ort:
Dor was en richt'gen Judenbort,
En Knebelbort von so'n Majuren,
En Backenbort bet acht're Uhren,
En Leutnantsbort, as Dunen zort,
En Snurrwicks un en Wallenstein,
Of Proppentrecker sünd tau seihn;
Un of en Breitw, de liggt dorbi:

„Geehrter Herr!

Entschuldigen Sie,

Wenn ich mit dieser Zuschrift Sie beschwere.
Bei meinem letzten Aufenthalt
In Ihrer Stadt ward mir im Polizei-Berhöre
Der Bart geschoren mit Gewalt.
Da Sie an meinen Einspruch sich nicht kehrten
Und, was ich einwand, schlugen in den Wind,
So schloß ich d'raus, daß Sie ein Freund von Bärten,
Villeicht gar Sammler deren sind.
Im hies'gen Heiligen-Christ-Berein,
Gestiftet, kleine Kinder zu erfreu'n,

¹⁾ Bör, plur. von Bart — Bärte. ²⁾ vossig — fuchsig.
Läufchen un Rimels II.

Kam auch die Red' von Euer Wohlgeboren
Und wie Sie freundlichst mich geschoren,
Und ob Sie wegen Ihrer Kindereien
Den Kindern etwa zuzuzählen seien.
Man gab dies zu und sagte, es gehörte
Sich so, daß ich dem lieben Kinde,
Daß mir den Bart einst runter scheerte,
Zum frohen Weihnachts-Angebilde,
Wenn ich mich revangiren wollte,
Auch Bärte heut' bescheeren sollte.
Daß thu ich denn hiemit
Und bitt,
Zugleich den Nagelschmidt,
Den braven Scheerenschleifer,
Vor All'n jedoch den Kniper Kneifer
Zu grüßen, Werthester, von mir —
Straljund — ergebenst Dünnebier.

Nachschrift:

Wenn Sie sich mal das Späßchen machen sollten
Und eine oder andre Art
Von diesen Bärten selber tragen wollten,
Zum Beispiel mal den Demagogenbart,
So nehmen Sie ein wenig Kleister" — —
„„Verfluchte Kirl!““ röppt de Burmeister

Un ritt den Breim in dusend Stücken,
„„Kümmst du mir hir mal wedder her!
Lettst du di hir mal wedder blicken!““
Un rönnt herute ut de Dör.

Dit Stückchen wir nu woll tau Gn'n
Un Kein hadd dorvon wat erföhren,
Wenn nich de Düwel fine Hän'n
Hadd allentwegen mang. — Nach ein'gen Johren
Kam nah unſ' Stadt 'ne Kommiſchon,
Dat sei dor mal eins revidirt,
„Weil leider dorten öfter schon
Unregelmäßigkeiten sei'n paſſirt
Und Fehler in der Rechnung sei'n entdeckt,“ —
In Preußen segg'n ſ' dortau „Confect“, —
Na, dese Kommiſchon, de fün'n
In de Stadtrechnung of en Posten:
„Für eine Schachtel an Postvorſchuß-Kosten,
Wo die verdammten Bärte waren drin,
Fünf Thaler.“ — „„Ih, wat ſüll dat ſin? —
Kaupt Kniper Kneifern mal herin!““
De ward nu kräftig inquireert,
Un dese Böjewicht, de wir't,
De het't vertellt; ſo 's't rute kamen.
Un unſe Kommiſchon, de ſleit

De Hän'n un Arm un Bein tausamen:
„Nu bidd ic' Zug in Gottes Namen,
Wat All' in so'n Stadtrekning steiht!“

59. De Afsunft.¹⁾

De Fisch, de wull'n en König wählen.
Se, wer süll't sin?
Na, wer am fyrsten swimmen künn,
De süll von nu an König spelen
Un in de Ostsee cummandiren.
Sei sünd denn nu of alltausamen
Heranne treckt von nah un firn,
Ut Bäk un Strom un Landsee kamen
Tau de, de in de See all wir'n.
Dat Mal würd prickt²⁾ entlang den Strand
Von Travemün'n bet Warnemün'n,
Un an de beiden En'n dor stün'n
De Wils³⁾ un Dösch⁴⁾ mit Fahnen in de Hand,
Denn de würd'n dor as Richters stahn,
Dat All'ns mit Rechten tau süll gahn.

¹⁾ Afsunft — Meid. ²⁾ pricken, en Pricken inslahn —
durch einen Pfahl, einen Stecken, einen Punkt bezeichnen.
³⁾ Wils — Wels. ⁴⁾ Dösch — Dorisch.

De Fohrt geiht los, los geiht de Jagd,
Wo hett dat Volk sick afmaracht!
Dat jappt un snappt un swabt un spaddelt¹⁾
Mit Keim un Mul, mit Start un Flott,
Un Männigein hett — leiwer Gott! —
Sick richtig bet tau Dod afmaddelt.²⁾
So kamen s' gegen Dobberan,
Dunn is dat dörch ehr püstig³⁾ Reih'n
Denn hen un her mit Fragen gahn:
„Wer is nu vör?“ fröggt irst de Ein.
„Wer is nu vör?“ fröggt All's taujamen. —
„„De Hiring!““ röppt't von Bören her,
„„De Hiring hett de Spiz uns namen!
De Hiring! Hiring! De is vör!
Mit den'n kümmt hüt kein Deuwel mit.““ —
„De nackte⁴⁾ Hiring!“ seggt de Bütt,
Un tog ehr leiwes Mul verquer,
„De nackte Hiring! De is vör!
Nu sik doch mal!“
Un tog ehr leiwes Mul vör Afgunst dal.
Dunn stödd de Bedkloß tau Dobb'ran,
Dunn blew dat Mul ehr schein bestahn.

¹⁾ spaddeln — mit Anstrengung und ohne Erfolg die Glieder rühren. ²⁾ afmaddeln — abmatten. ³⁾ püstig — athemlos. ⁴⁾ nackt — nackend, daher auch arm, unbedeutend.

60. En Rodd möt dorbi äwrig sin.

De oll Schipper Bradenal,
De führt för Kopmann Bolzendalen
Von Kostock oft nah Fehmern dal
Um Lützen, Speck un Botter dor tau halen,
Un andere Vertehrungsmiddel.
De Du, de drog en slichten Kittel,
Denn sin Berdeinst, de was man swack;
Un was sin Utkunft ¹⁾ of man spirlich,
Hei was doch ümmer tru un ihrlich,
Kein was sin Hand, un rein sin Tack.
„Je,“ seggt denn mal ein von sin Frün'n,
„Du deihst wohrhastig wohre Sün'n
An Di un an Din Fru un Kinner.
Schriw doch en Rodd dor mal mit rinner
Mang all de Botter un den Speck!
De Kopmann hett allein Gewinn,
Du arbeitst för en puren Dreck:
En Rodd möt dorbi äwrig sin.“ —
Hei markt sich dit. — Dat negste Mal
Kümmt hei taum Kopmann Bolzendal
Un reikt em sine Reknung in.

¹⁾ Utkunft — Auskommen.

De Kopmann fickt de Reknung nah;
Sei stimmt: „Ja,“ seggt hei, „ja!
Sei 's richtig. Üwer dese Posten?
För 'n nigen Kock, de fall twölf Daler kosten?
Wo kümmt de nige Kock hir rin?“ —

„„Se,““ seggt nu uns' oll Bradenal,
„„Sei segg'n jo All', Herr Bolzendal,
En Kock möt dorbi äwrig sin.““ —

„Wat hir, wat dor!“ seggt Bolzendal,
„So lüdt ¹⁾ bi mi hir nich de Klock!“

Un strickt den All'n — der Deuwel hal! —
Dwas dörch den schönen, nigen Kock. — —
De All, de geiht; sin Fründ, de trifft en
Des Abends in en Gastlokal:

„„Gut Abend, Zochen Bradenal!
Na, wo güng't denn mit Din Geschäften?““ —
Se, dor kamm 'ck in Berlegenheiten.

Denn von den Kock wull hei nicks weiten,
Den wull hei mi nich mit bereken,
Den hett hei glatt mi rute streken.“

„„Wo? Di mag jo de Düwel plagen!
Hest Du den düdlich rinne set't?““ —

„Ja, in de Reknung heww 'ck en dragen

¹⁾ lüdt — läutet.

Un heww em up twölw Daler schät't."
„Se, ja! je, ja! Kennst Du nich Bolzendalen?
De Ort, de ward Di schön bi „Schätten“,
De ward vör Di en Roß betahlen!
Ne, mang de Botter möß't Du'n setten,
Du mößt em in de Botter steken
So Ein in't Anner;
In'n Bogen ¹⁾ mößt Du em bereken.““
Un set't sich an den Ollen ranne
Un ward mit em mal düdlich spreken.
„Versteihst mi nu?““ — „Ja, ich verstah.“ —
„Na, Bradenal, denn dauh dornah!““ — —
De Oll, de geiht un führt denn wedder,
Bel kläufer maht, nah Fehmern nedder
Un kümmt taurügg un reikt sin Reknung in.
De Kopmann nimmt s' un lacht un fröggt:
Ob wedder of en Roß d'rin stünn?
Dunn lacht oll Bradenal un seggt:
„Ja, Herr, de steiht dor wedder in,
Un'n Roß möt dorbi äwrig sin.
Doch ditmal kän'n Sei lang naug reken;
Sack heww em in de Botter steken.“

¹⁾ in'n Bogen reken — in Bausch und Bogen rechnen.

61. De Hauptsak.

Herr Moriz Gimpel kam nah Stuer,
Dor was sin Blümchen in de Waterkur,
Un seggt tau Kahlen — dunu was Kahl
Dor Dokter bi de Waterpump
Un heilt Herrn Moriz sin Gemahl
Mit Venusgürtel, natten Strump,
Mit Regenbäder un mit Duschen,
Mit käulen Drunk von haben bet nah un'n;
Of müßt schön Blümchen männig Stun'n
In so'n verdammtes Sigbad kuschen, —
Un seggt tau Kahl'n: „Herr Dokter,“ seggt 'e,
„In eine Nothjach' bin ich hier,
In der ich wohl das Blümchen sprechen möchte:
Was noch ein Bruder is von ihr,
Der Mausese, der is todt.“ —
Se, seggt nu Kahl, wenn't hadd so grote Noth,
Denn müßt dat sin, denn künn hei dat nich hinnern,
Hei süll de Uverraschung äwerst minnern,
Hei süll ehr't nah un nah bibringen;
De ganze Cur künn süs mißlingen,
Denn Blümchen wir sid gistern Morg'n
Tau sine Freud sihr elend word'n

Un tau de Freud' von Jedermann
Füng sei all an tau duften an:
„Das nen'n wir „Krisis,“ wir Doktoren,
Un was 'ne Krisis is, Herr Moriz Gimpel,
Das weiß in Stuer jeder Gimpel.“
Na, Moriz Gimpel ward von Kahl
Herinner nödigt in den Sal,
Dor sitt sin Blümchen blaß un welf
Un stippt en Stuten in de Melf
Un fohrt tau Höcht: „„Nu, Gimpelche, wos is?
Zu Haus' is wos pessirt gewiß.““ —
„Was füll da gepessirt denn sein? —
Pessiren? — Nu, pessiren thut's
Ja alle Tag', bald Schlimm's, bald Gut's.
Doch halt mol still! Da fällt mer ain,
Der Borsch, der Izig Rosenstain,
Der hat gewoltjam Schläg' gekrigt.“
„„Wo vor denn?““ — „Nu, vor's Rathhaus von's
Gericht.“
„„Das frag' ich ja nich, Gimpelleben!
Worüber hob'n sie ihm die viele
Graufame Prügel denn gegeben?““ —
„Worüber? — Ueber die Machile.“ —
„„Ih, Gimpel, hör mich doch mal ahn!
Ich frage jo, wos hot er denn gethan,

Daß sie so grausam schlugen ihn?“ —
„Gethan? Gethan? — „Au waih“ hat er geschrien.“ —
„„Ich, Moriz, hör' doch nur, ich main““
„Ich hob' genug. Loß sain! Loß sain!
Genung vor Dich, daß er se hot!
Ich hob zum Schmusen kaine Zait,
Du bist nu prächtig vorbereitet't,
Verschreck Dir nich: der Mausēs, der is todt.“ --
„„Der Mausēs todt?““ un sacht tauhopen.
Un freg't Beswimen ¹⁾ von't Versiren,
Un All', de üm ehr rümmer wiren,
De frigen't Können un dat Lopen,
Doch Kahle bringt dat stracks in'n Glikē ²⁾,
Sei lett ehr an koll Water rüken
Un hett sei ut de Dhnmacht weckt
Un treckt Herrn Moriz ut den Hümpel;
„Herr Gimpel sind ein wahrer Simpel!
Sie hab'n sie bis zum Tod erschreckt;
So was ist nicht für franke Dhren;
Die ganze Cur ist jetzt verloren,
So etwas kennen wir Doctoren.“ —
„„Au waih geschrien! Mein Geld! Die ganze Cur!
Doch warten Sie, Herr Dokter, nur!““

¹⁾ Beswimen — in Dhnmacht fallen. ²⁾ in'n Glikē
— in's Gleiche.

Un schüwwt de Annern utenanner
Un geht an sin schön Blümchen ranner:
„Wo haist? — Wo is? — Wo fällt Dir ain?
Wo kannst Du so verschrecklich sein?
Du wirst die ganze Cur verderben!
Der Maus es is nicht todt.
Wofu soll denn der Maus es sterben?
Un wenn er stirbt, sind wir die Erben.“
Un geht herut: „Ich hob nich Zeit;
Ich muß zu Haus' zaruck noch heut.“
Sin Wagen steiht denn of bereit,
Un as uns' leim Herr Moriz Gimpel
Heruppe stigt up sin Gerümpel,
Dunn stahn de Curgäst vör de Dör,
Un't Lachen geht nu hen un her,
Dunn kickt Herr Moriz von den Wagen
So höhnschen up de Gäst hendal
Un ward sich an de Taschen slagen
Mit sine langen, dreck'gen Knäbel:
„Geld is die Hauptsach' doch, Herr Kahl.
Un, meine Herrn, besuchen Sie mich in Käbel!“

62. Wo is dat Fü'r?

Wer in Demmin sünst hett verkehrt,
De kehrte dunn bi Böckel an;
Wer in Stadt London nu logirt,
Logirt bi Buck, so heit de Mann.
Dat is de Lop so in de Welt;
Un wenn't di just of nich geföllt,
Dat helpt di nich, du möst mit ran:
Is hüt din Utseihn jung un smuck,
Büßt morgen du en ollen Mann;
Wat „Küken“ ¹⁾ heit, dat ward 'ne Kluck;
Un ut en Böckel ward en Buck.
Un sünd wi nu of olle Lüd',
So denk wi girn noch an de Tid,
Wo sei uns tellten tau de Jungen,
Un wi as Häufen ²⁾ rümmer sprungen.
Un hellich fidel un häglich was't,
As Böckel Wirth, un Piter Gast;
So as de-Gast was, was de Wirth.
Dunn würd mit Rahrenkappen lüdt,
De Esel bi den Start upschirrt;

¹⁾ Küken — Küchlein. ²⁾ Häufen — Böcklein, Zicklein.

Sin'n Nahr'n hett Jeder Zucker gewen
Un Düwels-Jur un -Alf bedrewen;
Dunn würd in männig lustig Nacht
De Sorg' tau'r Husdör rute lacht;
Doch hett de Sak mal gruglich en'nt,
As Piter rep: „Kreuz Element!
Herr Böckel rut! Ehr Hus, dat brennt.“ — —

Doch de Geschicht will ick vertellen.

Eins seten lustige Gesellen
Bi Win in de Stadt London wedder;
Herr Böckel, de gung up un nedder
Un ded so recht vergnüglich sin,
Ein Wirthshus was bet haben rull;
Dunn klingelt buten dat verdull, ¹⁾
Un Piter Krohn, de kümmt herin
Un maakt denn glif en groten Larm:
„Kellnär, en Zimmer gleich! un warm!
Was giebt's zu essen? Karte her! —
Kalbsbraten, Beefstake, Ribbespeer —
Mir Beefstake, Eier d'rauf geschlagen! —
Doch erst en Cognac für den Magen!“ —
„Je,“ seggt nu Böckel, „'s thut mir Leid,

¹⁾ verdull — wie toll, d. h. sehr stark.

Die Zimmer sind besetzt für heute;
Ich habe leider kein Quartier"" —
„Was? Hier kein Zimmer mehr für mir?“ —
„Herr Krohn, bedaur', ich kann nicht dienen,
Hab' kein apartes mehr for Ihnen. —
Indessen doch: en Ausweg weiß ich,
Auf Nummero dreihundertdreiunddreißig
Logirt aus Gladbach ein Herr Joseph Timm"" —
Un flüstert em nu tau mit lise Stimm:
„„Taum irstenmal, is noch so'n Gräunen ¹⁾ —
Wenn Sie mit dem sich könnten einen,
Dann ließ die Sach sich arrangiren,
Sie könnten dann bei ihm logiren.““ —
Na, Piter Krohn, de söcht sich dissen
Un drinkt tausam mit Josef Timmen
'Ne Buddel Spohn von Josef Nissen
Un ward em för den Anslag stimmen.
„Je,“ seggt hei denn, „mein lieber Timm,
Ein Umstand ist dabei nur schlimm:
Nachtwandeln, könn'n Sie das vertragen?“
„„Je ich““ — „Nein, Freundchen, still! ich weiß,
Was Sie mir Alles können jagen —
Nein, nein! So wahr ich Piter heiß,

¹⁾ Gräuner — Grüner.

Ich habe Keinen noch geschlagen,
Keinen gewürgt, das Gniß ihm umgedreht
Und mich in der Fatalität
Nur höchst gemüthlich stets betragen.
Und sollt es leider heut' gescheh'n,
Daß Sie mich schlafend wandeln sehn,
So rufen Sie nur „Piter Krohn!“
So wie Sie rufen, wach' ich schon.“ —
Na, Josef Timm seggt: „Schön!“ un geiht tau Bedd,
Doch unse leiwe Piter hett
Sich noch 'ne lange Tid mit ein'n gewissen
Herrn von Caros' un von Lafitt,
Bel Schön's vertellt von Josef Nissen.
Un as den Stoff hei gründlich hett verhandelt,
Nimmt hei sin Licht, steiht up un wandelt
Mit sihr verquere Beinphilosophie
De Trepp herup nah sin Logis. —
Still rauht dor Josef Timm, un Piter Krohn
Pöllt ¹⁾ sich ut sin Kledasch' herut,
Dunn hört hei buten so'n Ton,
So'n Larmen ward't, un so'n Getut!
Hei maßt dat Fenster up un sickt heraf,
Dunn rönnt vörbi in vullen Draß ²⁾

¹⁾ pöllt — schält. ²⁾ Draß — Trab.

En oll Nachtwächter un schriggt: „Für!“
Un Piter fröggt, wo't Fürer wir?
Ob in de Stadt, ob mang de Schünen? —
„Ne,“ röppt de Kirl, „das brennt bei Ihnen!“ —
Na, Piter nu, de prallt taurügg,
Grippt irst nah sinen Prauwenkasten;
„„Ne, ne! de hett noch Tid! Den nich! —
Ne, irst de Hof! Ne, nich! De nahsten!
Irst Joseph Timm, de künn verbrennen!““
Un ward an't Bedd herranner rönnen
Un friggt em packt bi Hor un Fell
Un springt in'n Hemden vör em rüm:
„„Heraus! Heraus! Herr Joseph Timm!
Es brennt bei uns, hier im Hotel!““ —
De springt ut Piter'n sine Hän'n
Nu pil tau Höcht un hell tau En'n
Un denkt, uns' Piter wandelt Nacht
Un röppt: „Herr Krohn, Herr Piter! Aufgewacht!
Sie sagten doch, Sie hätten Keinen
Gewürgt un Keinen umgebracht,
Warum denn mir? Herr Piter, mir? —
Herr Jes! nu rennt er aus der Thür!“
Un Josef Timm
Nu achter d'rin!
Ei Gott, Herr Jes im Himmelsthron,
Läuschen un Rimelß II.

Herr Piter, Piter, Piter Krohn!" —
Se, hett sich wat tau Pitern un tau Krohnen!
Unj' Piter rönnt in'n Hemden blank
Mit „Für! Für!“ den Gang entlang
Un ward nich Bein un Lungen schonen. —
Un ut de Timmern links un rechts
Im tweiten un im drüdden Stock
Stört't All's in Hof' un Unnerrock,
Wat männlichen un weiblichen Geschlechts.
Un't ward dor in den halwen Düstern
So'n Können, Lopen un Verbistern;
Herr Kreihenbohm up Holtenhagen
Ward nah sin Döchter schri'n un fragen;
En Kopmann söcht sin leiwes Wiv,
De hett in Angst den Arm um't Liw
Von einen jungen Leutnant slagen,
Halw dod bi dese Schreckenspost
Un rauht an sine Heldenpost,
De beiden lütten Kreihenböhmings,
De heww'n sich richtig so'n por Strömings¹⁾
Ut ehr Bekanntschaft rute gabelt
Un liggen bleif ehr in den Arm.
Madam Verdöhl hett in den Larm

¹⁾ Strömings — Wirthschafter.

En Judenjungen rute kabelt ¹⁾
Un liggt mit ehr twölw Stein Gewicht
Den armen Mauseß fast taunicht,
Un bi ehr steiht en Nahwer Smidt
Un strakt un deiht un tröst't un gütt
Ehr sin Waschbecken in't Gesicht
Un döpt den Judenjungen mit
Un Piter steiht in den Krawall,
Un schriggt, as wenn hei hängen fall,
Noch ümmer „Fü'r! dat brennt! dat brennt!“
Un Josef Timm hett bi dat End
Bon't Hemd em packt un treckt un lacht:
„'S ist all' nicht wahr! 'S ist All' nich wahr!
Herr Piter träumt nur von Gefahr,
Herr Piter Krohn, der wandelt Nacht.“ —
Un de Berwirrung würd so grot,
As bi den Babylonschen Thorm,
Doch wir s' wohrschinlich gröter word'n,
Wir Crinolin dunn all in Mod'. —
Na, endlich kümmt denn von't Parterr
Bon dat Hotel herup de Herr,
Herr Böckel, hellisch in Verdruß,
In puris naturalibus,

¹⁾ kabelt — geloojet.

Dörch Hemd un Nachtmütz swack verstemen.

„Wer?“ ward hei sühr in Arger sprekten,

„Wer hett sich dat hir unnerstahn,

Hir haben Füerlarm tau slahn?“ —

„„Sch,““ seggt uns' Piter, „„Sie zu dienen!

Mir hat's der Wächter selbst gesagt.

Herr Böckel, Herr! Es brennt bei Ihnen!““

De Larm ward gröter nu dor buten,

Dor ward mit Sprütten¹⁾ rümmer jagt,

De Kloöken gahn, de Wächters tuten:

„Ja, Füer is hir tau Demmin!

Herr Ze, wo mag dat Füer sin?“

„„Bei Ihnen!““ röppt uns' Piter wedder.

Nu geht dat denn Trepp up Trepp nedder,

Nu ward in'n Hus' herümmer tüffelt,²⁾

Nah Brand un Damp un Rok³⁾ rüm snüffelt

Bon un'n bet haben, dörn un hinnen,

Ze, Fü'r is nahrends nich tau finnen!

Dunn föllt dat Herren Böckel in,

Den Wächter sülwst mal tau befragen.

Hei geht herut, kümmt wedder rin:

„Herr Krohn, Sie mag der Deuwel plagen,

Uns solchen Schreck hier einzujagen!

¹⁾ Sprütten — Spritzen. ²⁾ herümmer tüffeln — auf Pantoffeln umhergehen. ³⁾ Rok — Rauch.

Was kümmern Ihnen ungelegte Eier?
Beim Kaufmann Ihnen ist das Feuer." —
„Se, das,““ seggt Piter nu, „das mußte
Ich nicht, er sagte ja, „bei Ihnen,“
Womit er Ihnen meinen mußte;
Wie konnte ich das anders wissen?““
„Ach, still! mein Herr, ich sah's, Sie schienen
Mir gestern allzu sehr mit Joseph Nissen
Zu sein in süßer Harmonie.
Gehn Sie zu rechter Zeit zu Bette!
Studir'n Sie hübsch Orthographie!
Denn wenn der Wächter mich gemeinet hätte,
Denn hätt' er nicht gesagt: „Es brennt bei Ihnen,“
Er hätt' gesagt: „Es brennt bei Sie.“

63. En lütt Verseihn.

De Dokter Dörwald un de Dokter Brunn,
Von de ein Jeder mal bi uns' Husoren stunn
Un olle Krigskamm'raden wiren,
De warden mal nah Zatsch rut führen. —
Na, wenn s' sich Beid ok jülwst nich Dokter nennten,
So würd doch Dokter tau ehr seggt. —

De Gin, de hadd en Dffen taum Patschenten,
De Anner hadd den Dffenknecht.
Sei gahn nu Beid nah ehre Kranken
Arm in den Arm den Hof entlanken;
De Gin geht unnen in den Stall,
De Anner stäwelt up den Bähn;
Bi Beiden is't en flimmen Fall.
Up beide Fläg' is grot Gestähn,
Und beid Patschenten sünd sivr slicht.
De Knecht, de hett 'ne dägte Gicht,
De Dß, de hett 'ne dägte Pogg;¹⁾
Taum Glücken äwer lewen j' noch.
De Gin, de säult den Puls den Kranken,
De Anner grippt em in de Flanken:²⁾
De Gin lett sin'n de Tung utrecken,
De Anner ward den Start em trecken;
De Gin ward up dat Water achten,
De Anner Fastes irnst betrachten;
Un maken Beid' sivr irnst un sivr vernimm³⁾
De üblichen bedenklischen Gesichter:
„Hm, hm! das ist sehr schlimm, sehr schlimm!

¹⁾ Pogg, eigentlich — Frosch; wird aber, wie hier, für die Trommelsucht gebraucht. ²⁾ Flanken oder Lanken — Weichen. ³⁾ vernimm — dessen Beobachtungsgabe nichts entgeht; wird aber nur vom Aussehen gebraucht.

Das ist 'ne übele Geschichte!" —
Denn of en Thierarzt ward bi jeden
Sihr flimmen Kasus hochdütsch reden. —
Doch segg'n sei endlich alle Beid',
Dat mit Geduld un Pünktlichkeit,
Bör Allen dörch ehr Medizin
De Krankheit würd tau heilen sin.
„Ja ward 'ne lütte Buddel schicken,"
Seggt Dörwald haben,
„Dorvon gewt Zi den ollen Knaben
Tweistündlich einen Lempel in
Un lat't em jo rein rute licken."
„Ja ward 'ne grote Buddel schicken,
Dat ward 'ne gaud Pottsbuddel¹⁾ sin,"
Seggt unnen Brunn,
„De nemt un schüddelt f' düchtig, un
Denn up tweimal
Geiht't Zi f' em dal.""
Sei gahn denn nu, vernüchtern sich en Beten;
Un as sei drunken heww'n un eten,
Dunn stigen sei up ehren Wagen
Un führ'n nah Hus. — Nah zwei, drei Dagen,
Dunn führ'n sei wedder rut nah Zatsch;

¹⁾ Pottsbuddel — eine Flasche, welche einen Pott (Gemäß) faßt.

Taufällig is dor Dhrenklatjch. ¹⁾
Worüm jüll'n sei nich rute führen,
Bi Austköst lett sic' gaud kuriren. —
Sei kamen an, doch bi dat Dur
Dor stigen s' af: „Ne, irst de Kur!
Ne, irsten gahn wi nah uns' Kranken!
Man weit dat woll, bi so'n Geschicht
Dor gahn tauwilen de Gedanken
Ein'n ganz gefährlich ut de Richt; ²⁾
Dor künn Berwesselung gescheihn,
Un 'ne Berwesselung un en Berseihn
In desen bitterbösen Fall
Na, Brunn! Na, Dörwald! — Denn wir't all.“ —
Herr Brunn, de geht nah sinen Stall,
Herr Dörwald geht nah sinen Bähn:
„Wo geht di dat, min olle Sähn?“
Je, ja! Je, ja! Sei hört kein Wurt,
Sei süht nu tau! sin Krank is furt;
Un as hei dal nu geht nah unnen,
Dunn is of unsen gauden Brunnen
Sin Dß verschwunnen. —

¹⁾ Dhrenklatjch und das Nachfolgende „Austköst“ bedeuten beide — Erntefest; das „klatjch“ oder „clats“ kommt von collatio; das „Aust“ im zweiten Worte von August. „Köst“ bedeutet ein Mahl von geladenen Gästen. ²⁾ ut de Richt — vom richtigen Wege ab.

„Dat weit denn doch de Swerenoth!
De beiden Patschienten dod!“ —
Sei gahn denn trurig nu tausamen,
Doch as sei nah den Hof rut kamen,
Steiht Dörwald ganz verdukt un röppt:
„„Wo? Dunner! is dat nich Hans Boff,
De Dffenknecht, de dor rüm löppt?““
Un Brunn, de röppt: „Rif dor min Dß!“
Un löppt up sinen Dffen in,
Un fröggt den Allen, de em ledden deiht,
Ob dat nu beter mit em steiht,
Un ob hei wedder freten künn? —
„„Ja, Herr,““ seggt de, „„hei 's ganz nu wedder gaud,
Hei frett un süppt un aderkau't¹⁾,
Un wat vör Allen is dat Best,
Hei hett all gistern nüdlich mest,²⁾
Un id heww hüt all mit em haft.““ —
„Na, heww'n Zi dat denn ok so maft,
As id dat lekt heww anordnirt?“³⁾
„„För tweimal, Herr, tau wenig wir't;
Id göt em dat mit einmal run.““
„Hei mag den Deuwel!“ röppt unj' Brunn.
De All, de treckt 'ne Buddel rut un seggt:

¹⁾ aderkau't — wiederkäuet. ²⁾ mest — gemistet. ³⁾ anordnirt — angeordnet.

„„Wat fall up tweimal denn so'n Bettel?““
Un Brunn, de nimmt s' un lest den Zettel:
„Für Johann Boß, den Dffenknecht,
Un steiht vör Wunnern¹⁾ stiw un stumm
Un denkt, de Du, de will em foppen,
Un dreiht dat Glas, rückt an den Proppen:
„Wahrhaftig, ja! 'S ist Colchicum!“ — —
Un 'n Beten afwärts von den Dffen
Steiht Dörwald dor mit Jehann Bossen:
„„Wo, büst Du all herut, min Sähn?
Ick was all 'rup nah Dinen Bähn.
Büst Du all wedder beter word'n?““ —
„Herr Dokter, ja! sid gistern morg'n.
De Medicin veracht ick nich;
Ewors wörgt sei mi ganz fürchterlich
Un slog bi mi of hellischen dör,
Un 'n hellischen Grugel hadd 'ck dorvör,
Doch heww ick s' richtig runne sluckt.“ —
„„Hest Du de Buddel ut all brukt?““ —
„Ne, Herr, ne, dat wir woll nich mäglich!
Ick nem min Deil ganz richtig däglich;
Doch as ick mi dat äwerslag',
Heww 'ck woll noch naug up vierteihn Dag'.

¹⁾ Wunnern — Bewunderung.

Hüt heww ick denn mal äwerschaten,¹⁾
Ick wull de Lustköst nich verpassen,
Un ward sief an de Taschen faten,
„Doch füll dat mit mi warden slimmer,
Ick drag sei ümmer mit mi rümmer.“ —
„„Na, wif doch mal!““ — Hei treckt de Buddel rut;
Herr Ze, wo sach de Dokter ut,
Als hei dat Beist höll in de Hän'n!
Hei ward dat dreihn, hei ward dat wen'n:
Hei schüddt de Buddel, schüddt den Kopp,
Hei maakt tauleht den Proppen up,
Hei rückt, hei lickt — wo spuckt hei ut! —
„„Pfui Deuwel!““ seggt hei, „„wat hett Brunn
För Düwelstüg tausamen brut!
Un dat, dat söpft Du Allens run?
Dat is jo Kalk un Theriak
Un Tobacksjauch un Salmiak.““ —
„Ja, Herr, dat heww ick all innamen;
Un 't is mi jo of gaud bekamen. — —
Un Dß un Dffenknecht, de gahn. — —
Un unse beiden Dokters stahn
Un kiken sief enanner an,
Un Dörwald lacht un fängt nu an:

¹⁾ äwerschaten — übergeschossen.

„Na, Du haddst bald wat angestiff't,
Du haddst mi minen Jehann Boffen
Bald mit Din olles Jux¹⁾ vergift't.“ —

„Ja,“ lacht of Brunn, „un Du den Dffen.“ —

„Na, woll'n nich weiter davon reden,“
Seggt Dörwald, „woll'n nicht All un Jeden
Die Sache auf die Nase binden,
Manch Dummkopf könnt ein Haar d'rin finden,
Was weiß der Laie von Natur?
Von ihrer Kraft
Und Eigenschaft?
Der heut'ge Fall lehrt wieder nur,
Daß jede Kur
Bergeblich ist, wenn die Natur
Nicht hülfreich ihre Hand uns reicht.
Weh jedem Arzt, der von der Spur
Der helfenden Natur abweicht!
Zhr Viehdoktoren habt es leicht:
Es steckt in einer Viehnatur
Zehntausendmal mehr von natürlicher Natur,
Als in der Menschen-Kreatur.“ —

„Na,“ lacht denn Brunn, „lat dat man wesen!

Jā heww dor of mal wat von lesen.

¹⁾ Jux, von jocus, eigentlich — Scherz, dummes Zeug
widerwärtiges Zeug.

In'n Ganzen gew id' Di ok Recht:
Doch hett en Dß ok eine forsch¹⁾ Natur,
Sei langt²⁾ nich an so'n Dffenknecht."

64. Hei is woll klaut up sine Bänker,
Doch Jöching is en ganz Deil kläuter.

De Schaulrath Is ut Irenstein
Würd mal tau Kramersdörp nahseihn,
Wo wid in Schriwen, Lesen, Baukstafiren,
In'n Katekism' de Gören wiren.
Hei sünn dat Ganze man sibr swack,
För Allen was't lütt Jöching Tack,
De würd sid' hellischen blamiren,
Wüßt nicks un kraßt herüm in't Hor.
Na, as tau En'n nu was de Krempel,
Stellt em de Schaulrath as Exempel
„Der schauderhaftsten Dummheit“ dor.
De Schaulrath führt den Middag furt,
Un as hei rut kümmt ut den Ur,
Weit hei nich mit den Weg Bescheid;
Hei röppt sid' also einen Jungen,
De dor sin Göffel häuden deiht.

1) forsch — stark. 2) langt — reicht.

De Jung' kümmt munter ranne sprungen,
Un de Herr Schaulrath fröggt: „Min Sähn
Wo geht de Weg nah Grotten-Klähn?“ —
Dunn lacht em Zöchling dwaëlings an:
„„Hei 's jüs doch so en klauken Mann,
Zs hei mit einmal dämlisch word'n?
Hei was doch noch so klauk vermorg'n?
Un nu weit hei nich mal Bescheid,
Wo't nah dat negste Dörp hengeiht?““

65. So nich quälen.

„**M**in leiwe Pröhl,“ segg ick tau Bewer Pröhlen,
„Hir is de Hund, man mit em furt!
Un dat Sei em man jo nich fehlen,
Un dat sin Qual nich länger durt!“
„„Je, Herr,““ seggt Pröhl, „„Sei möten mit;
Mi folgt hei willig nich allein,
Un wenn hei an den Strick so ritt,
Denn kann ick't of nich gaud anseihn,
Denn ick bün of man sihr weikmäudig.“ —
Na, ick gah mit: „Kumm, Wasser, kumm!“
Un min oll Wasser, stiw un stumm,

Half blind, de beiden Uhren bländig,
Geiht tru un trurig an min Sid.

„So,“ segg ick, „nu man fix heran!
Hir bin'n S' en sid man an de Wid
Fast! Dat hei sid nich rögen kann.

Un denn vör'n Kopp! dat't fix vörbi.“ —

Du Bewer Pröhl, de binnt em an
Un dreihst sid üm un seggt tau mi:

„„Herr, fall 'ck em up dat Blatt nich scheiten?““ —

„Ne,“ segg ick, ne! Wat fall dat heiten?

Grad vör den Kopp! — Denn 's't glif gescheihn,

Un ward mi von em afwärts dreihn

Un stah un lur nu up den Pass.

Du Pröhl leggt an, set't wedder af,

Un seggt tau mi: „„Herr, weiten S' wat?

Id' scheid em richtig up dat Bladd.““ —

„Ih ne,“ segg ick, „grad vör den Kopp!“ —

Hei nimmt sin Flint un böhrt f' herup,

Set't f' wedder af un röppt mi tau:

„„Herr, wenn 'ck oll Wassern scheiten fall,

Scheid ick — de Düwel hal! — up't Bladd.““ —

„Ne, ne!“ segg ick. „Wat fall denn dat?

Vör'n Kopp! Un nu man tau! Man ball!

Up't Bladd, dor künn'n Sei em verfehlen;

Wotau den armen Röter quälen?“ —

„Je, Herr,“ seggt Pröhl, „dat is dat eben:
Bör'n Kopp künn't em so'n Dröhnung gewen.“

66. De richtige Grund.

Hett all sin'n Grund hir up de Welt,
Du möst dor man nah fragen;
Wer an en Pfiffkopp Fragen stellt,
De ward of nich bedragen;
So'n Pfiffkopp weit för Allens Rath,
Hett Grund un Urjaß stets parat.

En hohe Herr was mal nah Zohren wedder
In cine Stadt, wo hei studiren lihrt,
Un güng mit Herr von Lüttmann up un nedder —
Up'n Hoppenmark tau Rostock wir't —
Dunn ward en oll Professor dor vöräwer gahn,
Bi den hei in de Lühr hadd stahn,
Un as de Dll nu deip sich bückt
Un treckt den Haut bet unnen dal,
Dunn süht hei, dat sin Kopp was kahl
Un blank, as hadd de Bull em licht.
„Ei, Herr von Lüttmann, seh'n Sie mal!“
Seggt unse Herr. „Als ich hier war,

Da hatt er noch fein volles Haar,
Zwar grau, doch noch en vollen Schopf.
Woher hat er den kahlen Kopf?“ —
De Herr von Lüttmann steiht un steiht
Un sinnt, wo dit woll taugahn deiht,
Doch endlich plagt hei mit de Antwort rute:
„Soll ich mich, Hoheit, unterfangen
Zu sagen, was ich fast vermuthe? —
Das Haar ist ihm wohl ausgegangen.““

67. Dat ward All' slichter in de Welt.

Wa Mutter Schultsch liggt up den Dod
Un wünscht in ehre letzte Noth
Mit den Herrn Paster noch tau reden.
Sei hadd up't Lezt sihr Beles leden
Un hadd in ehren letzten Dagen
Vel Armaud un vel Glend dragen.
De Paster kümmt den hen tau ehr
Un seggt: dat Starben wir woll swer,
Sei müßt sich up den Himmel trösten;
In'n Himmel wir dat doch am Besten.

Hir up de Erd, gestünn hei in,
Künn't allerwegen beter sin,
Un't würd von Dag tau Dagen jlimmer.
„Drum hoffet auf den Himmel nur,
Der Himmel nur giebt uns Gewinn.“ —
„Ja,“ seggt de Dilsch, „dat säd id' ümmer,
Doch segg'n sei All' jo, Herr Pastur,
Dat fall dor of nich mihr so sin.“

68. Up wat?

„Hit,“ seggt de Dilsch, „dat is vörbi.
Du lettst nahgrad de Treckeri!
Ich heww den ganzen Kummel satt:
Saum Frigen, Dirn, dor hört of wat,
Un Du heft nicks, un hei hett nicks;
Ut de Geschicht, dor ward kein Bux;
Du kannst noch gaud en Annern frigen.
Hei is en wahren Snurrer jo!
Up wat denn wull'n Zi Zug woll frigen?“ —
„Up Pingsten, Mutting, dacht' wi jo.“

69. Noth- und Liebeswerke.

Herr Paster Bahn tau Hogen-Zittel
Sett sin Bedkinner vör sich stahn
Un kümmt denn nu up dat Kapittel,
Wat Noth- un Liebeswerke sünd.
„Nun sag' mal,“ seggt Herr Paster Bahn,
„Nun sag' mir Du mal, liebes Kind,
Was Noth- und Liebeswerke sind?“
Un wend't sich an lütt Fiken Schachten,
Ut de ehr'n lütten roden Mund
Un ut de Dgen krall un rund
Noch Kinnerpill un Hägen lachten.
„Du weißt es,“ seggt de Paster, „wie ich merke;
Was sind wohl Noth- und Liebeswerke?
Du giebst gewiß mir d'rauf Bescheid.“ —
Un Fiken lickt den framen Mann
So recht vertrut unschülig an:
„Wenn Gin den Annern frigen deiht.“

Zu haben in allen Buchhandlungen:

Fritz Reuter's sämtliche Werke.

13 Bände. Geheftet à 1 Thlr. Elegant geb. à 1 $\frac{1}{3}$ Thlr.

- Band I. Läschen un Rimels. 1. Thl. 11. Aufl.
Band II. Läschen un Rimels. 2. Thl. 9. Aufl.
Band III. Reif' nah Selligem. 6. Auflage.
Band IV. Alle Kamellen. 1. Theil. Woans ick
tau 'ne Fru kamm. — Ut de Franzosen-
tid. 10 Auflage.
Band V. Alle Kamellen. 2. Theil. Ut mine
Festungstid. 8. Auflage.
Band VI. Schurr-Murr. 6. Auflage.
Band VII. Hanne Hüte. 7. Auflage.
Band VIII. Alle Kamellen. 3. Theil. Ut mine
Stromtid I. 9. Auflage.
Band IX. Alle Kamellen. 4. Theil. Ut mine
Stromtid II. 8. Auflage.
Band X. Alle Kamellen. 5. Theil. Ut mine
Stromtid III. 7. Auflage.
Band XI. Kein Hüfung. 5. Auflage.
Band XII. Alle Kamellen. 6. Thl. Dörchlächting.
5. Auflage.
Band XIII. Alle Kamellen. 7. Theil. De meckeln-
börgschen Montecchi un Capuletti oder
De Reif' nah Konstantinopel. 4. Auflage.

Illustrierte Prachtausgaben.

- Hanne Hüte, mit 40 Bildern, gezeichnet von Otto Specker,
in Holz geschnitten von Brend'amour. Geheftet 2 Thlr
Eleg. geb. mit Goldschnitt 2 $\frac{1}{2}$ Thlr.
Alle Kamellen, Stromtid, 3 Bde. mit 60 Bildern von E.
Pitsch, in Holz geschnitten von Brend'amour, Worms
und v. Steindel. Ausgabe in eleg. Einband 6 Thlr.,
in Prachteinband mit Goldsch. 8 Thlr.

Illustrationen zu Fritz Reuter's Werken.


- Hanne Hüte, 37 Bilder, gezeichnet von Otto Specker,
nebst Reuter's Portrait in eleganter Mappe 1 $\frac{1}{2}$ Thlr.
Stromtid, 60 Bilder, gezeichnet von E. Pitsch, nebst Reuter's
Portrait, in eleganter Mappe 2 $\frac{1}{2}$ Thlr.

Verlagswerke der Hinstorff'schen Hofbuchhandlung in Wismar, Rostock und Ludwigslust.

- Adressbuch der Stadt Wismar** pro 1872. 20 Sgr.
- Album von Wismar.** 8 lithographirte Ansichten. Preis 20 Sgr.,
in eleganter Mappe 25 Sgr.
- Allgemeines plattdeutsches Volksbuch.** Sammlung von Dich-
tungen, Sagen, Mährchen, Schwänken, Volks- und Kinderreimen,
Sprichwörtern zc. Von W. Raabe. Geh. $\frac{1}{3}$ Thlr. Cart. $12\frac{1}{2}$ Sgr.
- Balt,** Domaniale Verhältnisse in Mecklenburg-Schwerin. 1. Band.
Einleitung, Administrativ-Behörden, Grundbesitz und Landbevölkerung,
Landwirthschaft. Geh. $1\frac{1}{3}$ Thlr. — 2. Bd. 1. Abtheilung: Das
Schulwesen. $\frac{1}{2}$ Thlr.
- Bolle,** Ernst, Abriß der mecklenburgischen Landeskunde (Naturkunde,
Geschichte und Topographie). $1\frac{1}{2}$ Thlr.
- Cantionale** für die evangelisch-lutherischen Kirchen im Großherzogthum
Mecklenburg-Schwerin. I. Theiles 1. Liefg. Preis ungeb. 5 Thlr.
- Entscheidungen** des Großherzoglich Mecklenburgischen Oberappella-
tionsgerichts zu Rostock. Herausgegeben von den Oberappellations-
rätthen Dr. S. Buchta u. Dr. J. F. Budde. Bd. I. II. a $1\frac{1}{2}$ Thlr.
Bd. III. IV. a $1\frac{1}{2}$ Thlr. Bd. V. VI. VII. a $1\frac{2}{3}$ Thlr.
- Generalkataster** des ländlichen Grundbesitzes in Mecklenburg-Schwerin.
Gebunden 2 Thlr.
- Gloede,** Carl, Zutemoos. Eine Sammlung plattdeutscher Original-
Gedichte. Elegant gebunden 1 Thlr., geh. $22\frac{1}{2}$ Sgr.
- Grotfend,** G., prakt. Lehrgang für den Unterricht in der deutschen
Sprache, zunächst für höhere Töchterschulen bearb. Geh. $\frac{1}{3}$ Thlr.
— — G., Leitfaden für den Unterricht in der biblischen Geschichte. Zu-
nächst für höhere Töchterschulen. Geh. $\frac{1}{6}$ Thlr.
— — G., Lese-, Lern- und Übungsbuch für die Mittelklassen der Töchter-
schulen. Geh. $\frac{1}{2}$ Thlr.
- Hand- und Hülfsbuch** für den gesammten schriftl. Verkehr des Mecklen-
burgers im Privat- u. im öffentl. Leben. Geh. 1 Thlr. Geb. $1\frac{1}{4}$ Thlr.
- Illustr. Mecklenburgisches Volksbuch** für 1872. (Mit einer
Geschichte des Feldzuges der Mecklenb. Truppen 1870/71.) Preis 10 Sgr.
- Kleiner illustr. (Boß u. Haas-) Kalender** für 1872. Preis $1\frac{1}{2}$ Sgr.
- Kreuzer,** Die Blutigelhändler. Eine mecklenburgische Dorfgeschichte.
Mit 4 Bildern. Gebunden 10 Sgr.
- Krüger,** Cantor zu Projesen. Aufsatzübungen in den öffentlichen und
Privatschulen. 2., verbesserte Auflage. $\frac{3}{4}$ Thlr.
— — Grundbegriffe der deutschen Rechtschreibung u. Sprache in Fragen
u. Antworten für Schüler in Volksschulen. 3. Aufl. cart. 4 Sgr.
- Lese-Wandtabellen** für mecklenburgische Volksschulen. $\frac{1}{2}$ Thlr.

- Oberton, S.**, Mein Liederbuch. cart. 20 Sgr., eleg. geb. 1 Thlr.
- v. Derzen, Georg**, Alte Bilder und junge Blätter. Sonnette. Elegant geb. mit Goldschnitt 1 Thlr., geheftet 20 Sgr.
- Benß, Ad.**, Seminarlehrer zu Neukloster, Geschichte Mecklenburgs,
 1. Theil: Von den ältesten Zeiten bis zur Reformation. Geh. $\frac{1}{2}$ Thlr.
 2. Theil: Von der Reformation bis auf unsere Tage. Geh. $\frac{1}{2}$ Thlr.
- Blitt, C.**, Dr. jur., Das Lübeckische Erbrecht nach dem Gesetze vom 10. Februar 1862. Geh. 1 Thlr. 6 Sgr.
- Raabe**, Mecklenburgische Vaterlandskunde. Erster Theil: Specielle Ortskunde. Geh. $2\frac{1}{3}$ Thlr. Zweiter Theil: Landes- und Volkskunde. $2\frac{2}{3}$ Thlr.
- Der Rechtsfreund** für den gesammten gerichtlichen wie außergerichtlichen rechtlichen Verkehr des Mecklenburgers. Geh. $\frac{2}{3}$ Thlr.
- Sammlung deutscher Gedichte.** 7 Bdchen. a $\frac{1}{6}$ Thlr.
- Schlotterbeck, B.**, Aufsatzübungen für die Mittelklassen der Bürger- und die Oberklassen der Volksschule. Geh. $\frac{1}{6}$ Thlr.
- — Handbuch für den Unterricht im ersten Schuljahre. 1. Heft: Die Heimathskunde. 15 Sgr.
- — Handbuch für den Unterricht im ersten Schuljahre. 2. Heft: Der Schreibleseunterricht. $7\frac{1}{2}$ Sgr.
- — Handbuch für den Unterricht im ersten Schuljahre. 3. Heft: Uebungen zur Bildung der Sinne. 10 Sgr.
- — **Handbuch für den Verkehr mit dem neuen (metrischen) Maße und Gewichte.** In 4 Abtheilungen.
1. Abthlg.: **Reductions-Tabellen** der alten mecklenburg. Maße und Gewichte auf neue und umgekehrt. cart. 10 Sgr.
 2. Abthlg.: **Cubik-Tabellen** zur Bestimmung des Inhalts von kantigen Hölzern nach metrischem Maße. cart. 10 Sgr.
 3. Abthlg.: **Cubik-Tabellen** zur Bestimmung des Inhalts von Rundhölzern nach metrischen Maße. cart. 10 Sgr.
 4. Abthlg.: **Preis-Tabellen** zur Vergleichung der Preise zwischen den alten mecklenb. und den neuen Mäßen. cart. 10 Sgr.
- Schul-Choralbuch.** 163 Melodien zum Meckl. Gesangbuch im dreistimmigen Satze für Schule und Haus, bearbeitet von W. Greve und F. Wagner. Preis $\frac{1}{3}$ Thlr.
- v. Stein, C.**, „Vom kleinen Graal.“ Eine Erinnerung aus Warnemünde. Geh. 10 Sgr.
- Seeger**, Director, Realschulen erster oder zweiter Ordnung? Geh. $\frac{2}{3}$ Thlr.
- Stuhlmann**, Erzählungen aus Norddeutschland. 2 Bde., brosch. $2\frac{1}{2}$ Thlr.
- Timm, S.**, Liederbuch für Turner. Mit Singweisen in ein- und zweistimmiger Bearbeitung von C. Stechert. 7. Auflage. cart. $\frac{1}{3}$ Thlr.
- Schierpe, S.**, Erörterungen zur Mecklenburger revidirten Hypotheken-Ordnung über Landgüter, vom 18. Octbr. 1848. $1\frac{1}{3}$ Thlr.
- Winkler, Dr. W.**, Realschuldirektor in Büßow, Ueber Ursache und Ziel der gegenwärtigen Arbeiterbewegung. 3 Sgr.

[The main body of the page contains extremely faint and illegible text, likely bleed-through from the reverse side of the paper. The text is too light to be transcribed accurately.]



Rebacked 1972 .

